

თამაზ ლეჟავა

ივანე მარგიანი

ცხოვრება და მოღვაწეობა

სვანური სიმღერების უნიკალური
ფონოჩანაწერები
1928 წელი

მადლობას ვუხდით ჯოკია მეშველიანის ფონდს
თანადგომისათვის



ქართული ხალხური სიმღერის საერთაშორისო ცენტრი
სამხატვრო ხელმძღვანელი ანზორ ერქომაიშვილი

აგორა

თბილისი
2008

ნაშრომი ეძღვნება ცნობილ სასულიერო და საზოგადო მოღვაწეს დეკანოზ იოანეს (ივანე მარგიანს). მასში ფართოდ გაშუქებულია ამ მრავალმხრივი მოღვაწის ბიოგრაფია, შესწავლილია გენეალოგია, სასულიერო და ეროვნული მოღვაწეობის საგულისხმო მომენტები, წარმოჩენილია ივანე მარგიანის დიდი წვლილი სვანეთში პირველი ფოლკლორული ანსამბლის ჩამოყალიბების საქმეში, რომელმაც ფართო საზოგადოებას გააცნო სვანური სიმღერებისა და ცეკვის იშვიათი ნიმუშები.

წიგნს თან ერთვის ამ ანსამბლის მიერ მოსკოვში 1928 წელს გასტროლების დროს შესრულებული სვანური სიმღერების უნიკალური ფონოჩანაწერები, რომლებიც მოიძია ბატონმა ანზორ ერქომაიშვილმა.

ნაშრომი განკუთვნილია მკითხველთა ფართო საზოგადოებისათვის.

რედაქტორი

როზეტა გუჯეჯიანი — ისტორიის მეცნიერებათა დოქტორი.

რეცენზენტები

თამაზ ბერაძე — პროფესორი, ისტორიის მეცნიერებათა დოქტორი;

ტარიელ ფუტყარაძე — პროფესორი, ფილოლოგიის მეცნიერებათა დოქტორი.

© თამაზ ლეჟავა, 2008.

© გამომცემლობა აგორა, 2008.

ვიტორიო სელას ფოტოები ამოღებულია ალბომიდან „ვიტორიო სელა საქართველოს კავკასიაზე“, გამომცემლობა „განჯეში“, 2001 წ.

ISBN 978-99419-002-3-5

რედაქტორისაგან

საქართველოს უახლესი ისტორია მრავალ გმირსა და მოწამეს იცნობს, მაგრამ ფართო საზოგადოებისათვის ჯერ კიდევ უცნობია ბევრი ჭეშმარიტი მამულიშვილის სახელი, რომელთა შორის ერთ-ერთი დეკანოზი იოანეცაა (ივანე მარგიანი). ივანე მარგიანის (1872-1933 წწ.) მრავალმხრივი სასულიერო და საერო მოღვაწეობის ესა თუ ის ასპექტი არათუ ისტორიკოსთა და ეთნოლოგთა, არამედ ენათმეცნიერთა, ფოლკლორისტთა, ჟურნალისტთა თუ სხვა დარგების წარმომადგენელთა ინტერესს იწვევს.

ივანე მარგიანი საქართველოსთვის მეტად მძიმე პერიოდში მოღვაწეობდა (XIX ს-ის ბოლო, XX ს-ის პირველი მეოთხედი). ჯერ მეფის, ხოლო შემდეგ საბჭოთა რუსეთისაგან ოკუპირებულ საქართველოში ქართული სიტყვისა და სამშობლოს სიყვარულის ქადაგება უამრავ პრობლემასთან იყო დაკავშირებული, მაგრამ ივანე მარგიანი ერთგულად ემსახურებოდა წმიდა გაბრიელ ეპისკოპოსისა და წმიდა ილია მართლის იდეალებს და მუდამ ქართული ღვთისმსახურების აღდგენას და ეროვნულ-განმათავისუფლებელი იდეების აღორძინებას ესწრაფოდა.

ივანე მარგიანი ზემო სვანეთის მულახის თემში, მღვდლის გიორგი მარგიანის ოჯახში დაიბადა. განათლება ქუთაისის გიმნაზიაში, ქუთაისის სასულიერო სასწავლებელსა და თბილისის სემინარიაში მიიღო. მღვდლად კურთხევის შემდეგ ქვემო სვანეთსა და ცაგერში მოღვაწე-

ობდა. სასულიერო მოღვაწეობასთან ერთად პედაგოგიურ საქმიანობასაც ეწეოდა, ამასთანავე, აქტიურად თანამშრომლობდა ქართულ პერიოდულ გამოცემებთან („ივერია“, „მოამბე“, „ცნობის ფურცელი“, „მოგზაური“, „მწყემსი“, „შინაური საქმეები“...). ივანე მარგიანის ყოველი სტატია თუ ნაშრომი ეროვნული თვალთახედვით გამოირჩევა. იგი მხარში ედგა ყოველ სასიკეთო საზოგადოებრივ წამოწყებას და მედგრად ეწინააღმდეგებოდა ანტიქართულ და ანტირელიგიურ გამოსვლებს, რითაც სამწუხაროდ ხასიათდებოდა XX საუკუნის დასაწყისი. ათეიზმის სენითა და სოციალ-დემოკრატიული იდეებით დაავადებული საზოგადოების მხრიდან მომდინარე აგრესიას აქტიურად ებრძოდნენ დასავლეთ საქართველოს სასულიერო და საზოგადო მოღვაწეები, მათ შორის, ივანე მარგიანიც. მან მხარდაჭერა გამოუცხადა მღვდელ სვიმონ მჭედლიძესა და გაზეთის „შინაური საქმეები“ გეზსა და მიმართულებას.

შემდეგაც, კომუნიტური რეჟიმის მძვინვარების ხანაშიც ასერხებდა ივანე მარგიანი ქვეყნისთვის სასიკეთო საქმის კეთებას – ეწეოდა ქართული (სვანური) ჯიშის ფუტკრის პოპულარიზაციას, სათავეში ედგა ცაგერის განათლების განყოფილებას, ბარიტის წარმოებას, 1928 წელს დააარსა ზემო სვანეთის სიმღერისა და ცეკვის ანსამბლი, მოიძია, თავი მოუყარა, აღადგინა და დაკარგვას გადაარჩინა მრავალი ძველქართული (სვანური) ცეკვა და სიმღერა, მათ შორის საეკლესიო საგალობლებიც.

1931 წელს ივანე მარგიანი დააპატიმრეს, რეპრესიების სიმძიმე იწვნია მისმა ოჯახმაც. ქვეყნის თავისუფლების დაკარგვითა და ღვთისმსახურების აკრძალვით გამოწვეულმა სევდამ ივანე მარგიანის ჯანმრთელობა მკვეთრად შეარყია. იგი 61 წლის ასაკში (1933 წ.) გარდაიცვალა.

ივანე მარგიანის ნაშრომ-ნააზრევი ამჟამადაც აქტუალურია. სამწუხაროდ, დღესაც მოქმედია ბევრი რუსული – იმპერიული და საბჭოთა იდეოლოგიით ნასაზრდოები სამეცნიერო თეორია – მიმართული ქართული ეთნიკური (ეროვნული) ცნობიერების გახლეჩვისა და დანა-

წევრებისაკენ – მათ შორისაა ე. წ. ქართველური ენების (ქართული, მეგრული, ლაზური, სვანური) თეორიაც. ეს თეორია როგორც გარედან თავისმოხვეული და მიუღებელი – ჩვენი ეროვნული იდენტობისათვის, ბუნებრივია ქვეყნის ხელახალი განთავისუფლებისთანავე, ნელ-ნელა დავიწყებას უნდა მისცემოდა, ვინაიდან იგი ეწინააღმდეგება ფარნავაზიდან მომდინარე უწყვეტ ტრადიციას – რომლის მიხედვითაც ყველა ქართველს უძველესი დროიდანვე, ერთი ენა – ქართული – გვაქვს და მისი ნაირსახეობანი სხვა არაფერია, თუ არა ქართული ენის კილოები, ანუ განშტოებანი, როგორც ამას ბრძანებს საქართველოს კათოლიკოს-პატრიარქი. ჩვენდა გასაოცრად, ეს ანტიქართული თეორია დღევანდელ, თავისუფალ, დემოკრატიულ საქართველოშიც ერთგვარ აღმავლობას განიცდის და ამით კიდევ ერთხელ არღვევენ ქართული თემების – სვანების, მეგრელების და ლაზების ისტორიულ-კულტურული მემკვიდრეობითობის უფლებას, წყვეტენ რა ამ მხარეების შვილებს 25 საუკუნოვან ქართულ კულტურას, ენასა და ისტორიას. ცხადია, თავისი მოქალაქეების შეურაცხყოფის მცდელობას მალევე აღკვეთს ქართული სახელმწიფო და ქართული საზოგადოება. XIX საუკუნის მიწურულსა და XX საუკუნის პირველ მეოთხედში კი სვანეთში ქართული ინტერესების დამცველად და რეალური ისტორიის აღმდგენლად ივანე მარგიანი გვევლინება სხვა ქართველ მოღვაწეებთან (ბ. ნიჟარაძე, ეგნ. გაბლიანი, ლ. დადეშქელიანი, ქ. გელოვანი...) ერთად. დედა ქართულისგან სვანური კილოების ცალკე „ენად“ გამოყოფის, იმპერიული იდეოლოგიის – „დაყავი და იბატონე!“ – წინააღმდეგ ბრძოლა ერთ-ერთი მთავარი მიმართულებაა ივანე მარგიანის სამეცნიერო თუ პუბლიცისტურ შემოქმედებაში, სადაც რამდენიმე უმნიშვნელოვანესი პრობლემა იკვეთება: 1. ივანე მარგიანი დაულავად იბრძვის სვანეთის სკოლებში ქართული ენის სწავლების უფლების მოპოვებისა და შენარჩუნებისათვის; 2. იგი მეცნიერულად ასაბუთებს, რომ სვანებისათვის სწორედ ქართულია მშობლიური, სამწიგნობრო და საეკლესიო ენა; 3. იბრძვის სვანეთის ეკლესიებსა და

სკოლებში ღვთისსჯულის სლავურ გრაფიკას მორგებული სვანური კილოებით სწავლების წინააღმდეგ; 4. ლექსიკოგრაფთა ყურადღებას მიაპყრობს ქართული ენის სვანურ კილოებს და მიუთითებს, რომ სალიტერატურო ქართულში უკვე დაკარგული ძველქართული სიტყვების, მათ შორის სახარებისეული ტერმინების მოძიება სწორედ სვანურ კილოებშია შესაძლებელი; 5. მისი დაკვირვებით, ქართული ენის სვანური კილოებისა და ქართული სალიტერატურო ენის შედარება უნდა მოხდეს არა XIX საუკუნის მიწურულის გამარტივებულ-გალარიბებული ქართულის მიხედვით, არამედ ძველი ქართული ენის საფუძველზე. ამ შედარების შედეგები კი საფუძველს გამოაცლის ანტიქართველ მკვლევარ-მოგზაურთა დასკვნებს, რომლებიც სვანურს ცალკე „ენად“ მიიჩნევენ და აქ ვგულისხმობ არა მხოლოდ რუსეთის იმპერიის დამქაშებს (გრენი, უსლარი...), არამედ ზოგიერთ თანამედროვე უცხოელ სოციო-ლინგვისტსაც, რომლებიც სვანებს ქართველთაგან „დაჩაგრულებად“ მოიხსენიებენ. თუმცა კი სვანები ისეთივე შემოქმედნი და მონაწილენი არიან დიდი ქართული კულტურის, როგორც ჩვენი ქვეყნის სხვა მხარეების შვილები.

ამავე დროს, უაღრესად ფასეულია ივანე მარგიანის ეთნოლოგიური წერილები და საისტორიო გამოკვლევები. სვანეთის ტრადიციული ყოფის ბრწყინვალე მცოდნე, ძირისძირობამდე სწვდება ყოველი ქართული (სვანური) საწესჩვეულებო რიტუალის ჭეშმარიტ ქრისტიანულ არსს; წარმოაჩენს ქართული (სვანური) ჩვეულებითი სამართლის იმ დანაშრევებს, რომლებიც ძველქართული ფეოდალური ხანის საერო და აგრეთვე, საეკლესიო პოსტულატებით არის ნასაზრდოები. აღწერს მატერიალური ყოფის საგულისხმო ნიუანსებს. ხატოვნად გვისურათებს სვანეთის ყოფით კულტურას და ხშირად იუმორისტული პასაჟებითაც ალამაზებს ქართველი მთიელების (სვანების) მენტალობის ამა თუ იმ ნიშან-თვისებას.

ივანე მარგიანს ღირსეული ადგილი უკავია ქართველ სასულიერო და საზოგადო მოღვაწეთა შორის. მისასალმებელია ამ ამაგდარი მოღ-

ვაწისადმი მიძღვნილი კრებულის გამოცემა, რისთვისაც აქტიურად იღწვის ივანე მარგიანის შთამომავალი ბატონი თამაზ ლეჟავა. ჩემი მხრივ კი დავამატებ და მკითხველს პატიებას ვთხოვ ერთგვარი სუბიექტივიზმისა და ემოციური დამოკიდებულებისათვის — მეცნიერიც ხომ ადამიანია — რომ გამორჩეულად მიყვარს ივანე მარგიანის შემოქმედება, რადგანაც იგი ჩემს მშობლიურ კუთხესთან — სვანეთთან — არის მჭიდროდ დაკავშირებული და, ბუნებრივია, ჩემთვის განსაკუთრებით მტკივნეულია ყველა ის პრობლემა, რომელიც ამ დიდ მოღვაწესა და მოაზროვნეს აქვს გამოკვეთილი და რომლებიც, სამწუხაროდ, დღესაც აქტუალურია მშენებარე ქართული სახელმწიფოსთვის.

ისტორიის მეცნიერებათა დოქტორი როზეტა გუჯეჯიანი

ეუბლენი დედაჩემის,
თამარ მარგიანის, ხსოვნას.

წინასიტყვაობის მაგიერ

ივანე მარგიანის შესახებ წიგნის დაწერა მე, პროფესიით ქიმიკოსს არასდროს მიფიქრია, რადგან მის შესახებ ძალიან ცოტა რამ ვიცოდი. ამის ერთ-ერთი მიზეზი იყო ჩვენი მშობლების თაობის მიერ გამოვლილი ქართველები, რის გამოც მათი ძირითადი საზრუნავი ხანგრძლივი პერიოდის განმავლობაში ოჯახის ფიზიკური გადარჩენა და შვილების გზაზე დაყენება იყო. ამას ისიც ემატება, რომ ივანე მარგიანი პოლიტპატიმარი იყო და ამასთანავე, მის შვილიშვილებს ბაბუა არ ახსოვთ.

ივანე მარგიანის შესახებ წიგნის დაწერის იდეა ეკუთვნის ბატონ ანზორ ერქომაიშვილს, რომელსაც რამდენიმე წლის წინ მივუტანე მასალები იმის შესახებ, რომ სვანური სიმღერისა და ცეკვის გუნდის დამაარსებელი იყო ივანე მარგიანი და არა მურზაყან დაღეშქელიანი. ამასთან, ბატონმა ანზორმა მთხოვა მომეპოვებინა დამატებითი მასალა, რათა შესაძლებელი გამხდარიყო წიგნის დაწერა ივანე მარგიანის, როგორც მუსიკალური ფოლკლორის ერთ-ერთი ღვაწლმოსილი ადამიანის შესახებ და მისი გამოქვეყნება ქართული ხალხური სიმღერის საერთაშორისო ცენტრის ეგიდით. ამ იდეის განხორციელებას ხელი შეუწყო ივანე მარგიანის გუნდის მიერ 1928 წელს მოსკოვში ჩაწერილმა სიმღერებმა, რომელთა ფონოჩანაწერებს მოსკოვის ცენტრალურ ფონოარქივში მიაკვლია ანზორ ერქომაიშვილმა.

მიუხედავად იმისა, რომ ამ დროისათვის უკვე გამოცემული იყო გიორგი ავალიანისა და გიორგი ზურაბიანის წიგნი „ეთნოგრაფიული წერილები სვანეთზე“, სადაც ივანე მარგიანის პრესაში გამოქვეყნებული ათი წერილია შეტანილი, მასალების მოძიების შედეგად მისი სასულიერო და საზოგადო მოღვაწეობა იმდენად ნაყოფიერი აღმოჩნდა, რომ სვანური სიმღერისა და ცეკვის გუნდის ჩამოყალიბება, მომზადება და გასტროლების ორგანიზება ახლა ივანე მარგიანის ცხოვრების მხოლოდ მცირე ეპიზოდად გამოიყურება. ამრიგად, შეგროვილი მასალის ძირითადი ნაწილი ივანე მარგიანის სასულიერო, სამეცნიერო, პუბლიცისტურ და საზოგადოებრივ მოღვაწეობას ეხებოდა და წიგნის სტრუქტურა ადრე დაგეგმილ ფორმატს აღარ შეესაბამებოდა. ამიტომ, ანზორ ერქომაიშვილთან და ვახტანგ როდონაიასთან შეთანხმებით გადაწყვიტე მოძიებული მასალის საფუძველზე გამოქვეყნებინა უფრო ფართო პროფილის ნაშრომი.

წიგნში გამოყენებული ამონარიდები, როგორც წესი, მასში უცვლელად არის შეტანილი.

მინდა აღვნიშნო, რომ წიგნის გამოსაცემად მომზადებაში მართო არ ვყოფილვარ და ბევრმა ახლობელმა მიიღო მონაწილეობა, რისთვისაც დიდ მადლობას ვუხდი ყველას: ნანა გამყრელიძეს, ქეთევან მარგიანს, მანანა კიკაბიძეს, თინათინ ლეჟავას, თამარ ზოსრუაშვილს, ვახტანგ როდონაიას, ბორა ბზეკალავას, ჯემალ მარგიანს, დიმიტრი ლოჩოშვილს, ივანე (ჯუკა) ლეჟავას.

განსაკუთრებული მადლიერება მინდა გამოვხატო წიგნის რედაქტორის, ისტორიის მეცნიერებათა დოქტორის როზეტა გუჯე-ჯიანის მიმართ საქმიანი რჩევებისა და მხარდაჭერისათვის.

დიდ მადლობას ვუხდი პროფესორებს თამაზ ბერაძესა და ტარიელ ფუტკარაძეს წიგნის რეცენზირებისათვის.

თამაზ ლეჟავა

ივანე მარგიანის მოკლე ბიოგრაფიული ცნობები

ივანე მარგიანი დაიბადა 1872 წლის 25 მაისს მულახის თემის სოფელ მუჟალში, ცნობილი მღვდლის გიორგი მარგიანის* ოჯახში. ივანე მარგიანი სწავლობდა ჯერ ქუთაისის გიმნაზიაში, ხოლო შემდეგ ქუთაისის სასულიერო სასწავლებელში. ხალხოსნური მოძრაობის გავლენით ქუთაისის სასულიერო სასწავლებლის მოსწავლეთა ერთ-ერთ მღვდვარებაში მონაწილეობის გამო ივ. მარგიანი სასწავლებლიდან გაურიცხავთ. მალე მან შეძლო თბილისის სასულიერო სემინარიაში სწავლის გაგრძელება.

თბილისის სასულიერო სემინარიის დამთავრების შემდეგ, დაახლოებით 1898-99 წლებში ივანე მარგიანი მღვდლად აკურთხეს და ქვემო სვანეთში, სოფელ ჩოლურში განამწესეს, ამასთანავე, სოფლის სამრევლო-საეკლესიო სკოლის მასწავლებლად დანიშნეს.

1902 წელს ივ. მარგიანი აირჩიეს ლაშხეთის (ქვემო სვანეთის) „ბლალჩინად“ (კეთილმოწყვედი). ამის შემდეგ იგი ღვთისმსახურებას ეწეოდა სოფ. ჟახუნდერში, წმინდა გიორგის ეკლესიაში.

* გიორგი მარგიანის შესახებ იხილეთ: ე. გაბლიანი, „ივერია“, 1904 წელი, №276, გვ. 2; ექვთ. თაყაიშვილი, „არქეოლოგიური ექსპედიცია ლეჩხუმ-სვანეთში 1910 წელს“. პარიზი, 1937 წ., გვ. 247, 250, 262; ლ. ტოგონიძე, გ. მაჩურიშვილი, „საპატრიარქოს უწყებანი“ 2006 წ., №41, გვ. 19; თ. ლეჟავა, ჟ. ჩიქვანი მწერლობა“, 2006 წ., №12, გვ. 41-44.

1906 წელს ივანე მარგიანი ცაგერის ყოვლადწმინდა ღვთისმშობლის მიძინების სახელობის ტაძრის წინამძღვრად დაადგინეს, ხოლო ცოტა ხნის შემდეგ დანიშნეს ცაგერის ოლქის მთავარსუცესად [37].



ივანე მარგიანი (1872-1933 წწ.)

იმავე 1906 წელს ლაშხეთის საბლალოჩინო ოლქი თავისი ნებით შუერთდა ცაგერისას; ამის შემდეგ 1912 წლამდე ივანე მარგიანი ცაგერის და ლაშხეთის გაერთიანებულ საბლალოჩინოს ხელმძღვანელობდა. მისი თაოსნობით ლაშხეთის და ცაგერის ოლქებში აქტიური საღმრთოპროცესი გაჩაღდა.

1912 წელს ცაგერის ეკლესიას დაუბრუნდა საკათედრო ტაძრის სტატუსი. ამ თარიღს ემთხვევა ივანე მარგიანის მიერ ლაშხეთის „ბლალოჩინის“ უფლებამოსილების მოხსნა. 1917 წელს მამა იოანეს მიენიჭა დეკანოზის წოდება. იგი აქტიურად მონაწილეობდა საქართველოს სამოციქულო ეკლესიის 1917 და 1920 წლების კრებებში, როგორც ცაგერის ოლქის მთავარსუცესი [37].



ვარვარა ბერიძე და ივანე მარგიანი (1904 წ.)

ივანე მარგიანი 1903 წელს მეგზურობას უწევდა პოლიექტოს კარბელაშვილის მიერ სვანეთის კულტურული და ისტორიული მემკვიდრეობის შესწავლის მიზნით ორგანიზებულ ექსპედიციას, ხოლო 1910 წელს – ექვთიმე თაყაიშვილის არქეოლოგიურ ექსპედიციას ლეჩხუმ-სვანეთში.

ჩვენ მიერ მიკვლეული მასალებიდან ირკვევა, რომ ივანე მარგიანი აქტიურ სასულიერო მოღვაწეობასთან ერთად ნაყოფიერად თანამშრომლობდა საქართველოს ჟურნალ-გაზეთებთან („დროება“, „ივერია“, „მოგზაური“, „ცნობის ფურცელი“, „მოამბე“, „მწყემსი“, „შინაური საქმეები“). მათში პირუთვნელად და დიდი გულისტკი-



ვარვარა ბერიძე და ივანე მარგიანი (1914 წ.)

ვლით აღწერს ძველი სვანეთის ყოფა-ცხოვრების დუხჭირ სურათს, წარმოგვიდგენს სვანეთში სწავლა-განათლების, მიმოსვლის საშუალებების და სამედიცინო მომსახურების შეძლებისდაგვარად გაუმჯობესებისა და სხვა მოუგვარებელი საქმის მოწესრიგების გეგმებს (წერილების ერთი ნაწილი თავმოყრილია გიორგი ავალი-

ანისა და გიორგი ზურაბიანის მიერ გამოცემულ წიგნში „ეთნოგრაფიული წერილები სვანეთზე“ [36]). ივანე მარგიანის წერილებში სამი ძირითადი პრიორიტეტი დომინირებს:

– მშობლიური კუთხის მოსახლეობის სოციალური მდგომარეობის და სწავლა-განათლების გაუმჯობესებისათვის ზრუნვა;

– ქართული ენისა და სვანური დიალექტების გენეტიკური კავშირის მტკიცებულებების საფუძველზე ერთიანი ქართული თვითშეგნების დამკვიდრებისათვის ბრძოლა;

– მართლმადიდებლური ქრისტიანული რელიგიის განმტკიცება და მოსახლეობის სულიერების და ზნეობის ამაღლება.

განსაკუთრებით საინტერესოა ივანე მარგიანის წერილი სვანურის ენის შესახებ [21], რომელშიც იგი მთლიანად აქარწყლებს რუსი მკვლევრის სტოიანოვის, საფუძველშივე მცდარ მტკიცებას ქართული ენისა და სვანური დიალექტების სრული სხვადასხვაობის შესახებ, რაც საქართველოს კუთხეების გათიშვას და ჩვენი ეროვნული თვითშეგნების ძირის გამოთხრას ემსახურებოდა. ივანე მარგიანის წერილებში თავმოყრილია უნიკალური ეთნოგრაფიული და ისტორიული მასალა სვანეთის შესახებ. გარდა ამისა, მიკვლეულია მისი ფსიქოლოგიური ეტიუდი „მაგის რა ბრალა“ და რუსულიდან ნათარგმნი მოთხრობა „საშინელი დანაშაული“, რომლებიც გამოქვეყნდა გაზეთში „შინაური საქმეები“ [31, 32]. 1912 წლის შემდეგ გამოცემულ ჟურნალ-გაზეთებში ჩვენ ჯერჯერობით ვერ მოვიძიეთ მასალები ივანე მარგიანის პუბლიცისტური მოღვაწეობის შესახებ. არ არის შესწავლილი არც 1904-1910 წლების პერიოდიკა.

ცაგერში ივანე მარგიანმა შექმნა ოჯახი ვარვარა ბერიძესთან ერთად. მათ შეეძინათ სამი ქალიშვილი – ნანა, თამარი, თინათინი და ორი ვაჟი – დიდიმი, ლადო (თინათინი და ლადო სიყმაწვილეშივე გარდაიცვალნენ). მის ოჯახში სხვადასხვა ზანგრძლივობით ცხოვრობდნენ ახლო ნათესავების შვილები, რომლებიც აქ საშუალო განათლებას იღებდნენ.

სასულიერო მოღვაწეობასთან ერთად ივანე მარგიანი ცაგერის ცხრაწლიან სკოლაში ასწავლიდა ქართულ და რუსულ ენებს და ფიზიკას; მევახშეობის მარწუხებისგან მოსახლეობის დახსნისა



ნანა მარგიანი
(დაბ. 1905 წ.)

თამარ მარგიანი
(დაბ. 1909 წ.)

დიდიმ მარგიანი
(დაბ. 1910 წ.)



ლადო და თინა მარგიანები.
შუაში მათი დისშვილი ზურაბ ლეშკაშელი (1928 წ.)

და ხალხის კეთილდღეობის გაუმჯობესების მიზნით ივანე მარგიანი 1912 წელს ჩამოაყალიბა ცაგერის საკრედიტო ამხანაგობა.

თავისი ძირითადი სამსახურის გარდა იგი სერიოზულად მისდევდა მეფუტკრეობას და აქტიურად ეწეოდა ქართული ჯიშის ფუტკრის პოპულარიზაციას; საზღვარგარეთ გზავნიდა ქართული ფუტკრის დედეებს, ხოლო იქიდან იღებდა სპეციალურ პერიოდულ ლიტერატურას; თავის ქვევრებში ინახავდა. ერთი ქვევრი განკუთვნილი იყო ადგილობრივი მოსახლეობისათვის, რომლიდანაც



მესტიის საფუტკრე — ივანე მარგიანი პრაქტიკული
მეტადინეობის დროს (1927 წ.)

ნებისმიერ იქაურ მკვიდრს შეეძლო ნატურალური თაფლის წამლად წაღება.

სვანეთში კულტურული მეფუტკრეობის გავრცელება სწორედ ივანე მარგიანის სახელს უკავშირდება. გასაბჭოების შემდეგ მშობლიურ კუთხეში დაბრუნებულმა ივანე მარგიანმა სვანეთის რაიადმასკომთან ჩამოაყალიბა საფუტკრე მეურნეობა, სადაც მო-

სახლეობას პრაქტიკულად ასწავლიდა ფუტკრის მოვლას. მან პირველმა დანერგა სვანეთში დადანის ტიპის სკები და თაფლის გამოსაწერი ცენტრიფუგა (ციბრუტა).

საქართველოს გასაბჭოების პირველივე წლებიდან ივანე მარგიანი სხვადასხვა პასუხსაგებ თანამდებობებზე მოღვაწეობდა. იგი იყო ცაგერის რაიალმასკომის განათლების განყოფილების გამგე, მექვენის ბარიტის წარმოების მმართველი, ზემო სვანეთის რაიალმასკომის განათლების განყოფილების გამგე [36].

დედაჩემი იხსენებდა, რომ ცაგერის კომკავშირელმა აქტივისტებმა ივანე მარგიანს მოსთხოვეს საჯაროდ გამოსულიყო და მოსახლეობისთვის განემარტა, რომ ღმერთი არ არსებობს. ივანე მარგიანი მართლაც გამოსულა და თავისი სიტყვა ასე დაუმთავრებია: „...რაც შეეხება ღმერთის არსებობა-არარსებობას, ამისათვის მე დამჭირდება ისეთი ფილოსოფიური წილსვლები, რომლებსაც თქვენ ვერ გაიგებთ.“

ამის შემდეგ ივანე მარგიანს ცაგერში აღარ დაედგომებოდა. მას ჩამოართვეს სახლი და იგი დაბრუნდა სვანეთში.

1928 წელს მან პირველმა ჩამოაყალიბა სვანური სიმღერისა და ცეკვის ანსამბლი, რომელმაც კონცერტები გამართა თბილისში, ერევანში, მოსკოვსა და ლენინგრადში. 1928 წლის გაზეტებში, მათ შორის გაზეთში „იზვესტია“, ფართოდ არის გაშუქებული გუნდის გასტროლები.


მაგრამ სვანეთში ცხოვრების პერიოდს მისთვის უმტკივნეულოდ არ ჩაუვლია. საბჭოთა მმართველობის პერიოდში მრავალი სვანი არ დაემორჩილა მთავრობის გადაწყვეტილებას, თავიანთი მიწები მოექციათ საერთო საკუთრებაში და ამის გამო ტყეში გავიდნენ. რაიონის ხელმძღვანელობამ ივანე მარგიანს, როგორც ავტორიტეტულ პიროვნებას, შესთავაზა შუამავლის როლი „ყაჩაღების“ შემორიგებაში. იგი დასთანხმდა, მაგრამ მთავრობას მოთხოვა მათი ხელშეუხებლობის გარანტიები. მთავრობამ სიტყვა მისცა. თავიდან მას სიტყვა მართლაც შეუსრულეს, მაგრამ შემ-

დეგ პირობა დაარღვიეს, რის გამოც ივანე მარგიანმა მთავრობასთან თანამშრომლობაზე უარი თქვა. ამის შემდეგ, 1931 წელს, თვით ივანე მარგიანიც დააპატიმრეს და ბრალი დასდეს ყაჩაღების მიმართ ლოიალურობაში. ბუნებრივია, რომ იგი „შავ სიაში“ მოხვდა, რის გამოც მისი შვილი, თამარ მარგიანი, როგორც „შავ-სიელის“ შვილი, გარიცხეს თბილისის სახელმწიფო უნივერსიტეტის IV კურსიდან და მხოლოდ მოგვიანებით კორნელი კეკელიძის ძალისხმევით შეძლო მან სწავლის გაგრძელება (კორნელი კეკელიძე და ივანე მარგიანი სასულიერო სემინარიაში ერთად სწავლობდნენ). ბატონ კორნელის გარიცხულთა სიაში ყურადღება მიუქცევია გვარ-სახელისათვის, გამოუძახებია იგი და უკითხავს — ვისი შვილი ხარო. შემდეგ მან, როგორც ღირსეულმა მამულიშვილმა, გამოიჩინა მოქალაქეობრივი სიმამაცე და იმას მიაღწია, რომ თამარ მარგიანი უნივერსიტეტში აღადგინეს.


უკანასკნელი წლების მოვლენებმა შეარყია ივანე მარგიანის ჯანმრთელობა; 1933 წელს ნალვლის ბუშტის ოპერაციის შემდეგ, იგი გარდაიცვალა 61 წლის ასაკში; დაკრძალულია ვერის სასაფლაოზე.

ივანე მარგიანის დაუღალავი მოღვაწეობა, ჩვენ მიერ მიკვლეული წერილების ანალიზი გვარწმუნებს, რომ იგი ილია ჭავჭავაძის ჭეშმარიტი სულიერი მემკვიდრე იყო. სამშობლო, ენა და სარწმუნოება მის უპირველეს საზრუნავს წარმოადგენდა.


ივ. მარგიანის შვილის, დიდმ მარგიანის შთამომავლობა



ივ. მარგიანის შვილის, ნანა მარგიანის შთამომავლობა



ივ. მარგიანის შვილის, თამარ მარგიანის შთამომავლობა



ზოგიერთი ცნობა ივანე მარგიანის წინაპრების და დედამამიშვილების შესახებ

ივანე მარგიანის წინაპრების შესახებ აქა-იქ გაბნეული საკმაო მასალა არსებობს. წიგნის დაწერისას ძირითადად ვისარგებლე ივანე მარგიანის და ევნატე გაბლიანის პუბლიკაციებით, აგრეთვე



დეკანოზი გიორგი მარგიანი


ბორის (ბორა) ბზეკალავას მიერ შეგროვილი მასალებით. ამ უკანასკნელმა ინფორმაცია შეკრიბა ივანე მარგიანის ძმისშვილების, თავისი დედის თამარ (გოგუცა) მარგიანის და ბიძის ჭიჭიკო მარგიანის მონათხრობის საფუძველზე. მოძიებული მასალები რამ-

დენადმე განსხვავებულია ერთმანეთისაგან, თუმცა ცალკეული ვერსიების ძირითადი მომენტები ერთმანეთს ემთხვევა.

ჩვენამდე მოღწეულია ივანე მარგიანის წინა ხუთი თაობის სახელები, რომელთა სათავეშია გიო მარგიანი. მისგან მომდინარეობს მარგიანების ეს შტო – გიოშა.

ივანე მარგიანის ბედის განსაზღვრაში განსაკუთრებული როლი ითამაშა გიოს შვილთაშვილმა მურზამ – ივანეს ბაბუამ და იმ შემთხვევამ, რომელიც უკავშირდება სტუმარ-მასპინძლობის ტრადიციებს მთაში. ეს შემთხვევა მოთხრობილია ეგნატე გაბლიანის წიგნში „ძველი და ახალი სვანეთი“ [38]: „სვანს თავისი სტუმრის გალანძღვა არამც თუ მაშინ, როცა ის ოჯახში იმყოფება, არამედ ოჯახიდან გასვლის შემდეგაც, დიდ სირცხვილად და თავის შეურაცხყოფად მიაჩნია და ამიტომაც, თუ სვანის სტუმარს მის ოჯახიდან გასვლის შემდეგ მოგზაურობის დროს რაიმე ზიფათი მოეღოს, მასპინძელი მიჰყვება მას, სანამ სამშვიდობო ადგილას არ მიიყვანს, და რადგანაც სტუმრის გალანძღვა ჩვენში მასპინძლის შეურაცხყოფად ითვლება და ამ ნიადაგზე ხშირად მკვლელობაც მომხდარა, ამიტომ თუ რომელიმე სვანს ასეთი სტუმრის გალანძღვა აქვს განზრახული, ის ხშირად იძულებული ხდება თავი შეიკავოს, ხოლო თუ ეს ასე არ მოხდა, მათ შორის, როგორც არის ნათქვამი, იმართება ბრძოლა და ხშირად მკვლელობაც... რამდენიმე ათეული წლის წინეთ სვანეთში მოვიდნენ პირველი ნაკურთხი მღვდლები ქუთაისიდან. ქვემო სვანეთში ისინი ესტუმრენ თავად გარდაფხაძეს, ზემო სვანეთში რომ ამოვიდნენ – მარგიანებს. გარდაფხაძეებს ამ დროს ემტერებოდნენ მეტიაში მცხოვრები ჯაფარიძეები (მურზაყანშა), იმის გამო, რომ მათ მიერ ცოლად დანიშნულმა გარდაფხაძის ერთმა ასულმა ჯაფარიძე მიატოვა. ჯაფარიძეებმა როცა გაიგეს, რომ ზემოხსენებული მღვდლები გარდაფხაძეების სტუმრები იყვნენ, გარდაფხაძეებისთვის რომ შეურაცხყოფა მიეყენებინათ, გადაწყვიტეს მათი

მარგიანების ("გიოშა") გენეალოგია (პირველი ხუთი თაობა)




დენადმე განსხვავებულია ერთმანეთისაგან, თუმცა ცალკეული ვერსიების ძირითადი მომენტები ერთმანეთს ემთხვევა.

ჩვენამდე მოღწეულია ივანე მარგიანის წინა ხუთი თაობის სახელები, რომელთა სათავეშია გიო მარგიანი. მისგან მომდინარეობს მარგიანების ეს შტო – გიოშა.

ივანე მარგიანის ბედის განსაზღვრაში განსაკუთრებული როლი ითამაშა გიოს შვილთაშვილმა მურზამ – ივანეს ბაბუამ და იმ შემთხვევაში, რომელიც უკავშირდება სტუმარ-მასპინძლობის ტრადიციებს მთაში. ეს შემთხვევა მოთხრობილია ეგნატე გაბლიანის წიგნში „ძველი და ახალი სვანეთი“ [38]: „სვანს თავისი სტუმრის გალანძღვა არამც თუ მაშინ, როცა ის ოჯახში იმყოფება, არამედ ოჯახიდან გასვლის შემდეგაც, დიდ სირცხვილად და თავის შეურაცხყოფად მიაჩნია და ამიტომაც, თუ სვანის სტუმარს მის ოჯახიდან გასვლის შემდეგ მოგზაურობის დროს რაიმე ზიფათი მოეღოს, მასპინძელი მიჰყვება მას, სანამ სამშვიდობო აღვილას არ მიიყვანს, და რადგანაც სტუმრის გალანძღვა ჩვენში მასპინძლის შეურაცხყოფად ითვლება და ამ ნიადაგზე ხშირად მკვლელობაც მომხდარა, ამიტომ თუ რომელიმე სვანს ასეთი სტუმრის გალანძღვა აქვს განზრახული, ის ხშირად იძულებული ხდება თავი შეიკავოს, ხოლო თუ ეს ასე არ მოხდა, მათ შორის, როგორც არის ნათქვამი, იმართება ბრძოლა და ხშირად მკვლელობაც... რამდენიმე ათეული წლის წინეთ სვანეთში მოვიდნენ პირველი ნაკურთხი მღვდლები ქუთაისიდან. ქვემო სვანეთში ისინი ესტუმრენ თავად გარდაფხადებს, ზემო სვანეთში რომ ამოვიდნენ – მარგიანებს. გარდაფხადეებს ამ დროს ემტერებოდნენ მესტიაში მცხოვრები ჯაფარიძეები (მურზაყანშა), იმის გამო, რომ მათ მიერ ცოლად დანიშნულმა გარდაფხადის ერთმა ასულმა ჯაფარიძე მიატოვა. ჯაფარიძეებმა როცა გაიგეს, რომ ზემოხსენებული მღვდლები გარდაფხადეების სტუმრები იყვნენ, გარდაფხადეებისთვის რომ შეურაცხყოფა მიეყენებინათ, გადაწყვიტეს მათი

მარგიანების ("გიოშა") გენეალოგია (პირველი ხუთი თაობა)



დაჭერა და დაუდარაჯდნენ სოფელს გარეთ, იქვე მახლობლად. ამ მღვდლებს მიაცილებდა მათი მასპინძელი მურზა მარგიანი. როცა მან გაიგო, რომ ჯაფარიძეებს მისი სტუმრების გალანძღვა უნდოდათ, სტუმრები უკან დასტოვა, თვითონ წინ წავიდა, მონახა დადარაჯებული ექვსივე ჯაფარიძე და სთხოვა ასეთ განზრახვაზე



სოფ. ჭოლაში, წმინდა ბარბარეს* ეკლესია.
მამა გიორგი აკურთხებს მიცვალებულთა სუფრას
(დ. ერმაკოვის ფოტო, 1910 წ.)

ხელი აეღოთ. მათ შორის საქმე გამწვავდა. მოხდა ჩხუბი, რომლის დროსაც მურზას მიერ მოკლული იქნა ერთი ჯაფარიძე და რამოდენიმე დაჭრილი. თვით სტუმართმოყვარეობის მსხვერპლი

* 2006 წ. №24 „საპატრიარქოს უწყებანში“ იმავე ფოტოს მიწერილი აქვს წმინდა გიორგის ეკლესია. შეცდომა მომდინარეობს დ. ერმაკოვისაგან.

მურზაც ვაჟკაცურად მოკვდა იქვე. ხოლო მღვდლებმა თავი გადაარჩინეს უბედურებას, იქვე გავლენიან აზნაურ სვინჩილდ ჯაფარიძესთან თავის შეფარებით.“

თვით ივანე მარგიანი, მურზა მარგიანის ცხოვრების ზემოთ აღწერილ ეპიზოდს ეხება „პაპა“-ების საქმიანობისადმი მიძღვნილი წერილების სერიაში [28], რომლებიც აგებულია მისი მამის, გიორგი მარგიანის მონათხრობზე:

„თავისუფალ სვანეთის სოფელ მუჟალში შეხვდებით დღეს მოხუცებულს, შტატს გარეშე მყოფს მღვდელს, მამა გიორგი მარგიანს, რომელიც წინეთ 'პაპა' იყო და რომელსაც თეთრი წვერი უმტკიცებს გამოცდილებასა. ზემორე ნათქვამი პაპათა შესახებ ჩვენ გვაქვს ნაამბობი ხსენებული მღვდლისაგან. ამისათვის და რადგან მღვდლის გ. მარგიანის ცხოვრებაში ბევრი საგულისხმო რამ მოიძებნება, ურიგო არ იქნება ორიოდ სიტყვით მისს წარსულ ცხოვრებასაც შევხვით. მღვდელი გ. მ-ნი არის გლეხის შვილი, ბუნებითი სვანი, ს. მულახს დაბადებული. მამა მისი მურზა იმ დროში შესანიშნავი ყოფილა ვაჟკაცობითა და სტუმართმოყვარეობით. თავის სამს ვაჟს დროის შესაფერად ზრდიდა და 16 წლის გიორგის თოფის ხმარება თამამად შეეძლო. აღსანიშნავია ერთი გარემოება მამა გიორგის ცხოვრებიდან. ეს ის დრო იყო, როდესაც რუსის მთავრობა ახლად შემოვიდა სვანეთში და თავის წესებს ამყარებდა. ნაცვლად პაპებისა, მთავრობამ 'ახალი მღვდლები' გაუგზავნა სვანეთსა. ახლად მოსული მღვდლები პირველად ეხამუშა ხალხს და არც არაფრად არ ეპიტნავებოდა: მას ჰყავდა საკუთარი, ღვიძლი მღვდელი, მასთან აღზრდილი, შესიხლხორცებული. ამის გამო, ადვილი წარმოსადგენია, თუ რა პირობებში უნდა ყოფილიყვნენ 'ახალნი მღვდელნი', მეტადრე გამძლავრებული პაპების გადამკიდენი. პირველად ორმა-სამმა თუ გაბედა სვანეთში მისვლა, ისინიც იძულებულნი იყვნენ ცუდათ ყოფილიყვნენ, რადგან მათს საქმეს პაპები ასრულებდნენ. ერთს ზაფხულის

დღეს ორი მღვდელი მიადგა მურზა მარგიანს, როგორც პურმარი-ლით განთქმულს, და მფარველობის გაწევა სთხოვა. ამ უკანასკნელმა, როგორც შეშენის მთის კაცს, პატივით გააცილა სტუმრები მეორე სოფელ მესტიამდე. აქ რამდენიმე აზნაურმა, გვართ ჯაფარიძეებმა, განიზრახეს მღვდლების შეპყრობა*, მაგრამ მურზა მარგიანმა შესძლო მღვდლების შეზიზვნა მაზლობელს კოშკში. ამ გვარად სტუმართ მოყვარე სვანმა მღვდლები გადაარჩინა სიკვდილს, მაგრამ თითონ-კი ვერ გადარჩა: უკან დაბრუნებისას დახვდნენ ისევ ის აზნაურები და შეპყრობა დაუპირეს. ეს ლაღმა მთიელმა იუკადრისა და თავი შესარცხვენად არ მისცა. ასტყდა იქეთ-აქეთ თოფის სროლა, რომლის დროს მურზამ ორი აზნაური მოკლა და ერთიც დასჭრა და შემდეგ თითონაც მოკლული იქმნა. აქედან იწყება ახალი ხანა გიორგისა და მისი ძმისათვის; ისინი იზიზნებიან კოშკში, რადგან სისხლის აღება მოელოდათ მიუხედავად იმისა, რომ მურზას გვამი ღილის საფასით (1500 მან.) იქმნა გამოყიდული ჯაფარიძეების ხელთაგან. ამ დროს შემთხვევით შეეყარა გიორგის, მაშინ უნცროსს პაპას, კეთილმოწესე სვანეთის ეკლესიათა მღვდელი ქუთათელაძე, რომელმაც შეატყო ნიჭი გიორგის და წაიყვანა ქუთაისს სწავლის მისაღებად. დავაუკაცებული გიორგი სწავლობს ყოვლად სამღვდლო გაბრიელის** ხარჯით ქუთაისში და რამოდენიმე ხნის შემდეგ იმწესება მედავითნელ სვანეთშივე. აქ ახალგაზრდა სვანი, ყოფილი პაპა, გულსმოდგინედ ეკიდება სამსახურს, რის შემდეგ მღვდლის ხარისხს პოულობს მოკლე ხანში.

მლოცველი გიორგი გამოდის ახალს ასპარეზზედ სავსებით მომზადებული: იგი ხალხის შეილია, მასთან შერზდილი და შესისხლხორცებული. სახარების ქადაგება და კეთილი ცხოვრება უპო-

* ჯაფარიძეების განზრახვის მოტივებს ევნატე გაბლიანისაგან განსხვავებით ივანე მარგიანი არ აკონკრეტებს.

** გაბრიელ ეპისკოპოსი (ქიქოძე).

ვებს მას ხალხის სიყვარულსა და ნდობას. იგი სათაყვანებელ პირადა ხდება არა თუ სვანთა, არამედ სამღვდლოთა შორის, რომელნიც მას ერთხმად მოძღვართ-მოძღვრად ირჩევენ.



გიორგი მარგიანი, ვაჟიშვილის, დარისპანის ოჯახთან ერთად: ჩიჩი ჩიქოვანი, აკაკი (რევაზ მარგიანის მამა) და ბუთული მარგიანები (1905 წ.)

საზოგადო მოღვაწეობის გარდა მ. გიორგი შესანიშნავია, როგორც ჭეშმარიტი მამა და ოჯახის ბურჯი. მიუხედავად ცუდის პირობებისა იმას ოთხივე ვაჟი მიჰყავს ქუთაისში სასწავლებლად; თვითონ იკლებს, გაჭირვებულადა სცხოვრობს და ამგვარად ოთხსავე შვილს სწავლას აძლევს; ორს საშუალოს, ერთს მღაბალს და ერთსაც სამხედრო სამსახურისას. მამა გიორგიმ თავისავე სიცოცხლეში მისცა გზა შვილებს და გამოიყვანა ისინი ცხოვრების

ასპარეზზედ სამოქმედოდ. სამი შვილი მღვდელობს სამშობლოში, ხოლო მეოთხე ჯარშია ოფიცრად. თავისი ასულნიც მ. გიორგიმ ღირსეულს კაცებს მისცა და ამგვარად ერთი ოჯახიდან რამდენიმე ოჯახი შექმნა და მით საზოგადოებას ცოტათ თუ ბევრად მომზადებულნი წევრნი ჩააბარა.



დარისპან მარგიანი, მისი შვილები: აკაკი, ვალო, ბუთული, პოპო. მარჯვნივ დგას რევაზ მარგიანი

ყოველსავე ამაში მ. გიორგის მარჯვენა ხელს შეადგენდა მისი მეუღლე (მარიამ დადვანი – თ. ლ.), ბუნებითი სვანი და უსწავლელი ქალი, მაგრამ ოჯახისა და შვილების ერთგული.

დღეს მ. გიორგი თუმცაღა გათეთრებულია, მაგრამ კიდევ მხნედ არის. მთელი სვანეთი თაყვანსა სცემს მას და „მახვშს“ (უფროსს) ეძახის. მიუხედავად თავისი სიმხნისა მან სამსახურს თავი დაანება და მრევლი შვილს დაუთმო.

მისი ჭაღარა მოწმობს მასში ღიდს გამოცდილებასა, ტკბილი საუბარი – იესო ქრისტეს მცნებათა გავლენას, ღრმა ქართული –

საღმრთო წერილის სავსებით ცოდნასა, ცხოველი სიტყვა – სახარების მადლსა, კეთილი მაგალითი – მოძღვრის ღირსებასა და სტუმართ-მოყვარეობა (მთიელთ ეს ღირსეული მხარე) – მოყვასთა სიყვარულს; იგი დღეს 75 წლისაა (1911 წ. – თ. ლ.).

რამდენად სასაცილოა პაპათა შესახებ თქმული ზოგიერთი მხარე, მით ერთი ორად საქებარია მათი ღვაწლი, მოქმედება და ყოფა-ცხოვრება, რომელთაც ნაკლოვანებასთან ერთად ღირსებაც აქვს!.. ხალხს უყვარდა ისინი... ოხ რა ბედნიერი ვიქნებოდი – ეხლა რომ იყოს იმგვარი სიყვარული მოძღვართა და მოწაფეთა შორის!..

ამას ჩვენ არ ვაზვიადებთ და დასამტკიცებლად ჩვენის აზრისა ჰკითხეთ თითონ ხალხს...“

მურზა მარგიანს დარჩა სამი ვაჟი: გიორგი, დოქა და გვეგია. მათგან უფროსი – გიორგი დაიბადა 1836 წელს. როგორც ეგნატე გაბლიანი წერს, გიორგი მარგიანის მღვდლად კურთხევა გაბრიელ ეპისკოპოსის მიერ და გამწესება მუჟალის მაცხოვრის ეკლესიაში (მულახის თემი) 1865 წელს უნდა მომხდარიყო. ფაქტობრივად, იგი იყო პირველი სვანი ნაკურთხი მღვდელი. ამის შემდეგ გიორგი მარგიანი იქვე დასახლდა. იმავე სოფელში მის მახლობლად დასახლდნენ მისი უმცროსი ძმებიც დოქა და გვეგია.

როგორც ზემოთ ივანე მარგიანის წერილში იყო ნახსენები, გიორგი მარგიანი დაქორწინდა მულახელ მარიამ დადვანზე და შექმნა დიდი ოჯახი. მას შეეძინა ოთხი ვაჟი (დარისპანი, ივანე, ზაქარი, ნიკოლოზი) და ოთხი ქალიშვილი (ქეთევანი, ეფროსინე, მარიამი, დიოლო). მისი ოჯახი, სადაც თავშესაფარს პოულობდა მრავალი გაჭირვებული და ობოლი, გამოირჩეოდა ქველმოქმედებით და საზოგადოებრივი აქტიურობით.

მამა გიორგი იყო ერთ-ერთი ინიციატორი მულახში სამოქალაქო სასწავლებლის დაარსებისა, რისთვისაც იგი დააჯილდოვეს წმინდა ანას ორდენით (აღნიშნული დაჯილდოების ფაქტი დაად-

გინა პროფესორმა გრიგოლ მარგიანმა ლენინგრადის სახელმწიფო საისტორიო არქივში მოძიებულ მასალებზე დაყრდნობით).

ლუარსაბ ტოგონიძის და გიორგი მაჩუროშვილის ცნობით [37], გიორგი მარგიანი 1886 წელს დაჯილდოვდა „კამილავკით“, 1899 წელს – სამკერდე ოქროს ჯვრით, 1906 წელს კი მიენიჭა დეკანოზის წოდება.




ზაქარ მარგიანი

ნიკოლოზ მარგიანი


როგორც ივანე მარგიანის მონათხრობში იყო აღნიშნული, გიორგიმ ოთხივე ვაჟს სწავლა-განათლება მიაღებინა. სამმა მათგანმა – დარისპანმა, ივანემ და ზაქარმა – მიიღეს სასულიერო განათლება, ხოლო ნიკოლოზმა ზონის სამოქალაქო გიმნაზია დაამთავრა, შემდეგ კი სწავლა განაგრძო და ამიერკავკასიის სამხედრო სასწავლებელი დაასრულა.

დეკანოზ გიორგი მარგიანის შთამომავლობა (3 თაობა)



დარისპანი (პოეტ რევაზ მარგიანის ბაბუა) მურშკელის წმინდა გიორგის ეკლესიის მოძღვარი იყო, ივანე – ლაშხეთის (ქვემო სვანეთი) და ცაგერის კეთილმოწესე, ზოლო ზაქარი – მუჟალის მაცხოვრის ეკლესიის მოძღვარი. ნიკოლოზი 1917 წლის რევოლუციამდე რუსეთის არმიაში მსახურობდა (მიადწია პოლკოვნიკის ჩინს).

1870 წელს გიორგი მარგიანმა გადაწყვიტა ქართული ტიპის ორსართულიანი ოდა სახლის აგება, რისთვისაც რაჭიდან მოიწვია მშენებელთა ბრიგადა. მშენებლობა 1873 წელს დამთავრდა. ცნო-



სოფ. მუჟალი. ვიტორიო სელა. 1890 წ.

ბილი იტალიელი მოგზაურ-ეთნოგრაფის და ფოტოგრაფის, ვიტორიო სელას არქივში შემონახულია მის მიერ 1890 წელს გადაღებული სოფელ მუჟალის (მულახის თემი) ფოტოსურათი, რომელზეც მარცხენა ქვედა კუთხეში კარგად ჩანს გიორგი მარგი-

ანის სახლი. უნდა აღინიშნოს, რომ ეს იყო სვანეთის სინამდვილეში პირველი ფანჯრებიანი და აივნისანი, არასვანური არქიტექტურით აგებული სახლი. იგი ღლესაც არის პირვანდელი სახით შემონახული და გიორგი მარგიანის შვილთაშვილს გიორგი (გია) შოთას ძე მარგიანს ეკუთვნის. აღსანიშნავია, რომ სახლის მშენებლობასთან ერთად იქვე დამზადდა ევროპული ტიპის ავეჯი: მაგიდები, სკამები, სავარძლები და სხვა საყოფაცხოვრებო მოწყობილობანი. ზოგიერთი მათგანი დღემდეა შემორჩენილი.



სოფ. უშგული. ვიტორიო სელა. 1890 წ.

სოფელი მუჟალი მდებარეობს უღვირის გადასასვლელის მახლობლად, ქვემო სვანეთიდან (ლენტეხიდან) მიმავალ გზაზე, მესტიიდან დაახლოებით 10კმ მანძილზე და ამიტომ ამ კუთხის სტუმრები მუდმივად სარგებლობდნენ გიორგი მარგიანის სტუმართმოყვარეობით. თითოეული სტუმარი თავს ვალდებული თვლიდა სახლის კედელზე დაეჭოვებინა თავისი ავტოგრაფი თარიღის

აღნიშვნით. სახლის მეორე სართულის კედელზე ბოლო დრომდე იყო შემორჩენილი უცხოელების და ჩვენი თანამემამულეების ავტოგრაფები, კერძოდ: ნიკო მარის, ექვთიმე თაყაიშვილის, შალვა ამირანაშვილის, ლევან გოთუას, მთამსვლელი ჯაფარიძეების, უცხოელი მთამსვლელების — კოკინის, ფრეშვილდის, ლემის, პლატცის და სხვა მრავალთა.



ივ. მარგიანი და ევ. გაბლიანი (1910 წ. ქუთაისი)

უცხოელთა სტუმრობას გიორგი მარგიანის ოჯახში აღწერს გურია-სამეგრელოს ეპისკოპოსი გრიგოლი თავისი მოგზაურობის ანგარიშში, რომელიც „კავკასიაში მართლმადიდებელი ქრისტიანობის აღდგენის საზოგადოების საბჭოში“ ყოფილა წარდგენილი 1983

წელს [39]. „ამ მღვდელთან აღმოჩნდა ორი უცხოელი, რომლებიც სამეცნიერო მიზნით მოგზაურობდნენ სვანეთში, ლონდონის გეოგრაფიული საზოგადოების მდივანი მისტერ დუგლას ფრეშვილდი, სწორედ ის, ვინც 1868 წელს პირველად ავიდა იალბუზისა და ყაზბეგის მწვერვალებზე და ბატონი დეში, ვენის გეოგრაფიული საზოგადოების წევრი. პირველი მათგანი შეისწავლიდა კავკასიონის მყინვარებს და მთავარი ქედის მწვერვალთა სიმაღლეებს, მეორე ფირზე იღებდა ხედებს ამ მყინვარიდან.“

საინტერესოა 1904 წლის 2 დეკემბერს გაზეთში „ივერია“ ეგნატე გაბლიანის მიერ გამოქვეყნებული წერილი [41], სადაც იგი აღწერს გიორგი მარგიანთან სტუმრობას: „ამ ზაფხულს გვესტუმრა ერთი უცხო ქვეყნის მოგზაური, ტომით იტალიელი, ძალიან მოიწონა აქაური ჰაერი და ბუნება, შეაღარა შვეიცარიას და ამბობდა 'ვინც სვანეთში არ ყოფილა, ის კავკასიაში ნამყოფად არ ჩაითვლება'. შემდეგ ეგნატე გაბლიანი წერს, რომ „ჩვენებურმა წესწყობილებამ და ხალხის მდგომარეობამ კი მეტისმეტად შეაწუხა, დააღონა და ჩაუშხამა სიამოვნება. როცა იტალიელმა უკან დაბრუნება ისურვა, მოინდომა მაღალი კლდეების უფრო ახლოს ნახვა. გავუდექით გზას. საღამოს მივალწიეთ მამა გიორგი მარგიანის სახლამდე. ამ წმინდა აბრამივით სტუმრის მოყვარემ ჩვეულებრივი მასპინძლობა გაგვიწია და ბევრი რამ საინტერესო გვიამბო სვანეთისა. გიორგი მარგიანი, მღ. პ. კარბელაშვილის თანახმად, ერთი უპირველესი მამულიშვილია, მეტისმეტად სტუმართმოყვარე, ღარიბების შემბრალებელი და ყველაზე უხნესი ს. მუღალაში. სვანეთში რომ უწინ 'პაპები' იყვნენ, ეს გიორგი მარგიანი იმათ რიცხვში ითვლებოდა. 1857 წელს ჩავიდა ქუთაისში, სადაც ეგზარქოსმა მონათლა და მიაბარა გაბ. ეპისკოპოზს. 1865 წელს გაბ. ეპისკოპოზმა მღვდლათ აკურთხა. შემდეგ ისევ თავის ქვეყანას მიუბრუნდა და შეუდგა ქრისტიანობის გავრცელებას. ამ შრომისმოყვარე მოძღვარმა გაუზარდა ოთხი შვილი საშუალო სასწავლებელში სამშობლოს დიდის შრომითა და გაჭირვებით.

ინიცი დღეს თავის ყრუ მხარეს ემსახურებიან. ერთის სიტყვით, მარგიანი განთქმულია მთელს სვანეთში. მღვ. მარგიანის, როგორც გარეგანმა შეხედულებამ, აგრედვე ენერგიულმა ლაპარაკმა და ოჯახობის წესწობილებამ დიდად იმოქმედა იტალიელზედ.“

გიორგი მარგიანი პროგრესულად მოაზროვნე მოძღვარი იყო. ამაზე მეტყველებს მისი პუბლიკაცია გაზეთში „დროება“ [40]. წერილი ეხება პრისტავ მარჯანოვის ინიციატივას სვანეთში ზოგიერთი მავნე ზნე-ჩვეულების მოშლის თაობაზე. ამ ინიციატივას სისხარულით შეხვდა გიორგი მარგიანი:

„ამ შემთხვევით მოიშალა პრისტავი მარჯანოვისაგან სამი კარგი სამძიმო საქმე: პირველი – ნაჭვლაში (ნაჭვლაში არის საქმროსაგან მიცემული სასიძლოს მშობლებთდაძი საქონლით ორას ანუ სამას მანეთამდე და როდესაც ქალი შეიქნება გასათხოვარი, მაშინ ან აღარ მიეცემა საქმროს და ან თუ წაჰყვა, უნდა გამოექცეს ქმარს რამოდენიმე ხნის შემდეგ, მერმე ქმარი დაიწყებს საჩივარს ნაჭვლაშის დაბრუნების თაობაზე, ასე რომ ამ ნაჭვლაშის დაბრუნებაზე ბევრი უბედურება ხდება სვანეთში – კაცის კვლა და ჩეხვა).“

მეორე ცუდი ჩვეულება სვანებისა მასში მდგომარეობდა, რომ პატარებს აკვანშივე ანიშვნიებდნენ და როგორც წამოიზრდებოდნენ, ხშირად შეიძლებოდა ან ქალი გამოსულიყო მახინჯი და ან კაცი; ამისთვის, რაკი ერთ-ერთი მხარე განდრკებოდა და არ შეირთავდა, დაერეოდნენ და უნდა ამოეწყვიტათ ერთმანეთი, – მეტადრე ვაჟის მხრით მშობელი უფრო იყო დაჩაგრული ამ საქმეში, რადგან დანიშვნისთანავე ვაჟის მხარეს უნდა მიეცა ნიშნად ერთი ან ორი ხარი; შეიქმნებოდა საჩივარი და ვაჟის მხრის მშობელი სულ სარგებლით წაიყვანდა საქონელს.

მესამე ჩვეულება მოისპო კიდევ მთელს სვანეთში, სადაც ამისთანა ღარიბი ხალხია და მასთან ზარმაციც, ყოველ კვირაში დადებული უქმად პარასკევი და შაბათი. ამ დღეებში ყველამ უნდა იმუშაოს უსათუოდ.“

შემდეგ გიორგი მარგიანი აღწერს იმ საჯარო საჩქციებს, რომლებიც უნდა დაეკისროთ ამ „პრიგოვორების“ დამრღვევთ. „უნდა მოგახსენოთ, რომ ეს სრული სამადლობელი საქმე მოხდა ჩვენ სვანეთში ბ. მარჯანოვის განკარგულებით, ღმერთსა ვთხოვ დასცალბოდეს ამას ამგვარი საქმეების კეთილად წაყვანა და ჩვენც მოგვეცეს მით საღვათი“ – დასძენს მამა გიორგი.

1937 წელს პარიზში გამოცემულ წიგნში „არქეოლოგიური ექსპედიცია ლეჩხუმ-სვანეთში 1910 წელს“ [42] ექვთიმე თაყაიშვილი სამჯერ მოიხსენიებს მამა გიორგი მარგიანს. აღწერს რა სოფელ ჩვაბიანის მთავარანგელოზის მიქაელის ეკლესიაში ნანახ ხის შანდალ-კანდელს, იგი ბოლოში დასძენს: „ასი წლის* მღვდელმა წინეთ პაპად ნამყოფმა, გადმოცა, რომ ნათლისღების დღეს ეს კანდელები იორდანეზე მიაქვთ და უამისოდ შეუძლებელია წყლის კურთხევა.“

250-ე გვერდზე ექვთ. თაყაიშვილი კვლავ ახსენებს მამა გიორგის: „უბეშში ჩვენს დროს მღვდლად იყო დრმა მოხუცებული, მაგრამ კვლავ მხნე მოძღვარი გიორგი მარგიანი, რომელიც წინეთ, როგორც მოვიხსენიეთ, პაპი ყოფილა.“

262-ე გვერდზე ვკითხულობთ: „სოფელ ჭოლაშში პატარა ჩვეულებრივი ეკლესია არის წმინდა ბარბარესი. მასში საყურადღებო არაფერი არის. სოფელში ჩვენ დავესწარით დიდ დღესასწაულს 15 აგვისტოს. ეს დღესასწაული მიცვალებულთა დღესასწაულია, მათი მოვონების და პატივისცემისათვის არის დანიშნული. ოჯახი ამზადებს საუკეთესო საჭმელებს, გამოაქვთ სასაფლაოზე, დააწყობენ სუფრაზე ან თვით განსვენებულის საფლაოზე, ან მის ახლოს. ყველა სუფრა პაპმა (ანუ ეხლა მღვდელმა) უნდა აკურთხოვს. სახლში ამ დღეს არავინ რჩება, ყველა სასაფლაოზეა გამოსული და ჯგუფ-ჯგუფად თავმოყრილნი თავიანთ მკვდრების

* ივ. მარგიანის წერილიდან [28] ირკვევა, რომ ამ დროს მამა გიორგი მხოლოდ 74 წლისა იყო.

სასაფლაოებთან. ვერასოდეს ვერ ნახავთ ისე ერთად შეყრილს მთელს მოსახლეობას, ამიტომ ეს სცენები საჭმელების კურთხევისა და სვანთა ნაირ-ნაირ ჯგუფებისა თავიანთი მარაგით გადმოვიდეთ სხვა ფირფიტაზე. სუფრას აკურთხებდა უზუტყესი მღვდელი მარგიანი, რომელიც წინეთ პაპი ყოფილა“ (იხ. ფოტო გვ. 28).

საინტერესო ცნობას იძლევა გურია-სამეგრელოს ეპისკოპოსი გრიგოლი [39]: „ეკლესიის მონახულების შემდეგ ადგილობრივ მღვდელ მამა მარგიანთან მოგვიწია ღამის გათევა, თავისუფალი სვანეთის ერთ-ერთ გამორჩეულ ადამიანთან. ამ მხარეში მართლმადიდებლობის აღდგენამდე, ის მიეკუთვნებოდა ‘პაპებს’, ანუ თვითმარქვია ღვთისმსახურებს, რომელთა მეშვეობითაც ქრისტიანობა, მართალია დამახინჯებული სახით, მაგრამ მაინც შენარჩუნდა სვანეთში. დღეს ის არის მის მამულში ერთ-ერთი საუკეთესო მღვდელი. მუჟალის ეკლესიისათვის, რომლის კურთხევაც იყო მეორე დღეს, სამშენებლო მასალა მისი მეცადინეობით იქნა შემოწირული მრევლის მიერ. მან სამასწავლებლო სემინარიაში აღზარდა ვაჟი, რომელმაც წერა-კითხვა მრავალ სვან ბავშვს ასწავლა. ისინი დავლოცე, ვაჩუქე ჯვრები და სასწავლო ნივთების საყიდლად საჭირო თანხაც გადავეცი.

როცა მომიწევს ‘პაპებისა’ და სვანეთში სამისიონერო სამსახურის შემოღებამდე ქრისტიანობის მდგომარეობის შესახებ დაწვრილებით საუბარი, მამა მარგიანის მიერ მოცემული განმარტებანი იქნება ჩემთვის თუ არა ერთადერთი, ყოველ შემთხვევაში, საუკეთესო მონაცემები მაინც. მე ვსთხოვე მას ამ საკითხისადმი ინტერესის გამო, რომ თავისუფალ დროს, აესაზა თავისი მოგონებანი ქალაღზე...”

როგორც ირკვევა, ეს მისია მამა გიორგიმ თავის შვილს მამა იოანე მარგიანს გადაულოცა, რომელმაც უნიკალური მასალა დაგვიტოვა „პაპების“ მოღვაწეობისა და სვანეთში ქრისტიანული რელიგიის შენარჩუნებაში მათი დამსახურების შესახებ [15, 28].

გიორგი მარგიანის, როგორც სვანეთის წარსულის საუკეთესო მცოდნის შესახებ ეგნატე გაბლიანი ვრცლად საუბრობს 1927 წელს გამოცემულ წიგნში „თავისუფალი სვანეთი“ [46]:

„მახვშის არჩევნებისა და საზოგადოდ სვანეთის ჩვეულებითი უფლებების და ადამ-წესების აღწერის დროს მე ესარგებლობ უმთავრესად იმ მოხუც გიორგი მარგიანის ნაამბობით, რომელიც 25 წლის განმავლობაში იყო ყოველივე ამის უშუალო მოწმე და თვალყურის მდევნებელი.

ეს ის გიორგი მარგიანია, რომელიც თავისი წარსულით და მოღვაწეობით კეთილი მოგონების ღირსია და რომლის მამა, მურზა 1847 წელს ს. მესტიაში ვერაგულად იქნა მოკლული ჯაფარიძეების მიერ, მაშინ, როცა ის მიყვებოდა თავის სტუმრებს, საქართველოდან გაგარინის მკვლელ* მურზაყან დადემქელიანთან გაგზავნილ ორ მღვდელს. ჯაფარიძეებმა განიზრახეს მათი დაპატიმრება, მურზა მათ შეება, მოუვიდათ ჩხუბი, რომლის დროსაც მან მოკლა ერთი ჯაფარიძე, რამდენიმე სასიკვდილოდ დასჭრა, სტუმრები თუმცაღა სიკვდილს გადაურჩნენ, მაგრამ თვითონ კი ტრაგიკულად გამოეთხოვა წუთისოფელს.

აი, ამ ჯაფარიძეების მიერ შევიწროვებული გიორგი თოფით ხელში ციხეში იმყოფებოდა, მაშინ როცა 1847 წ. კოლუბიაკინის მოგზაურობის შემდეგ სვანეთს განაგებდა პირველი ბოქაული ალექსანდრე მიქელაძე... ამ მიქელაძემ** 20 წლის ყრმა გიორგი წაიყვანა ქ. ქუთაისში, მიაბარა იქ გელათის მონასტრის ერთ-ერთ ბერს წერა-კითხვის და მღვდელ-მოქმედების შესასწავლად...

ქუთაისიდან ქართული წერა-კითხვის კარგი მცოდნე, მღვდლად ნაკურთხი, ის ბრუნდება თავის ქვეყანაში, სადაც მთელი სვანეთის

* გაგარინი აქ ნახსენები უნდა იყოს დადემქელიანის პიროვნების პოპულარიზების ხაზგასასმელად, რადგან ამ დროს იგი ცოცხალი იყო.

** ივანე მარგიანი ამ მომენტს უკავშირებს სვანეთის ეკლესიათა კეთილმოწყვეს, მღვდელ ქუთათელაძეს.

დიდ სიყვარულსა და პატივისცემას იმსახურებს, ხალხი მას არქ-
მევს 'ზოშა ბაჰს', დიდ მღვდელს. სამართლიანობა მოითხოვს აღე-
ნიშნოს, რომ ეს იყო სვანეთის წარსულის საუკეთესო მცოდნე და
ჩემი შრომის დაწერის დროს მე ესარგებლობ უმთავრესად მისი
ცნობებითა და ნაამბობით და ამიტომ, ვგონებ, ეს ცნობები სავსებით
სარწმუნო უნდა იყოს" – წერს ეგნატე გაბლიანი [გვ. 81-82].



მესტია. 1929 წ. (გადაღებულია მჟავე წყლებთან)
პირველ რიგში: რევაზ მარგიანი, შალვა გვარლიანი, ლადო მარგიანი,
თინა გვარლიანი;
მეორე რიგში: დოდო გვარლიანი, -?, ნიკოლოზ, ეთერ, გივი მარგიანები,
ნოდარ კალანდამე, ჩიჩი ჩიქოვანი-მარგიანისა;
მესამე რიგში: ნინუცა გვიშიანი-გვარლიანისა, -?, აკაკი, ივანე მარგიანე-
ბი, ვარვარა ბერიძე, ნინო დევდარიანი-მარგიანისა, თამარ მარგიანი;
მეოთხე რიგში: ელენიკა მახარობლიძე, პოპო, შოთა მარგიანები, კოჭო
მახარობლიძე, ზურაბ გვარლიანი, მანია ბარლიანი (ზურაბის ძიძა),
ცუცა ფრუიძე-მარგიანისა, ღიმიტრი მახვილაძე.



ივ. მარგიანის ვაჟიშვილი ღიმიტი ბიძაშვილებთან – ვალო, აკაკი,
ბუთული მარგიანებთან ერთად.



ღიმიტ და ვალო მარგიანები კირილე პაჭკორიას გუნდში (1930 წ.)
ვალო – ზემოდან მეორე რიგში მარცხნიდან მეოთხე;
ღიმიტი – ზემოდან მესამე რიგში მარცხნიდან პირველი.

ივანე მარგიანის სასულიერო მოღვაწეობა

ივანე მარგიანის ბიოგრაფიულ ცნობებში უკვე აღინიშნა, რომ თბილისის სასულიერო სემინარიის დამთავრების შემდეგ, დაახლოებით 1898-99 წლებში, იგი მღვდლად აკურთხეს და ქვემო სვანეთში, სოფელ ჩოლურში განამწესეს. იმავდროულად მას ამავე სოფლის სამრევლო სკოლის მასწავლებლობა შეუთავსეს.

უკვე 1902 წელს ივ. მარგიანი ლაშხეთის (ქვემო სვანეთის) „ბლალორჩინია“ (კეთილმოწესე). ბლალორჩინად დანიშვნას ემთხვევა მისი სოფ. ჟახუნდერში, წმინდა გიორგის ეკლესიაში გადასვლა. „აქ წმ. გიორგის საყდრის ვრცელ ეზოში ახალგაზრდა ბლალორჩინი მამა იოანე მარგიანი სცხოვრობს“ – წერს მღ. პ. კარბელაშვილი [43]. ივანე მარგიანს, სრულიად ახალგაზრდა კაცს ამ მოკლე ხანში იმდენად ღირსეული სახელი მოუხვეჭია, რომ მღ. პ. კარბელაშვილი სვანეთში მოგზაურობის დღიურებში აღფრთოვანებით წერს: „ამ მივარდნილ ქვეყანაში (იგულისხმება ლეჩხუმ-სვანეთი) პატიოსანნი ბლალორჩინნი გერსამია, მარგიანი და ნიჟარაძე წარმომადგენელნი არიან იმ სანეტარო კაცთა, რომელთაც მაცხოვარმა რჩეული მცირედთა გუნდი უწოდა“ [44].

მამა იოანე მარგიანის ლაშხეთში მოღვაწეობის პერიოდს ემთხვევა საეკლესიო სამრევლო სკოლისთვის ახალი დიდი შენობის აშენება სოფლის საზოგადოების ხარჯზე [43], რაც შეუძლებელია მომხდარიყო ადგილობრივი კეთილმოწესის ივანე მარგიანის უშუალო მონაწილეობის გარეშე.

როგორც ზემოთ მოგახსენეთ, 1906 წელს ივანე მარგიანი ცაგერის ყოვლადწმინდა ღვთისმშობლის მიძინების სახელობის

ტაძრის წინამძღვრად დაადგინეს და იმავდროულად დაინიშნა ცაგერის ოლქის მთავარზუცესად [37]. იმავე 1906 წელს ლაშხეთის საბლალორჩინო ოლქი თავისი ნებით შეუერთდა ცაგერისას [45] და 1912 წლამდე ივანე მარგიანი ცაგერის და ლაშხეთის



ვარვარა ბერიძე და ივანე მარგიანი
(დ. ერმაკოვის ფოტო, 1914 წ., თბილისი)

გაერთიანებული საბლალორჩინოს კეთილმოწესის მოვალეობას ასრულებდა. 1912 წელს მან თავისივე სურვილით მოიხსნა ლაშხეთის ბლალორჩინის უფლებამოსილება, რაც ჩვენი აზრით გამოწვე-

ული იყო მისი ოჯახური პირობებით (ამ დროს მას უკვე ოთხი მცირეწლოვანი შვილი ჰყავდა) და ცაგერის სკოლაში პედაგოგიური საქმიანობით. ლაშხეთში მისი ათწლიანი მოღვაწეობის პერიოდში ოთხი ახალი ეკლესია აშენდა და ცხრა ეკლესია განაახლდა. იმავე ათ წელიწადში ივანე მარგიანის თაოსნობით ცაგერის



სოფ. ჟახუნდერი. წმინდა გიორგის ეკლესია (დ. ერმაკოვის ფოტო. საქართველოს ხელნაწერთა ეროვნული ცენტრი)

ტაძარს გაუკეთდა მშვენიერი ეზო და გალავანი, ხოლო 1910 წელს ეკლესიაში დაიდგა ახალი კანკელი, რომელიც იმავე წელს მოიხატა [37]. იმავე წყაროს მიხედვით 1912 წელს აქ აშენდა რკინის ახალი საუკეთესო სამრეკლო. მამა იოანეს ინტენსიური საეკლესიო აღმშენებლობითი საქმიანობა უფრო შთამბეჭდავი გახდება, თუ გავითვალისწინებთ სვანეთის მკაცრ კლიმატურ პირობებს და 1905-1906 წლების ლეჩხუმ-სვანეთში არსებულ მძაფრი სამოქალაქო დაპირისპირების ატმოსფეროს აქ მიმდინარე რევოლუციუ-

რი მოძრაობის გამო [43]. 1912 წელს ცაგერის ეკლესიას დაუბრუნდა საკათედრო ტაძრის სტატუსი (1881 წელს წმ. სინოდის ბრძანებით გაუქმებულა ცაგერის უძველესი მამათა მონასტერი და ჩამორთმევია საკათედრო ტაძრის სტატუსი). 1917 წელს მამა იოანეს მიენიჭა დეკანოზის წოდება. იგი აქტიურად მონაწილეობდა 1917 წლისა და 1920 წლის საქართველოს სამოციქულო ეკლესიის კრებებში, როგორც ცაგერის ოლქის მთავარსუცესი. 1912 წელს ივანე მარგიანის მიერ ლაშხეთის ოლქის ბლაღოჩინის უფლებამოსილების მოხსნასთან დაკავშირებით, მას ღია წერილით მიმართავს ლაშხეთის ჩვიდმეტი სასულიერო პირი [47]. მიმაჩნია, რომ ამ ღია წერილის გაცნობის გარეშე ივანე მარგიანის პიროვნული პორტრეტი სრული არ იქნებოდა:

„თქვენო მაღალკურთხევაე, მამაო ბლაღოჩინო იოანე!

განმავლობს ათი წელიწადი, რაც თქვენა ბრძანდებით ჩვენი ოლქის ბლაღოჩინათ, დღეს თქვენის ნებითვე თავს ანებებთ ამ თანამდებობას, ამის გამო ზნეობრივად ვალდებული ვართ მოვახსენოთ ჩვენი გულ-ნაღები სიტყვა: თქვენი გამოცდილება, მხნეობა, თავგამოდებული ზრუნვა ეკლესიისა და სამღვდელოების სასარგებლოდ პირველვე თავს მდები იყო იმისი, რომ თქვენ შეეფერებოდით ამ თანამდებობას. გულწრფელობა, გულახდილობა და ზასიათის სიმაგრე პირველად თუმცაღა სამღვდელოებამ და ხალხმა ავგულობით ჩამოგართვათ, მაგრამ საქმემ დაგვარწმუნა სულ წინააღმდეგში. დავრწმუნდით, რომ გულჩახვეული კაცი საშიშია, ვინემ გულახდილი. ამის გამო სამღვდელოებაც და ხალხიც თანდათან შეეჩვია თქვენს ზასიათს და ჩვენს შორის სიყვარული დამყარდა. რა იქნებოდა, რომ სამღვდელოებას გაგვჭირვებოდა და თქვენ არ დახმარებოდით, თუკი ვინმე გთხოვდათ დახმარებას. თქვენ მიერ ხალხში მოხვეჭილი გავლენა და ნდობა დიდი იმედი იყო ჩვენთვის. თქვენი დაუღალავი შრომა და ენერგია იყო იმის მიზეზი, რომ ამ ათი წლის განმავლობაში ამ მცირე თორმეტ კრებულის ოლქში ოთხი ქვის ეკლესია აშენდა და ცხრა ეკლე-

სია განახლდა-შეკეთდა. ყოველივე ეს გვაგვალებს ამ მცირე ბარათით მადლობა შემოგწიროთ იმ მწყემსობა-წინამძღვრობისათვის, რომელიც ამ ათი წლის განმავლობაში გაგვიწიეთ უანგაროთ. ჩვენი თქვენდამი სიყვარული დაუვიწყარი იქნება დიდხანს.

დავშთებით თქვენი მადრიელნი:

1. მღვდელი არსენი ონიანი, 2. მედავითნე ტარასი დაშნიანი, 3. მღვდელი ანთიმოზ ნემსაძე, 4. მღვდელი დოროთე ასათიანი, 5. მღვდელი სოლომონ ჯანზოთელი, 6. მღვდელი ნესტორ გაბლიანი, 7. მღვდელი პორფირი ჩხეტიანი, 8. მღვდელი ევგენი ონიანი, 9. მღვდელი ტარასი ფოფხაძე, 10. მედავითნე დავით პირველი, 11. მედავითნე ივანე ონიანი, 12. მედავითნე ივანე ონიანი, 13. მედავითნე ერმალოზ ხაბულიანი, 14. მედავითნე ანდრია ხარძიანი, 15. მედავითნე მელიტონ გოსლიანი, 16. მღვდელი გიორგი ტვილდიანი, 17. მღვდელი საბა ფრუიძე“.

ივანე მარგიანის მრწამსის შესახებ ნათლად მეტყველებს მისი წერილები, რომლებიც სასულიერო ცხოვრების სხვადასხვა მხარეს ეხება. ამ მხრივ ფრიად შთამბეჭდავია ივანე მარგიანის ნარკვევი „ბუნებითი სვანი ილუმენი მამა თეოფანე“ [9]. ვშიშობთ, რომ მისი შინაარსის მოკლედ გადმოცემისას შესაძლოა დაიკარგოს ის არსებითი, რითაც იპყრობს იგი მკითხველს და ამიტომ მოგვყავს ნარკვევის სრული ტექსტი:

„სოფელ იფარში (ზემო სვანეთშია) რომ შეხვალთ, ჩრდილოდასავლეთისაკენ ფერდობზედ დაინახავთ, თითქო არწივის ბუდეა მიკოსებულიო, ახალ სვანეს 'ფეხს'. აქ მიგიყვანთ თქვენ საცალ-ფეხო გზა, რომლით სიარული ხანდისხან საძნელოც არის შეავისა გამო (მთა წყდება). თქვენ შორიდანვე დაინახავთ მაღალ გუმბათიან ეკლესიას, თეთრად შეღებილს, რომელიც ჯერ კიდევ ვერ არის დამთავრებული. თუმცა ის ახალს არქიტექტურულის გემოზედ არ არის აშენებული, მაგრამ მისს ამშენებელ არქიტექტორისაგან ისიც გაგიკვირდებათ და დიდათ მიიჩნევთ. ამ უმთავ-

რეს ეკლესიას აქვს მოდებული პატარა ეკლესია, რომელიც მორწმუნე და ღვთისნიერ კაცზედ დიდს შთაბეჭდილებას ახდენს თავისი სიწმინდით, უბრალო მოწყობილობით და სიღარიბით. ამ ეკლესიას მოდებული აქვს რამოდენიმე სენაკი ზოგი პაწია, ზოგიც ზომიერი. აქაც ის სიღარიბე, მაგრამ სისუფთავე და უბრალო მოწყობილობა! აქვე ნახავთ აბანოს, სხვა-და-სხვა გვარს ხეხილებს, მშვენიერად მოვლილს ბოსტანს და სხვას. შესვლისთანავე თქვენ გაიგონებთ ზეცის მუშის საღირს, პატიოსან მუშაკ-ფუტკარის ზუზუნს... ის, თითქო უხარიან თქვენი მოსვლაო, გარს გველუბათ, ხან წინ მოგივლისთ, ხან უკან, გეალერსებათ და თან თითქო თქვენი ცნობაცა ჰსურს: წმინდა გულით მოდიხარ სვანეთში, თუ არაო? ცოტას გაივლით ამ მუშაკების სადგომს-ბინას, დაინახავთ – რგვალ ხის ბუკებს. ზოგს-კი ბინა შენობის კედლებში აქვსთ გაკეთებული... აქვე ახლოს მოჩანჩქარებს ანკარა წყარო. აქა-იქ გაჭიმულან სათიბები და ყანები, სადაც ითვისება პური, ქერი, შვრია, ფეტვი, ცერცვი, ოსპი და სხვა. ამას გარშემო შემორტყმია ტყე-მუხნარი. ყველგან ბუნების სილამაზე, სიმშვენიერე და დიდება!..

ეხლა შევიდეთ ერთს საშუალო ოთახში და რას დავინახვთ? ერთს კუთხეში ხის ფიცრებზედ ლოგინია გაკეთებული; ლოგინს აღმოსავლეთით უდგია ოთხკუთხიანი მაგიდა. იქვეა ორიოდ უბრალო სკამი. მაგიდაზედ აწევია საეკლესიო წიგნები, რამოდენიმე წიგნაკები წმინდანების ცხოვრებიდან, რამოდენიმე ნომერი ჟურნალ „მწყემსი“-სა, მიბაძვა ქრისტესი, ხელთნაწერები და სხვა. ჩრდილოეთით კედელს ბუხარი აქვს; ბუხარს აღმოსავლეთით უდგია პატარა კიდობანი – ფქვილის ჭურჭელი და ზედ გობი. აგერ ბუხარზედ მიყუდებულია კეცები (პურის გამოსაცხობად), მის ახლო აგდია ხის მაშა. ლოგინის ჩრდილოეთ მხარეს გაკეთებულია პაწია შკაფი და შივ აწევია სხვადასხვა ჭურჭელი. იქვე ჰკიდია ხის კანის 'ბოყვით' ლობიო, მის გვერდით მარილი და სხვა საკმაზავი მასალები. ფანჯრიდან შემოყვანილია სიმა და კედელზედაა მიბმული ზარის დასარეკად, რომელიც გარედ აივანზედა

ჰკიდია. აგერ ლოგინის ერთს ნაპირას აწყვია დართული მატყლის ძაფები, იქვე საქსოვი სავარცხალი და ყოველგვარი მოწყობილობა, რაც კი რამ საჭიროა ქსოვისათვის და რაც სვანეთში ხმარებაშია.

მკითხველს ეჭვი შეეპარება და იფიქრებს, ალბათ ეს ოთახი დედაკაცის ბინაა, თორემ საქსოვ იარაღებს აქ რა უნდაო? არა... ლოგინზედ თქვენ დაინახავთ მწოლარეს თმა-ჭაღარას და ღმობიერი სახის ადამიანს. ის ეს ორი წელია სენმა შეიპყრო და ფეხები დაუკავა-დაუხუთა. მიუხედავად ამისა მას წინანდელი ენერგია-მოძრაობა არ დაუკარგავს... არცა ჰყავს მოძველები, არცა პატრონი! თვითონ აცხობს, იკეთებს საჭმელს, თვითონ რთავს, ქსოვს, თვითონ რეცხავს ჭურჭლებს და სხვა. ლოგინთან უდგია მისგანვე გაკეთებული ბორბლებიანი სკამი, რომლის შემწეობითაც მიდი-მოდის ოთახში და ოთახიდან ოთახში (უიმიოდ ვერ დავლის). ვინ არის ეს ბუნებისგან დასჯილი? იკითხავს პატივცემული მკითხველი. ეს არის ბუნებითი სვანი ილუმენი მამა თეოფანე, რომელსაც შეიძლება იცნობდეთ (ერისკაცობაში თაისავ კორძაია – თ. ლ.).

აი ამ გამრჯელის, დაუძინებელი მუშა ბერის ხელს ეკუთვნის ყველა ის, რაც ზემოდ აღვწერეთ. ბევრი იშრომა ამ პატივცემულმა სულიერმა მამამ, აავო სვანე, რომელსაც მიასაკუთრა მისგან შეძენილი აუარებელი ადგილები, ბევრ ღატაკსა და დავრდომილებს აძლევდა ლუკმას, სცემდა ნუგეშს და ეხლა, როდესაც მას მოძრაობა აღარ შეუძლია, ვიმეორებ, ახლაც არ უძლებს გული, რომ საწყალს არ შეეწიოს... რთავს, ქსოვს და იმითი ჰმოსავს გაჭირვებულებს! აი სად არის ნამდვილი სიყვარული! აი სად სუფევს ქრისტეს მადლი! აი ჩვენი მაცხოვრის მიმღევარი!..

‘დიდ არს ღმერთი შვილო – მეუბნებოდა ის საუბრის დროს ღიმილით; მე დამსაჯა ღმერთმა ამ სოფლად და მომეგო რივისამებრ!.. მე დავისაჯე, რათა ვადიდო ღმერთი მიუწვდომელი! დიდება მის სახიერებასა!’... ის ამ სიტყვებით არც სამღურავს აცხადებს ღმერთზედ და არც სასოწარკვეთილებაში შედის. არამედ მადლობასა სწირავს ღმერთს და იმედოვნებს რაღაცაზედ...“.

ივანე მარგიანი იმდენად დიდ მნიშვნელობას ანიჭებდა საზოგადოების სულიერი ფორმირებისათვის ილუმენის ცხოვრების მაგალითს, რომ მას მღვდ. პ. კარბელაშვილის ექსპედიცია, რომელსაც სულ ორი კვირის განმავლობაში უნდა მოეწყო ლეჩხუმ-სვანეთის ეკლესიები მათი მოხატულობის, ზარების, ხატების, სხვა სიძველეთა და კულტურის შესასწავლად, მამა თეოფანეს სავანეშიც აუყვანია. ექსპედიციაში მონაწილეობდნენ პროფესორი ა. ხახანაშვილი, კომპოზიტორი ზ. ფალიაშვილი, ჟურნალისტი მაგისტრი ს. ტყემელაშვილი და მოსკოველი ბოტანიკოსი ვინმე სტეპან ანტონიჩი. პ. კარბელაშვილი აღფრთოვანებას ვერ მალავს მამა თეოფანეს პიროვნებით შთაგონებული: „დიდად პატივცემულია მამა თეოფანე მთელ სვანეთში. ამოდენა ღვაწლი და ამაგი გაუწევია ამისთანა უაღაგო ადგილას თავის მოძმეთა სიკეთის გულისათვის, რომ ოდესმე აქ დაწესებულიყო მონასტერი და იქ მცხოვრებ ბერ-მონაზვნებს აღედგინათ მამა-პაპური სარწმუნოებრივი მხურვალე გრძნობა, გამართულიყო ყრმათა სასწავლებელი და ძველებურად აყვავებულიყო სწავლა განათლება... ცრემლით გამოვეთხოვეთ ამისთანა ღირსეულ შვილს და ჩავეკიდნეთ დასავლეთისკენ ჩამავალ სახიფათო ვიწრო თავდაღმართს“ – წერს პ. კარბელაშვილი [48].

საყურადღებოა ივანე მარგიანის ქადაგება [25], რომლის შემოკლებული ვარიანტი 2006 წელს გამოქვეყნდა ლ. ტოგონიძის და გ. მაჩურიშვილის მიერ [37]: „გულისაგან გამოვლენ გულის სიტყვანი ბოროტნი: კაცისკვლანი, მრუშებანი, სიძვანი, პარვანი, ცილისწამებანი, გმობანი“ (მათე 15, 19).

„გული საღრმთო წერილის სიტყვით, არის საუნჯე კეთილთა, ვინა ბოროტთა განზრახვათა, გრძნობათა, სიტყვათა და საქმეთა. გულში აღორძინდებიან სხვა-და-სხვა გვარნი სურვილნი და განზრახვანი; მასში ჩაისახება და დაიბადება ადამიანის გაბედულობა ამა თუ იმ საქციელზედ, ამა თუ იმ დანაშაულობაზედ. იმაში არის კვარცხლბეკი ნებისა და მისთა სურვილთა. ამიტომაც ადვი-

ლი გასაგებია, თუ საღმრთო წერილი რათ ეძახის გულს საუნჯეს და ამბობს: 'კეთილმან კაცმან კეთილისაგან საუნჯისა გულისა თვისისა გამოიღოს კეთილი, და ბოროტმან კაცმან ბოროტისაგან საუნჯისა გულისა თვისისა გამოიღოს ბოროტი' (ლოუკა 6, 45).

როდესაც მაცხოვარი ჩვენი ამბობს: 'გულისაგან გამოვლენ გულის სიტყვანი ბოროტნი, კაცის-კვლანი, მრუშებანი, სიძვანი, პარვანი, ცილისწამებანი, გმობანი' (მათე 15, 19), აქ ის პირველს ალაგას აყენებს ბოროტთა განზრახვათა, მათ შემდეგ კი ბოროტთა საქმეთა. ეს ადვილი გასაგებიც არის, რადგან ჩვენნი შინაგანნი განზრახვანი უფრო საშიშნი არიან, ვიდრე აშკარანი ცოდვანი — დანაშაულობანი. მართლაც, ჩვენნი შინაგანნი გულის სიტყვანი მოქმედებენ თავისუფლად: გულიდგან გადადიან კაცის გონებასა და ნებაზედ; იმათი მოქმედება ხდება სხვისაგან შეუმჩნევლად. ამ შემთხვევაში ჩვენ ხშირათ ვფიქრობთ და ვამბობთ, რომ ეგ გულის თქმათა უბრალო თამაშია და გართობაო, მაგრამ ძლიერ ვსცდებით: ეს არის უუსაშინლესი თამაშობა. ის ზრდის ვნებათა და ავარჯიშებს გულის თქმათა, უადვილებს მათ გამარჯვებასა და უკაფავს გზას დიდ დანაშაულობათა ჩასადენად, რომლების სისრულეში მოყვანას ხანდისხან წინ გადაელობებიან და ხელს შეუშლიან გარეშე გარემოებანი.

რამდენად გამრავლდებოდნენ ბოროტებანი და დანაშაულობანი ქვეყანაზედ, რომ ჩვენს გულის ლტოლვილებათა შესრულებას ხელს არ უშლიდეს სხვა-და-სხვა გარეგანი შემთხვევა! მაშინ კაცის კვლა ისეთივე ხშირი იქნება, როგორც ხშირია შური და სხვა გულის აძვებრელნი თვისებანი...

ამასადაბე საჭიროა ზნეობრივი სიფაქიზე მივიღოთ და ამისთვის კი უპირველეს ყოვლისა უნდა განვიწმინდოთ გული, რაიც შეიძლება მხოლოდ ზნეობრივი თვითაღზრდით, თვითცნობიერებით, საქმიანობით...

ქრისტიანულ თვითაღზრდის უმთავრეს იარაღად უნდა ჩაითვალოს ლოცვა, რომელიც აერთებს კაცს ღმერთთან, აღამაღლებს

მის სულსა და გონებას, განსწმენდს — განასუფთავებს მას ყოველივე ცუდისაგან და ანიჭებს ძალას მას კეთილისა სამოქმედოთ. ლოცვასთან უნდა შეერთებულ იქნეს საღმრთო წერილის კითხვა, მეტადრე სახარებისა. მაგრამ, საუბედუროდ ჩვენდა, ეხლანდელს დროში ლოცვასა და საღმრთო წერილის კითხვას არავინ არ მისდევს; ამავე სენით არის შეპყრობილი ჩვენი სამღვდელეობაც, რომლის მეტი ნაწილი თავის მოვალეობასა ხედავს მხოლოდ მწუხრისა, ცისკრისა და წირვის „ოფიციალურად“ შესრულებაში. ძვირათ თუ შეხვდებით მღვდლის ოჯახში ბიბლიასა და კერძოდ სახარებასა და თუ შეხვდებით, კუნჭულში მიგდებულს, მტკვერისაგან შეჭმულს.

რის შედეგია სამღვდელეოთა შორის შურიანობა, მოქალაქეობრივი გაბედულობის უქონლობა, ბეზლობა, უსახელო წერილების წერა და არა საკადრისნი ქცევანი და გულის სიტყვანი ბოროტნი, თუ არა ზნეობრივად თვით აღზრდის უქონლობისა და მისგან წარმომდგარ დაქვეითებისა?!

ამიტომაც საცოდავია ის მღვდელი, გინა საეკლესიო მოსამსახურე, რომელიც ამა ქვეყნის სიყალბეს ოდნავათაც ვერ დაშორებულია და სახარების ძალას მასზედ არავითარი ზედგავლენა არა ჰქონია!..

საჭიროა ქრისტიანული საქმიანობა, ანუ ძებნა სასუფეველისა ღვთისა და სიმაღლისა მისისა და დამყარება ამა 'სასუფეველისა ღვთისა' ქვეყანაზედ, რადგან მაცხოვარი ბრძანებს: 'სასუფეველი ღვთისა შორის თქვენსა არს' (მათე 17, 21). ზოლო ქვეყანაზედ სასუფეველის დამყარება იგივეა, რაც თავის-თავის ზნეობრივად განსუფთავება და სრულყოფა.

მაგრამ 'სასუფეველი ცათა' სახარების სიტყვით იიძულების (ძალით აიღებს), და რომელნი აიძულებდნენ, მათ მიიტაცონ იგი, ესე იგი ღვთის სასუფეველი დამყარების კაცთაგან, მხოლოდ არა ერთბაშად, არამედ თანდა-თანობით მადლიანის შრომით და ქვეყანაზედ სიკეთის მოფენით...

ეს ყოველივე – კი უპირველესად ჩვენ, მოძღვართა, მოვალეობას შეადგენს... განვალვიძოთ გულში სარწმუნოება, განვაცხოველოთ სასოება, განვავლიოთ გული ცეცხლითა სიყვარულისათა ღვთისადმი და მაშინ დამყარდება ჩვენ შორის სასუფეველი ღვთისა.

ცხოვრება, მართალია, ბევრს დაბრკოლებას იძლევა ამის შესასრულებლად, მაგრამ ამისდა მიუხედავად ჩვენ მედგრად უნდა ვეძიებდეთ იმას, ურომლისოდაც ჩვენ სულიერად მკვდარნი ვართ, და რომლისგანაც მივიღეთ არა მარტო სწავლა, არამედ ცხოვრებაცა... სახარება ამბობს: 'შადლი და ჭეშმარიტება ქრისტე იესოს მიერ იქმნა' (იოანე 1, 17).

ბლალ. მღვდ. ი. მარგიანი.

P. S. ზემორე წერებული მიიღონ ჩემგან ზოგიერთებმა ნაცვლათ იმ უსახელო წერილებისა, რომლებსაც ისინი აწვდიან მთავრობას ჩვენდა დასამცირებლად და თან მიუვებთ: 'და განეშორენ სიცრუისაგან ყოველი, რომელი სახელს სდებდეს სახელსა უფლისასა' (ბ. ტიმ. 2).“

სვანეთის სასულიერო ცხოვრების პრობლემებისადმი მიძღვნილ სტატიასში „სვანეთის ჭირისუფალს, ბატ. ლეონადოს“ [26] ივანე მარგიანი ეხმაურება სოციალ-დემოკრატების გაზეთში „ფონი“ გამოქვეყნებულ ვინმე ლეონადოს წერილს, სადაც ეს უკანასკნელი, საუბრობს რა „ხალხის გათახსირებულ ზნეობაზე“, ამის ერთ-ერთ მიზეზად ასახელებს სვანეთის სამღვდელეობას და მისი წარმომადგენლების განუვითარებლობას; მიაჩნია, რომ აქაური სამღვდელეობა ხალხის შვილია და ბევრად არ განირჩევა ხალხისგანო. „სვანი“-ს ფსევდონიმით გამოქვეყნებული ივ. მარგიანის პასუხი ბატ. ლეონადოსადმი სრულად მოგვყავს ამ წერილის ილიასეული პოლემიკური სტილისა და სოციალ-დემოკრატების პრინციპებისადმი შეურიგებელი სულიკვეთების გამო.

„ნეტარხსენებულ ესდეკების ორგან გაზ. 'ფონში' წავაწყდით ბ. ლეონადოს წერილს ზემო სვანეთიდან, რომელშიდაც იგი დას-

ტირის სხვათა შორის ამ უკანასკნელ ხანებში სვანეთის ზნეობით გათახსირებას და ერთ-ერთ ამის მიზეზათ ასახელებს, ჩინოვნიკების და მებატონეების (რომელთაგან ერთი ლეონადოც გახლავთ) გავლენას.

მებატონეებმა და რუსის ჩინოვნიკებმა რომ ცუდი გავლენა იქონიეს ხალხის ზნეობაზე ეს ძველი ჭეშმარიტებაა და ამის წინააღმდეგ თქმა არაფრის შეგვიძლია. არც ის გვიკვირს, რომ ბ. ლეონადო, ყოფილი მებატონე და მაშასადამე, სვანეთის ზნეობრივ გათახსირებაში მონაწილე, თავს იმათარხებს, რადგან ამის მიზეზს თვითვე ლექსით ასე გადმოვცემს:

მგელმან მგლის ტყავის დახევა
აროდეს გაიმეტოსა,
ვიდრე ცხოვრების მძაფრ სიომ
სხვა მხრიდამ არ დაბეროსა!..

(ეს ლექსი პირველად გვესმის, უთუოდ ლეონადოს ყადის უნდა იყოს!).

ღიან 'დაბერა სიომ' და ლეონადომაც დახია მგლის ტყავი, რომელშიდაც იგი გახვეული იყო მოძრაობის წინა ხანებში, ე.ი. უღალატა თავის წოდებას, გახდა ესდეკი და დაიწყო ხალხის მისგანვე 'გათახსირებულ ზნეობის' აღდგენა და გაფაქიზება, რა თქმა უნდა სხვა ესდეკებთან ერთად და რაში გამოიხატა ეს ზნეობის გაფაქიზება, ამის მოწმე ყველა ვართ, ვინც 1905 წლის შემდეგ არ დავბადებულვართ. გარდა სხვა სიკეთისა სილაჩრეც კი ასწავლეს სვანებს ნაცვლად ძველი გულოვნობისა, რადგან პირველ შემთხვევაშივე ხოხბებივით მიიძალ-მოიძალენ ბუჩქებში. იმ ზომამდე ხალხის ზნეობა არასოდეს არ დაცემულა, როგორც ესდეკურ მოძრაობის შემდეგ, რასაც დღესაც გათვითცნობიერებას ეძახიან და ბ. ლეონადოც ამ აზრის უნდა იყოს. საინტერესოა ვიცოდეთ, დღეს რა გზას ადგია ბ. ლეონადო და რით აპირებს სვანების ძველი სიქეულის აღდგენას. 'ფონში' დაწერილი ერთი

სტატია, რა თქმა უნდა, ვერ უშველის საქმეს; თუ სვანეთში სოციალიზმის შეტანას ფიქრობს, რომელშიდაც, სიტყვაზე ვთქვათ, ბევრ ზნეობრივს ვერაფერს ვხედავთ, ძალიან გვიან მოუვა, ასე რომ თანამედროვე სვანეთი მაინც ვერ მოესწრება მის განხორციელებას; იქნებ ხალხის სწავლა-განათლებას ესწრაფვის, რომ მეტი სინათლე შეიტანოს სვანეთის ბნელ მთებში?! ერთი სიტყვით რა შემატა მას შემდეგ, რაც მგლის ტყავი დაუხვეია? არაფერი და ვერაფერსაც ვერ შესძენს, რადგან ხალხზე ძალიან შორს დგას და არაფერი საერთო მასთან არ აქვს. ხალხის დახმარებას კიდევ არ ნიშნავს, რომ უზომო სურვილები აღუძრა მას და საშუალება კი არ მისცე ამ სურვილების დასაკმაყოფილებლად. 'ვის არ უნდა თავი მეფეთ და ცოლი დედოფლათ', როგორც იტყვის ქართული ანდაზა, ვის არ უნდა მილიონებში სცურავდეს, მაგრამ სად არის საშუალება ამ მიზნის მისაღწევად. სულ ღიდი, რაც თქვენ და თქვენმა ამხანაგებმა მოუპოვეთ ხალხს, ბ. ლეონადო, ეს ტანტა-ლის განსაცდელი გახლავსთ, აღუძარით სურვილი რაღაც მიუწ-თომელი განცხრომით ცხოვრებისა და ერთი თითიც არ დააწები-ნეთ ზედ, ერთი ყლაპი წყალიც კი ვერ დააღვინეთ ამ უკვდავების წყაროდან, რომელიც თქვენთვისაც ოცნებას შეადგენს. თქვენგან გამხცეცხული სურვილებ აშლილი ხალხი ვერ გრძნობდა, რას შვრებოდა და ღღესაც არ ჩამდგარა ნორმალურ კალაპოტში, ღღესაც უარს ყოფს ცხოვრების აუცილებელ პრინციპებს, თვის-ტომობას, ეროვნებას, ნათესაობას, სარწმუნოებას, სასოებას და თვით თქვენგან ღვთაებად აღიარებულ ძმობა-ერთობასაც კი. აი, თუ გნებავთ, ნაყოფი თქვენი მოღვაწეობისა სვანეთში, აი შედეგი თქვენგან 'დახეული მგლის ტყავისა'. დასტკბით, თუ გნებავთ, თუ შეგიძლი-ათ დასტკბეთ იმ სურათით, რომელიც გადაგეშალათ თვალწინ, როგორც შედეგი თქვენის და თქვენისთანების ზნეობრივად გამამ-რთელებელი(!) ქადაგებისა.

ამის შემდეგ თქვენ კიდევ შეგიძლიათ უსაყვედუროთ სვანეთის სამღვდელოებას, რომელიც ჭირსა და ლხინში გვერდში უდგია

ბეჩავ ხალხს და ნუგეშს აძლევს სარწმუნოებით, სასოებით და ხშირად ნივთიერი დახმარებითაც? რა უფლება გაქვთ უკიჟინოთ უმოქმედობა მათ, ვინც თქვენზე მეტს მოქმედობს და თქვენზე მეტს არგია ხალხს? თქვენ ბრძანებთ, რომ სვანეთის სამღვდელო-ება განუვითარებელია, თვით ხალხის შვილია და ბევრათ არ განირჩევა ხალხისგანო. ჯერ ერთი რომ განვითარებული და თა-ვის მოწოდების სიმაღლეზე მდგომი სულ არ მოგვეძევს საქარ-თ-ველოში და საიდგან დაებადება სვანეთს ასეთი სამღვდელოება, მეორეთ საიდგან განვითარდეს ერი, თუ ნელნელა არ დაიწყო განვითარება: ჯერ ასეთი მღვდლები გამოვიდა ხალხიდან, მერმე უკეთესი გამოვა და ასე თანდისთან დაიბადება ნასწავლი და განვითარებული სამღვდელოება და საზოგადოება. მაგრამ მაგარი ის არის, რომ განათლებული და განვითარებული ახალგაზრდობა ვეღარ ცნობს იმ წრეს, საიდგანაც გამოვიდა. იმას უკვე აღარ აკმაყოფილებს თავის სამშობლო სოფელი მისი მცხოვრებლებით და ცხოვრების პირობებით. იგი უკვე გარეშეთ სცნობს თავს და ეძებს ისეთ ხალხს და ისეთ ცხოვრების პირობებს, სადაც მას გაეძლება. აბა მიბრძანეთ, რომელი განათლებული სვანი დაუბრუნ-და თავის სამშობლოს, თუ არა ისევ ის მცირედნი, რომლებსაც თქვენ ასე აუვებთ? როგორც მამულიშვილს, თქვენ უნდა გახარებ-დესთ ის გარემოება, რომ სვანეთმა თვით წარმოშვა თავის მწყემ-სნი და მოძღვარნი — თუმცა თქვენებურათ ნაკლებ განვითარე-ბულნიც. ეს იმის მაჩვენებელია, რომ ხალხი წინ მიდის, რომ მას შეუძლია თავისი ზნეობრივი ძალ-ღონით გაიტანოს თავი და არა მუდამ სხვას შეჩერებოდეს ხელში. რაც უნდა იყოს თავისი სჯობს სხვისას, თავის საკუთარი მმართველობა სჯობს უცხო ტომთა მმართველობას; ეს კაი ხანია დაამტკიცა ისტორიამ და ეს არის საქართველოს ეკლესიის ბრძოლის პრინციპი, რომ თავის საკუთარი მმართველობა ჰქონდეს, თუმცა კარგად ვიცით, რომ გერმანიას, საფრანგეთს და სხვა განათლებულ ქვეყნებს გაცილე-ბით უფრო განვითარებული სამღვდელოება ჰყავს. კარგი ის არის,

ისაა, რომ 1872 წელს იმერეთის ეპარქიის დეპუტატთა კრების გადაწყვეტილებით ქუთაისის სასულიერო სასწავლებლის სასარგებლოდ დადგენილი საკომლო გადასახადის ორი მესამედი უნდა შევსებულიყო სანთლის მოგებიდან, ხოლო ერთი მესამედი კრებულის საკუთარი ფულიდან, რაც თითო კრებულისათვის წლიურად 11 მანეთსა და 50 კაპიკს შეადგენდა. ივანე მარგიანი მიუთითებს ამავე კრების დადგენილების იმ ნაწილზე, სადაც აღნიშნულია სვანეთის ეკლესიების სიღარიბე და ისიც, რომ სვანეთის ეკლესიებს სანთელს უგზავნიდა „ქრისტიანობის აღმადგენი საზოგადოება“. აქედან გამომდინარე სვანეთს ხსენებული გადასახადის მხოლოდ ერთი მესამედი უნდა გადაეხადა ე. წ. „თავისი ფულებიდან“, რადგან სანთლის რეალიზაციიდან მიღებული შემოსავლის მუხლი სვანეთის ეკლესიებს არ გააჩნდათ. ასე იბეგრებოდა სვანეთის ეკლესიები 1897 წლამდე, მაგრამ მას შემდეგ რაც სვანეთის ეკლესია გურია-სამეგრელოს ეპარქიიდან კვლავ დაუბრუნდა იმერეთის ეპარქიას, რატომღაც ეს შეღავათი დავიწყებას მიეცა. „თუ კი იმერეთის სამღვდლოება თავის ჯიბიდან მხოლოდ გადასახადის მესამედს იხდის, სვანეთის სამღვდლოებამ რატომ უნდა იხადოს სავსებით მთელი გადასახადი?!“ – კითხულობს წერილის ავტორი. ამრიგად, ირკვევა, რომ 1897 წლიდან 1901 წლამდე, ანუ 4 წლის განმავლობაში სვანეთის სამღვდლოება უკანონოდ იბეგრებოდა, რაზედაც ყურადღება არავის გაუმახვილებია. წერილის ავტორს შემდეგ მოჰყავს სვანეთში მცხოვრები მღვდლის აუცილებელი ხარჯების დაწვრილებითი ანალიზი და ადარებს იმერეთში მოღვაწე მღვდლის მატერიალურ მდგომარეობას. ივ. მარგიანს მიაჩნია, რომ სვანეთის სამღვდლოების შეჭირვებული ეკონომიკური მდგომარეობა არის იმის მიზეზი, რომ „არა სვანთაგანნი იძულებული ხდება მალე მიატოვოს სვანეთი, სადაც მას უძნელდება ცხოვრება, და გადაიხვეწოს თავის სოფლებისაკენ. თვით სვანთაგანებმაც რომ ვეღარ შეძლეს ოჯახობით ყოფნა

როცა ხალხი ვარდივით შიგნიდან იფურჩქნება, იზრდება და არა გარედან იწებებს ათასნაირ მის ბუნებასთან შეუხამებელ ზნე-ჩვეულებას. თქვენ ეს კარგად უნდა გესმოდეთ, ბ. ლეონადო, როგორც ხალხის მოჭირნახულეს. მაგრამ ჩვენ მაინც არ გვიკვირს თქვენი სხვა გვარი სიძლერა. ჩვენ კარგად ვიცით, როგორი მღვდლები გსურთ სვანეთში სოციალ-დემოკრატი, მარქსის მოძღვრების აღმსარებელი, თქვენი და თქვენი პარტიის ყურმოჭრილი მონა-მორჩილი – აი თქვენი იდეალი სვანეთის სამღვდლოებისა. მაგრამ ეს ხომ ჩვენებურათ, ქრისტიანულათ, სამღვდლოება არ იქნება, არამედ გუნდი 'ჯირიკების' ორატორთა.

დასასრულ გირჩევთ წინ დაიხედოთ და მერმე სხვას უკიუიწოთ.

სვანი.“

ვფიქრობთ, მკითხველი ადვილად შეამჩნევს, თუ როგორ ეხმაურება ამ წერილის საკვანძო საკითხები საქართველოს დღევანდელ რეალობას; წერილში აშკარად იკვეთება ივ. მარგიანის ანტიგლობალისტური განწყობილება: „კარგი ის არის როცა, ხალხი ვარდივით შიგნიდან იფურჩქნება, იზრდება და არა გარედან იწებებს ათასნაირ მის ბუნებასთან შეუხამებელ ზნე-ჩვეულებებს.“

ივანე მარგიანს მიაჩნდა, რომ სვანეთში სულიერი აღზრდის გაუმჯობესება უშუალოდ უკავშირდებოდა ამ რეგიონში მღვდლების ეკონომიკურ პირობებს. ამიტომ იგი აქტიურად იბრძოდა სვანეთში სასულიერო პირების მატერიალური მდგომარეობის გაუმჯობესებისთვის. ივანე მარგიანის აზრით სვანი, თუ არასვანი მღვდელი იძულებულია, მიატოვოს სვანეთი, ვინაიდან აქ ცხოვრების უკიდურესად მძიმე პირობებია, ხოლო გასამრჯელო – დაბალი. ამ პრობლემას ეძღვნება ივანე მარგიანის წერილი „ორიოდე სიტყვა სვანეთის სამღვდლოების შესახებ“ [10]. წერილი აპროტესტებს სვანეთზე ქუთაისის სასულიერო სასწავლებლის სასარგებლოდ საკომლო გადასახადის არასწორად დაწესებას. საქმე

(9 თვე) და ზაფხული მოკლე (3 თვე), ამიტომ ყოველივე წლის საჭირო სარჩო მოტანილი უნდა იქმნეს ერთბაშად და დროზედ ქუთაისიდან ან სხვა ადგილებიდან. ამისათვის საჭირო ფული მღვდელი იძულებული ხდება ისესხ-ივახშოს ადგილობრივი ვაჭრებისაგან, ან სხვაგან უზომო სარგებლით. ამის გამოა, რომ ყოველი მღვდელი სვანეთში მუდამ ვალეშია.“

წერილის ბოლოს ივ. მარგიანი წერს:

„ბოლოს ვიტყვით, რომ ასეთი გადასახადი სვანეთის სამღვდელოებას ძლიერ შეაწუხებს. ამიტომ ხსენებული გადასახადი უნდა შემცირდეს და ისევ ძველი გადასახადი 11 მან. 50 კაპ. უნდა დარჩეს (ანუ რამდენსაც დანარჩენი სამღვდელოება იხდიდა – თ. ლ.). თან სასურველია სამღვდელოების დეპუტატთა კრებები იმისთანა უშიშარსა და მოხერხებულს დროს ინიშნებოდეს, რომ შორეულსა და მთა ადგილებიდან მისვლა-მოსვლა ხერხდებოდეს.“

ივ. მარგიანის ეს მოსაზრება უკავშირდება იმას, რომ 1897 წლის კრებას, სადაც სვანეთის სამღვდელოებას სრული საკომლო გადასახადი შეაწერეს, სვანეთის წარმომადგენელი არ ესწრებოდა.

შესაძლებელია ოდნავ თემიდან გადახვევა გამოგვივიდეს, მაგრამ არ გვინდა უყურადღებოდ დავტოვოთ ციტირებული წერილის ის ნაწილი, რომელიც გაბრიელ ეპისკოპოსს (ქიქოძე) ეხება:

„ლვთივ განსვენებული ყოვლად სამღვდელო გაბრიელი, – ეს დაუძინებელი მუშაკი, მუდამ თვალყურს ადევნებდა სვანეთსა და ბევრი კეთილი საქმე დანერგა მათმა მეუფებამ აქ. კიდევ ბევრს გააკეთებდა, რომ, ჩვენდა საუბედუროდ სვანეთი ლეჩხუმითურთ გურია-სამეგრელოს ეპარქიისათვის არ მიეწერათ. მაგრამ ყოვლად სამღვდელო გაბრიელი ამ დროსაც არ სტოვებდა უნუგეშოდ სვანეთის სამღვდელოებას, როგორ იქნებოდა, რომ სვანეთიდან მღვდელი წასულიყო იმერეთ-სამეგრელოსაკენ და პირველად გაბრიელი – მოწყალე და მჭევრმეტყველი მწყემსთ-მთავარი არ ენახა? ყველას თითქო საღმთო მოვალეობად ჰქონდა

სვანეთში, ლეჩხუმისაკენ გადავიდნენ, სადაც ისინი ნაკლებად უჩივიან ბედს და კმაყოფილნი არიან.“

წერილი მნიშვნელოვანია იმით, რომ იგი მიზნად ისახავს მღვდლების მატერიალური მდგომარეობის გაუმჯობესებას, რათა სვანეთის ისედაც მკაცრ პირობებში მოხდეს სულიერი მწყემსების ადგილზე დაკავება და რომ მღვდელი ამავე დროს შედარებით თავისუფალი იყოს მატერიალური სარჩოს მოპოვებისგან, რაც მას საშუალებას მისცემს „ხალხს ესაუბროს და რიგიანად დამწყემსოს იგი“. ყურადღებას იქცევს წერილის კვალიფიციური ხასიათი, ეკონომიკური გათვლები და დასკვნების მკაცრი დასაბუთება.

ნათქვამის დასტურად მოვიყვანთ მცირე ამონარიდს აღნიშნული წერილიდან:

„ეხლა ვნახოთ თუ რა ზარჯი აქვს სვანეთში მღვდელსა, – ამ შორეულ ქვეყანაში, სადაც შორითგან მოსატანი და საყიდელია ყველაფერი. ვსთქვათ მღვდელის ოჯახი ორთა შუა რიცხვით შესდგება ექვსი სულისაგან. თითო სულზე ავიღოთ წელიწადში ოც-ოცი ფუთი პური (ჯარისკაცს, რომელსაც სტუმარი არ აწუხებს, ეძლევა 22 ფუთი), აქედან (20x6) 120 ფუთი პური მოუნდება მთელს ოჯახს წელიწადში. რადგან ადგილობრივ სვანეთში პური ძნელი საშოვარია, ამიტომ აქაური სამღვდელოება პურს რაჭა-ლეჩხუმიდან ეზიდება, სადაც ფუთი პური ღირს ექვსი აბაზი. ამ სახით პურში წავა 144 მანეთი. ეხლა პურის გადმოსატანად მოუნდება ოცი ცხენი, ცხენის ქირა პატრონითურთ 8 მან. (ზოგან 10 მან.). სჩანს, რომ 120 ფუთი პურის გადმოტანაში წავა 160 მანეთი და ეს ფული რომ პურის ფასს – 144 მანეთს მივუმატოთ, გამოვა 304 მანეთი.

დანარჩენი ზარჯი: ტანისამოსი, ფეხსაცმელი, ჩაი-შაქარი, ღვინო, რომელიც ჩვენთვის ხილს შეადგენენ, ხორცი, ყველი და სხვა საზოგადოდ აღვნიშნოთ 360 მანეთი, ზემოხსენებული ფულითურთ გამოვა (304+360) 664 მანეთი. რადგან სვანეთში ზამთარი გრძელია

უთუოდ უნდა ქუთაისში ჩამოსულიყო, რადგან სხვა გზა არა ჰქონდა, და მერე გამგზავრებულიყო ფოთს. ამაზედ უარესი დასჯა-ლა შეიძლება?

სამეგრელო სამეგრელოა და სოხუმ-ბათუმი ხომ უფრო დაშორებულია სვანეთზედ... (იყო მოსაზრება, რომ სვანეთი დაქვემდებარებოდა ბათუმის ან სოხუმის ეპარქიას – თ. ლ.). მაშ რა საჭიროა, რომ სვანს ზედმეტი გზა ვათელვინოთ და ეხლა ჯანსაღი სიცოცხლე შეუუძოკლოთ?“ – დასძენს ივ. მარგიანი.

სვანეთის ეკლესიის სტრუქტურული დაქვემდებარების კონტექსტში ივანე მარგიანს არანაკლებ მნიშვნელოვნად მიაჩნდა სვანეთის საეკლესიო მოსამსახურეთა შვილებისათვის ქუთაისის სასწავლებელში შეღავათიან პირობებში განათლების მიღების შესაძლებლობა. გურია-სამეგრელოს ეპარქიის სტრუქტურაში სვანეთის ყოფნის პირობებში „სვანი დარწმუნებული იყო, რომ დღეს თუ ხვალ მისი შვილი სამეგრელოში ყოფნით სიცოცხლეს დაკარგავდა (ივანე მარგიანს წერილში მოჰყავს აქაური ჰავისადმი სვანების შეუგუებლობის მაგალითები – თ. ლ.), ამიტომ არჩია ისევ ქუთაისი ან სულ უსწავლელოდ დარჩენა, მაგრამ ქუთაისში ცალკე სასწავლებლის ქირა, ცალკე შენახვა – ყოველივე ეს ზედმეტ ბარგად დაედო და ამიტომ იძულებული შეიქნა, ისევ უსწავლელოდ დაერჩინა ბავშვი. ამიტომაც იყო, რომ ბევრმა საეკლესიო მოსამსახურეთაგანმა (სხვებმაც) კედარ შეძლო ბავშვების გამოზრდა.“

ივანე მარგიანის წერილების სერია „ვინ იყვნენ „ბაპ“-ები, ანუ „ბაპ“-ები?“ [15, 28] შეიძლება განვიხილოთ, როგორც მადლიერების გამოხატვა იმ მოძღვართადმი, რომლებმაც სვანეთის იზოლაციის და ძნელებლობის პირობებში მოსახლეობის სულიერებაზე ზრუნვა იტვირთეს და გადაარჩინეს ქრისტიანული რელიგია ამ რეგიონში. აღნიშნულ წერილებს, გარდა ამისა, ეთნოგრაფიული მნიშვნელობაც აქვს, რადგან აქ აღწერილია იმდროინდელ სვანეთში გავრცელებული საეკლესიო რიტუალები.

დადგენილი ენახა ყოვლად სამღვდლო და ლოცვა-კურთხევა მიეღო მისგან... ის კურთხეულიც, თითქო ზეციდგან რომ ეხარაო, ისე მიიღებდა სვანეთის მღვდლებს, რომ მის სიხარულს საზღვარი არა ჰქონდა. მისი ტკბილი სიტყვები, ნუგეში და დარიგება ისე ამხნევებდა საწყალს მღვდლებს, რომ თავი უბედნიერეს ადამიანებად მიაჩნდათ. მე თვითონ ვიცი მღვდელი სვანთაგანი, რომელიც სვანეთის გურია-სამეგრელოს ეპარქიაში გადარიცხვის შემდეგ, არც ერთხელ არ ჩასულა ახალს მწყემს-მთავართან. მან ვალად გაიხადა რამოდენიმე წლის განმავლობაში ერთხელ მაინც ენახა ყოვლად სამღვდლო გაბრიელი, მიეღო ლოცვა-კურთხევა და თავისი ვალი შეესრულებინა. მას მეტი არა უნდოდა-რა!..

შემდეგ სვანეთი ისევ იმერეთის ეპარქიას მიაწერეს, მაგრამ საღავათის მიცემის მაგიერ მეტი ბევარა დაადევს აქაურ სამღვდელოებას. ეხლა გვაქვს იმედი, რომ სვანეთის სამღვდელოებას ჯეროვანი ყურადღება მიექცევა, რადგან ნიჭიერი და სამართლიანი მღვდელ-მთავარის გაბრიელის შემდეგ იმერეთის კათედრაზედ ვხედავთ ისევ ნიჭიერსა და ღირსეულს მწყემს-მთავარს, ყოვლად სამღვდლო ლეონიდსა.“

ივანე მარგიანი გულგრილი არ დარჩენილა არც საქართველოს მართლმადიდებელი ეკლესიის სტრუქტურული მოწყობის საკითხისადმი. უგზოობის და სვანეთის გეოგრაფიული მდებარეობის გათვალისწინებით იგი ამტკიცებს სვანეთის იმერეთის ეპარქიისადმი დაქვემდებარების აუცილებლობას. ამ თემას ეხება მისი წერილი სათაურით „სვანეთის იმერეთის ეპარქიიდან დაშორების გამო“ [22]. წერილის ავტორი „სატანჯველ“ და „დამღუპველ“ დროს უწოდებს იმ პერიოდს, როდესაც სვანეთი გურია-სამეგრელოს ეპარქიას ეკუთვნოდა.

„ეხლა ვიკითხოთ, თუ როგორი კავშირი, ანუ მიმოსვლა იყო მწყემსთ-მთავრისა და იმის სამწყსოს შორის. სვანის მღვდელს (ვინდა სხვას) ეპისკოპოსის ნახვა რომ ნდომოდა, პირველად

და, არეულობა, კაცის კვლა, სისხლის ალება და ძალადობა ჩვეულებრივი მოვლენა იყო.“ როგორც ივ. მარგიანის წერილიდან ირკვევა, ადრე ცაგერის და ცაიშის ეპისკოპოსები უზავნიდნენ სვანეთს ნაკურთხ მღვდლებს, რომელთაც პაპები ამზადებდნენ, როგორც შევირდებს („დიკნარ“). „როდესაც პაპა მოხუცდებოდა და შევირდი გაიწვრთნებოდა, ამ უკანასკნელს აგზავნიდა ეპისკოპოსთან ცაგერს ან ცაიშს, რომელიც ხელდასმულს აბრუნებდა სვანეთში. შემდგომში პაპებმა თვითონ მიითვისეს კურთხევის უფლება, თავისი შეხედულებით ხელს ასხამდნენ ‘დიაკვნებს’ პაპებად და ეკლესიასაც თვითონ განაგებდნენ. ‘ბაპ’-ები და ‘პაპ’-ები ჩაცმულობით არ განსხვავდებოდნენ რიგითი სვანებისგან. ტყავის სარტყელს ადგილობრივი ხელობის ხანჯალი ამძიმებდა, ბეჭზე კი კაჟის თოფი ეკიდა. სხვა ხნავდა, პაპაცა ხნავდა, სხვა ომობდა, პაპაც ომობდა და წინ უძღოდა ლაშქარსა. ამავე დროს ის კიდევ მღვდელობდა, თუ შეიძლება ასე ითქვას... მასში თქვენ ნახავდით ისეთს ძალას, რომელიც ხალხს პატივისცემას და სიყვარულს აგრძნობინებდა. აი ამ ‘პაპებმა’ დაიცვეს საქართველოში ქრისტიანობა მოსპობისაგან და ხელი შეუშალეს მაჰმადიანობის გამეფებას, გამოსტაცეს ხელთაგან მაჰმადიანებს წმ. ძვირფასი ხატები და ნივთი, რომელთაც ჩვენ ეხლა თვალწინა ვსაობთ. ამით ხალხს დაუფასებელი სამსახური გაუწიეს. პაპების ყოფა-ცხოვრებაში ბევრი რამ ღირშესანიშნავია, მეტადრე საინტერესოა წირვა-ლოცვის, ნათვლის, გვირგვინის კურთხევისა და სხვა საიდუმლოების წესრიგი და მათი აღსრულება.“

პაპების თემას ივანე მარგიანი უბრუნდება სტატიაში „ისტორიული და გეოგრაფიული აღწერა სვანეთისა“ [16], სადაც სვანების ქრისტიანობისადმი ერთგულების შესახებ ასე მოგვითხრობს: „სვანს თავი უძველეს ქრისტიანად მიაჩნია, თავისი ღმერთი კი უმაღლეს ღმერთად, რადგან მისი ღმერთი, როგორც თვითონ, ისე მაღლა სუფევს!.. ამიტომ ადვილი წარმოსადგენია, რომ იგი სხვა სარწმუნოების კაცს კარგის თვალით არ შეხედავს. სვანი სჯუ-

„ყველამ ვიცით, რომ ჩვენმა მხარემ ბევრი განსაცდელი გამოიარა, მეტადრე სარწმუნოების მხრივ. მუდამ მტრების შემოსევა და ქვეყნის განადგურება ხელს უშლიდა წინსვლას... წინსვლა რა იყო, მაჰმადიანობა მძლავრდებოდა და ეს ხომ წინ არავის გაუშვებს. ამას ზედ დაემატა შინაური უთანხმოება, შური და სიძულვილი ურთიერთს შორის, ყველაფერს თავისი დიდი დასხვეს მტრებმა, სადაც კი ადვილად მისწვდებოდნენ, ყველგან ძალდატანებით შემოჰქონდათ თავიანთი სარწმუნოება, ზნე და ჩვეულება; ეკლესიებს ჰრყვნიდნენ და წმინდა ნივთებისაგან ძარცვავდნენ. მთლად გასცლიდნენ მათ ძვირფას ხატებისა და ნივთებისაგან, რომ მოშორებული ჩვენნი მეზობელნი არა, — ერთიანად აღმოფხვრიდნენ ქრისტეს სარწმუნოებას და ყველგან მაჰმადიანობას დანერგავდნენ, რომ ისევ ის მეზობლები არა, რომელთაც მიაწოდეს დასაცველად მისმა თანამოძმეებმა მრავალი ძვირფასი ხატი, ჯვარი და ნივთიულობა! — ვინ იყვნენ და ვინ არიან ეს მეზობელნი? ესენი არიან ჩვენი თანამოძმეები გვარტომობით და სარწმუნოებით: სვანნი, ფშავ-ხევსურნი, და სხვა მთიულნი ხალხნი და მათი მოძღვარნი, უკეთ რომა ესთქვათ მათი ‘პაპები’ და ‘დეკანოზები’“

„ბაპ“-ების (ზედა ხევში, ანუ თავისუფალ სვანეთში) და „პაპ“-ების (ქვედა ხევში) ინსტიტუტის ჩამოყალიბების ისტორიას ივანე მარგიანი შემდეგნაირად აღწერს:

„სვანეთი მოგეხსენებათ, უგზო-უკვლო ქვეყანაა, ძველად მაინც მეტად მიუდგომელი იყო. იგი შეადგენდა საქართველოს სამეფოს ნაწილს და თუ ხშირად თავისუფლების დროშას ატარებდა, — ეს სვანთა მხნეობის და იმ არეულობის გამო, რომელიც თითქმის მუდამ ჟამ სუფევდა ჩვენში (საქართველოში — თ. ლ.). სვანეთსაც ისეთივე მღვდელნი ჰყავდა იმავე დროს, როგორც დანარჩენებს, მაგრამ ისევ იმ განსაკუთრებულმა პირობებმა სვანეთი თითქმის განაცალკევა სხვებისაგან და რამდენიმე ხანს თავისუფლების დროშა მიანიჭა... გამოიყენა თუ არა ეს დრო სვანეთმა? ეს კია, რომ იგი უკან ჩამორჩა სხვებს: სარწმუნოება სიბნელით იმოსებო-

ივანე მარგიანი გვერდს არ უვლის სამღვდელოების ერთი ნაწილის ზნეობრივი დეგრადაციის პრობლემასაც. „მღვდელი“-ს ფსევდონიმით გამოქვეყნებულ სტატიაში „წერილი ლეჩხუმიდან“ [24] იგი მწვავედ აკრიტიკებს ზოგიერთი „სასულიერო პირის“ უზნეობას. სინანულით ლაპარაკობს იმის შესახებ, რომ „მართალია გვეყანან ფაქიზი მოძღვარნი, მაგრამ ცოტანი და მათი კეთილი აზრი აძლენს ურწმუნოებასთან იხუთება, კვდება... ერთი მღვდელი მეორეს ადგილს ეცილება (მრევლს) და ხალხს უჯანყებს, ამისთვის ფულსაც ხარჯავს. მეორეს სხვისი სიკეთე ეხარბება და სცდილობს წაახდინოს... ამას წინეთ ერთს უკადრის სამღვდელოების დამახასიათებელს გარემოებასა ჰქონდა ადგილი ჩვენ კურთხეულ მაზრაში. რამდენიმე დიდების მოყვარე და ბლაღოჩინობის მძებნელმა ჯერ ურიის ღუქანში და მერმე ღვინის სარდაფში მიტინგისებური შეკრებილობა გამართეს, თან სხვა მღვდლებიც მიიზიდეს. შეიქნა სმა, რომლის დროსაც ბევრი საგულისხმო სიტყვები წარმოითქვა. ერთი შეზარხოშებული მღვდელი ამბობდა: მე ბედენიკზე არ წარმადგინა ბლაღოჩინმა და ის არ მინდა ბლაღოჩინადო. მეორე გაიძახოდა: ყველაფერი მაგას აქვს, ნაბლი-უდატელობა, ბლაღოჩინობა, გამომძიებლობა, ზაკონოუჩიტელობა, სუდში ეგ აფიცებს, კიდევ რამდენი, ჩვენ კი არაფერი? შემოსულ კაცს უნდა ჰქონდეს ყოველივე თანამდებობა და ჩვენ აქაურებს-კი არაფერიო. მესამე ღალატებდა: მე თუმცა მისი წარდგინებით ჯილდო მომცეს, მაგრამ ეხლა დეკანოზობაზე აღარ წარმადგინა და ვინც დეკანოზობას მომცემს, იმას აღვირჩევ ბლაღოჩინადო, მეოთხე ძალზე გასძახოდა: ჩემმა შვილიშვილმა ეკლესია გატეხა და ბლაღოჩინი რომ არა, პოლიცია ვერ დაიჭირავდა მასო! მეხუთე მღვდელი გაჰკიოდა: მღვდელი მიჩიოდა ფულებსა და ბლაღოჩინმა ეპისკოპოსს ჩემი თავი დააშტრაფინაო. მეექვსე ბანს აძლევდა: გამომძიების დროს ბლაღოჩინმა მხარი არ დამიჭირა, ეგ ხალხს უფრო ესარჩლება და რათ მინდა მაგისთანა ბლაღოჩინიო; მეშვიდეც გაიძახოდა: სათქმელი რაც აქვს ჩვენ ბლაღოჩინს, პირში

ლის მხრით თავის თავს წინ აყენებს იმერელსა და მეგრელზედაც.“ რაც შეეხება სვანეთში ქრისტიანული რელიგიის გავრცელების ისტორიას, ქართველ მემკვიდრეებზე დაყრდნობით ივანე მარგიანი წერს, რომ „ქრისტეს ამაღლების შემდეგ ანდრია მოციქული სიმონ კანანელთან ერთად და სხვა მოწაფეებითურთ, რომელთა რიცხვში მატათაც იხსენიება, ჰქადაგებს ქრისტიანობას მესხეთსა და აფხაზეთში, აქედან მიდის სვანეთში, რომელსაც ქალი მართავს და რომელიც ქრისტიანობას იღებს. მატათა და სხვა მოწაფენი რჩებიან სვანეთში, ანდრია კი სხვა მოწაფეებითურთ მიდის ოსეთისკენ“ [12].

ქართული ეკლესიის მრევლზე ზრუნვით შეწყუბებული ივანე მარგიანი კავკასიონის ქედგალმა მცხოვრებ მაჰმადიან მეზობლებთან სვანების სავაჭრო ურთიერთობაზე წერს: „ეს არის მიზეზი იმისი, რომ სვანმა თათრული (იქაური ენა განირჩევა ნამდვილ თათრულიდან) ზედმიწევნით იცის. სამწუხარო მხოლოდ ის არის, რომ ზოგჯერ სვანი ორ-სამ წლობით აძლევს მაჰმადიანს თავის 13-18 წლის ვაჟსა მოჯამადირედ. პატარა სვანი ზედმიწევნით სწავლობს თათრულსა, ერევა იქაურ ზნე-ჩვეულებასა და სულ იცვლება. როდესაც თავის სამშობლოში ბრუნდება, ის სულ უცნობი ხდება; ამპარტავნობს თათრული ენის ცოდნით, ყბედობს, აქებს 'ნაფრაზს' და ეკლესიაზეც აცრუებული აქვს გული. ის არც ქრისტიანთა რიცხვში ურევია, არც მაჰმადიანებში და ამგვარ ადამიანებისაგან კი სიკეთე არა გამოვა რა ცუდის მეტი. უფრო სამწუხარო ის არის, რომ რამდენიმე სვანთაგანი მთლად მოსწყდა მართლმადიდებელ ეკლესიას, მაჰმადიანობა მიიღო და მუდამ იქა სცხოვრობს“ [16].

აღწერს რა ივანე მარგიანი სვანეთის ძნელბედობის პერიოდს, როცა ადგილი ჰქონდა ტყვეების ჩრდილოეთ კავკასიაში გაყიდვას, იგი დასძენს: „მართლაც ამგვარად ბევრი წევრი მოაკლდა მართლმადიდებელ ეკლესიას და ისლამიზმს მიეკუთვნა“ [13].

აქ ყურადღებას იქცევს აგრეთვე იმდროინდელი კომუნიკაციების პირობებისათვის უჩვეულო ოპერატიულობა. ლაჯანელი ბანოვანის წერილის გამოქვეყნებიდან ივანე მარგიანის პასუხის დასტამბვამდე სულ 19 დღეა გასული. არ არის გამორიცხული, რომ ივანე მარგიანი თვით სწევოდა გაზეთის რედაქციას.

საზოგადოების ზნეობრივი ფორმირებისათვის ზრუნვას ემსახურება გაზეთში „შინაური საქმეები“ [27] გამოქვეყნებული ივანე მარგიანის მიერ ხელმოწერილი მაღლობის წერილი სიითურთ იმ სასულიერო პირებისა, რომლებმაც გარკვეული ქველმოქმედება გასწიეს ბაგრატის ტაძრის გარშემო ზღუდის გასაკეთებლად: „მაჰო რედაქტორო! გთხოვთ უმორჩილესად ადგილი დაუთმოთ თქვენს გაზეთში იმ პირთა სიას, რომელთაც გამოიღეს თავისი წვლილი ჩვენი ისტორიული დიდებული ნაშთის, ბაგრატის ტაძრის გარშემო ზღუდის გასაკეთებლად“ (შესაძლოა ამ პიროვნებების აქ ჩამოთვლას გარკვეული მნიშვნელობა ჰქონდეს მათი შთამომავლებისთვის: სამ. დაშნიანი, მ. თაგვაძე, დ. ახვლედიანი, ა. ჩაკვეტაძე, ლ. ირემაძე, დ. ომონაძე, კ. ბურჯანაძე, ა. ჩარკვიანი, ა. კოპალიანი, დ. გორდულაძე, ე. სვანიძე, პ. ახვლედიანი, ანდრია გოლეითიანი, ი. თაგვაძე, ი. ჭაბუკიანი, ტ. დაშნიანი, ე. გოლეითიანი, ვ. თაგვაძე, ი. კოპალიანი, ა. ჩიქოვანი, პ. კოპალიანი, ი. ფრუიძე, ი. ახვლედიანი, ზ. კოპალიანი, ე. სვანიძე, მ. კოპალიანი).

სიტყვამ მოიტანა და საგანგებოდ უნდა შეეჩერდეთ ივ. მარგიანის მიერ ქართული კულტურული მემკვიდრეობის მოვლა-პატრონობისათვის გაწეულ მცირედ სამსახურზე. ამ მხრივ საყურადღებოა ივ. მარგიანის წერილი „დღეს მაინც უნდა ვიფიქროთ რამ ამ ძველ ნაშთების შესაფერად დაცვის შესახებ“ [11], სადაც იგი აღწერს ზატების და საეკლესიო წიგნების შენახვის არასახარბიელო პირობებს და სთავაზობს ადგილობრივ მღვდლებს შეკრიბონ ისინი და შეუქმნან უკეთესი პირობები.

გარდა ამისა, სურვილს გამოთქვამს, რომ ერთ-ერთ ეკლესიასთან დაარსდეს სიძველეთა მუზეუმი. ქართული კულტურული

მოგვაყრის და არ გვეფერება, მოგვეფეროს და გასწორდეს თორემ არ გვინდა ბლალოჩინადაო...“ შემდეგ ივ. მარგიანი გულისტკივლით წერს, რომ ამ კატეგორიის მოძღვართა სასარგებლო საქმეში მონაწილეობაზე დათანხმება შეუძლებელია: „როდესაც ამას წინეთ სამღვდელოებას წინადადება მიეცა ზნეობრივ განმანათლებელ ძმობის წევრად ჩაწერისა, ყველამ დიდის რიხით უარი განაცხადა!! მოდი და გააკეთე რამე ამგვარ სულიერ მოძღვრებთან!..“

ივანე მარგიანი წერილს ასე ამთავრებს:

„ვირჩევთ, სულიერნო მოძღვარნო, პირდაპირ თქვენ დანიშნულებას მოჰკიდოთ მაგრათ ხელი და ინტრიგანობა-საჩივრობას თავი დაანებოთ. არავის ნება არა აქვს უნარმოკლებულს სხვას შეუშალოს ხელი მუშაობაში... დროა შევიგნოთ ეს მცნება“.

წერილის ავტორის (ფსევდონიმი „მღვდელი“) იდენტიურობა ივანე მარგიანთან ეჭვს არ იწვევს, ვინაიდან დუქანში შეკრებილ მოძღვართა გულისწყრომა მიმართულია ცაგერის ოლქის ბლალოჩინისადმი, ანუ ივანე მარგიანისადმი. გარდა ამისა, ერთ-ერთი მღვდლის აღშფოთების საფუძველია ის, რომ „შემოსულ კაცს უნდა ჰქონდეს ყოველივე თანამდებობა და ჩვენ აქაურებს-კი არაფერიო“.

თვით ივანე მარგიანი, როგორც ჩანს, საკმაოდ უფრთხილდებოდა თავის რენომეს და ოდნავ გადაბრუნებულ სიტყვას ან მინიშნებას უმაღვე ეხმაურებოდა. ამის დამადასტურებელია ივ. მარგიანის მიერ გაზეთში „ცნობის ფურცელი“ გამოქვეყნებული რეპლიკა [18] ლაჯანელი ბანოვანის წერილზე. რეპლიკა სათაურით „წერილი რედაქციისადმი“ ეხება სოფელ შგედში (ლაშხეთის საზოგადოება) ახალი ეკლესიის აგებასთან დაკავშირებით ლაჯანელი ბანოვანის (დესპინე გელოვანი) მიერ ქარაგმულად ნათქვამ სიტყვას – „ამ ბოლო დროს თავი იჩინა რაღაცამ...“ [49]. ბლ. მღვდელი ივანე მარგიანი სთხოვს წერილის ავტორს განმარტოს ეს „რაღაც“, რადგან იგი „ეჭვსა ჰბადებს მკითხველში და ამ ეჭვს შეუძლია ჩირქი წამცხოს მე, როგორც საქმის სათავეში მდგომს ადგილობითს კეთილმოწყესს.“

როგორც ალ. ხახანაშვილისადმი გაგზავნილ მეორე წერილიდან ირკვევა ეპისკოპოს დიმიტრის* მამა იოანე ამგვარი საქმიანობისათვის დაუტუქსავს კიდეც: „იმ ხელნაწერების შესახებ, რომლებიც მე შეეწირე წერა-კითხვის გამავრცელებელ საზოგადოებას, ეპისკოპოს დიმიტრიმ კანტორის 'უკაზით' პასუხი მომთხოვა — ვინ მოგცა შენ ეგ ხელნაწერებიო“.

ვინ იცის, რომ არა ეს ფაქტი, კიდეც რამდენი ხელნაწერი გადაურჩებოდა მოუვლულობის გამო განადგურებას? არადა, ჯერ კიდევ 1901 წელს ივანე მარგიანი წერდა, რომ „ყოველივე ეს ძველი ნაშთი შესაფერად არ არიან დაცულნი... მრავალი მათგანი დაიკარგება [11]. ეს ძვირფასი ხატები და წიგნები გაფანტულნი არიან სხვადასხვა ეკლესიებსა, კოშკებსა და სახლებში, სადაც მათ თვალყურს არავინ არ აღევნებს. ეს ძველი ნაშთი გაფუჭებულინი არიან მტერის, კვამლისაგან და ყოველივე უწმინდურებისაგან. ავიღოთ, მაგალითად ს. დოლი ბეროს მრევლში, სადაც ერთს კოშკში დიდი ხნიდან ინახებოდნენ ხატები და წიგნები, ეს კოშკი ამ რამოდენიმე ხნის წინათ ჩანგრეულა (სახურავი მისი ზედა ნაწილით). კოშკის ნანგრევებს რამოდენიმე ხატი ქვეშ მოუტანია, რამოდენიმე დაუვლეჯ-დაუფლეთია და მიწასთან გაუსწორებია. ამ ხატებში შესანიშნავია ხვთის მშობლის ხატი ბერძნული და ხუცური წარწერებით. ხატი მორთულია სხვადასხვაგვარი ძვირფასი თვლებით, რომლების უმეტესი ნაწილი დაკარგულია... წმინდანების ნაწილები გამოცვინულან და დაკარგულან. მხოლოდ რამდენიმე ნაწილი სანთელზედ მიკრული მოვსძებნე მიწაში და ისევ შიგ ჩავასვენე... დანარჩენები კი სამუდამოდ

* ეს უნდა იყოს საქართველოდან ხალხის მიერ გაძევებული (ფოთიდან 1904 წელს გაქცეული) ეპისკოპოსი დიმიტრი აბაშიძე. „იგი იყო მოწინააღმდეგე საქართველოს ეკლესიის ავტოკეფალიისა და მტერი ყოველგვარი ქართულისა, რის გამოც კირიონმა 'რძე-ნაწყენი დიმიტრი' უწოდა, ანუ დედის ბუძუს შემბლაღველი“ [51].

მემკვიდრეობის შენახვისა და პოპულარიზაციისთვის ზრუნვის დამადასტურებლად შეიძლება მოვიყვანოთ ივ. მარგიანის წერილები, გაგზავნილი პროფ. ალ. ხახანაშვილისადმი (კორნელი კეკელიძის ხელნაწერთა ინსტიტუტი, ალ. ხახანაშვილის ფონდი №524, №525), საიდანაც ირკვევა, რომ მას საქართველოს წერა-კითხვის გამავრცელებელი საზოგადოებისათვის და პირადად ალ. ხახანაშვილისათვის გაუგზავნია ძველი ქართული ტყავზე შესრულებული ხელნაწერები:

„მოწყალეო ხელმწიფევე ალექსანდრე სოლომონის ძე!“

პირველად სიმდაბლით მოვიკითხავთ. ბოდიშს ვიხდი, რომ აქამდისინ ვერ შევასრულე თქვენი დავალება. რაც შეეხება ტყავზედ დაწერილს წიგნს, რომლის გაგზავნაცა თქვენთან მთხოვეთ, იგი ჩემ მიერ იქნა გაგზავნილი წერა-კითხვის გამავრცელებელ საზოგადოებაში და თანა ვსთხოვე, რომ იქიდან თქვენთვის გამოეგზავნათ. გაახლებთ სახარების სიტყვების სიას, რომლებიც ეხლაც იხმარება სვანურს ენაში (?) და აგრეთვე წარწერებს 1) ს. საყდრის ხატზედ და 2) ს. ფაყის ხატზე.

სვანური ენის (?) გამოსარკვევად, თუ რომელს შტოს ენებისას ეკუთვნის იგი, პირველსავე მოთხოვნილებისამებრ მზათა ვარ მოგაწოდოთ ცნობები, თუ-კი თქვენ შემეკითხებით.

სიმდაბლით ბლალ. მღვდ. ი. მარგიანი

21 ენკენ. 1903 წ.“

ივანე მარგიანის საქმიანობას ხელნაწერების გადარჩენისათვის ეხმაურება გაზეთი „ივერია“ [50]:

„მღვდელი მარგიანისაგან წერა-კით. საზოგადოებას მოუვიდა ექვსი ხელნაწერი, მათ შორის სამი ტყავზე დაწერილი. ეს ხელნაწერები მღვდელს მარგიანს შეუძენია სვანეთში. ტყავზე ნაწერთა შორის ერთი ყველაზე ძვირფასია, რადგან პალიმფსესტს წარმოადგენს. პალიმფსესტი ისეთი წიგნია, ძველად ნაწერს ტყავზე ახალი ტექსტია დაწერილი. სვანეთიდან მოსული პალიმფსესტი მეტად ძვირფასი უნდა იყოს, რადგან ძველი ტექსტიც საკმაოდ ადვილი გასარჩევია.“

თქმა სიყვარული
ყოფნაზე ღმერთზე!

გვიგითხუთ სიყვარული. ფიქრობ
მათი ხეობა მუხრანის მთიანეთში
მათი ვიწრო ფიქრობის სიღრმეში
მათი სიყვარული თუ არა - მუხრან.

მათი სიყვარული უნდა, რომელიც
მეგობრულ ფიქრობის გზაზე, უნდა
რთხილავს ჩვენს "უცხო" მსოფლიო
მშვენიერ - ვინაა მან და მან სიყვარული
უნდა და უნდა.

ყოველთვის ან ფიქრობს რომელიც ნა-
თი ზოგადი უნდა, უნდა იმისა და
მანათობისა და სიყვარული
უნდა და სიყვარული. მანათობის
თიხრა იმისა - უნდა.

მეგობრული ყოველთვის

მეგობრული. ი. მანათობის

მეგობრული: მანათობის.

მეგობრული. მანათობის. სიყვარული

მეგობრული.

დაკარგულან... ბოლოს მოგახერხე და ეს ხატები კომპიუტერით
გადატანილ იქნენ ეკლესიაში. საგულისხმოა, რომ ივანე მარგა-
ნა ეს განახორციელა არა თავის მრევლში. (ჩოლურში), არამედ
ბერძენში. „ამას გარდა, სვანების ზოგიერთ სახლებში, მეტადრე სა-
დაც 'პაპები' სცხოვრობდნენ, ბევრი ტყავზე დაწერილი საეკლე-
სიო წიგნი ფუჭდება მტვრითა და კვამლით. ჩემს მრევლში მე
ვნახე რამოდენიმე ამგვარი წიგნი, სხვათა შორის ერთი სახარება
(ვეთხთავი), რომლის ფურცლები აქა-იქ გაფანტულიყვნენ. ჩემის
ფიქრით, ადგილობრივი მღვდლისათვის არ უნდა იყოს საძნელო,
რომ თავის სამრევლოში შეკრიბოს ამგვარი წიგნები და რიგიანად
მოუაროს. ყველა ხატები (ზოგან მაინც) და წიგნები თითოეულ
სამრევლოში უნდა შეიკრიბოს და შეირიცხოს შტატის ეკლესიაში.
ამის სისრულეში მოყვანისათვის უნდა დაარსდეს კომისია, რომლის
მოვალეობა იქნება, სხვათა შორის, ცნობაში მოყვანა (ანუ ინვენ-
ტარიზაცია - თ. ლ.) სვანეთის ეკლესიების ყოველივე ქონებისა.“

აღბათ არ იქნება ზედმეტი იმის აღნიშვნა, რომ ივანე მარგა-
ნა მეგობრობას უწევდა ლეჩხუმ-სვანეთის ეკლესიებში დაცული სიძ-
ველეების აღწერის მიზნით ექვთიმე თაყაიშვილს მიერ 1910 წელს
ორგანიზებულ ექსპედიციასაც. ამ ექსპედიციის მასალების ამსახ-
ველი წიგნის [42] წინასიტყვაობაში ექვთიმე თაყაიშვილი წერს:
„მაგრამ მანამ ამ მუშაობაზე დავიწყებდეთ საუბარს, ვალად ვრაცხ
ჩემს თავს გულითადი მადლობით მოვიხსენიო ის პირნი, რომელ-
თაც ჩვენ დაგვეხმარნენ, პატივი გვცეს და ხელი შეგვიწყვეს
ჩვენი მოგზაურობის დროს. ლეჩხუმში დიდი სამსახური გაგვიწია
ლეჩხუმის ბლალჩინმა მარგაინმა, რომელმაც მიგვიღო თავის
ოჯახში ცაგერში და იქიდან თავისხლებლით მოგვარონია უმეტე-
სი ნაწილი ლეჩხუმის ეკლესიებისა...“ (გვ. 8).

საჭიროდ მიგვაჩნია აღვნიშნოთ, რომ ჩვენს მიერ მოტანილი
მასალები ივანე მარგაინის მრავალმხრივი და ნაყოფიერი სასული-
ერო მოღვაწეობის შესახებ მოიცავს 1900-1912 წლებს, ანუ სულ
13 წელიწადს (თუ არ ჩავთვლით მწირ ინფორმაციას 1917 და

ივანე მარგიანი ერთიანი ქართული თვითშეგნების შესახებ

„წმიდაო მთავარანგელოზო მუხერისაო...
ადიდენ ბაგრატიონიანი, დადიანი და
დიდებულნი და ერთობილი საქართველო
და ერთობილნი სანნი და ხევი ლატალისა...“

წარწერა სოფელ ლაპილის (ლატალის თემი)
წმიდა გიორგის ეკლესიის მიქაელ მთავარ-ან-
გელოზის ხატზე, XIII-XIV ს.

საყოველთაოდ ცნობილია, ქართული მართლმადიდებელი ეკლესიის უდიდესი როლი საქართველოში ერთიანი ქართული ცნობიერების შენარჩუნებასა და განმტკიცების თვალსაზრისით. ამ დიდ ეროვნულ საქმეში თავიანთი წვლილი შეიტანეს კონკრეტულმა პიროვნებებმა, რომელთა მოღვაწეობის გაშუქება და გახსენება, ჩვენი აზრით, სასიკეთოდ წაადგება ქვეყანას. ამით გაგრძელდება მათ მიერ სიცოცხლეში ნაკეთები საქმე დღესაც, როცა ისინი მარადიულ სასუფეველში იმყოფებიან. მათი დიდი ეროვნული საქმეების წარმოჩენა დღეს განსაკუთრებით აქტუალურია საქართველოს ამჟამინდელი პოლიტიკური ვითარების გამო [52, 53].

ლაშხეთის (ქვემო სვანეთი) და ცაგერის ოლქის კეთილმოწყობის (ბლადოჩინის) ივანე მარგიანის ცხოვრება და მის მიერ ქართულ ჟურნალ-გაზეთებში 1891-1904 და 1911-12 წლებში გამოქვეყნებული წერილები ნათლად გვიჩვენებს, რომ მას ღრმად ჰქონდა გაცნობიერებული ქართველურ ენობრივ სივრცეში ქართულთა დედაენის – ქართულისა და ქართველური კილოების

1920 წლებში მამა იოანეს საქართველოს სამოციქულო ეკლესიის კრებებში მონაწილეობის შესახებ). უფრო გვიანდელი მასალები არ არის გამოკვლეული. არ არის ზუსტად ცნობილი რომელ წელს აუკრძალეს ივ. მარგიანს ღვთისმსახურება ე. წ. „კომსომოლებმა“.



ქვემო სვანეთი. სოფ. შვედის ეკლესია – ერთ-ერთი იმ ოთხ ეკლესიათაგან, რომლებიც აშენდა იოანე მარგიანის ქვემო სვანეთის კეთილმოწყობის პერიოდში (ერმაკოვის ფოტო, 1910 წ., დაცულია ხელნაწერთა ეროვნულ ცენტრში).

დასასრულ, მოვიყვანთ მცირე ამონარიდს ისტორიის მეცნიერებათა დოქტორის როზეტა გუჯეჯიანის სტატიიდან [52]: „ამრიგად, ივანე მარგიანს ღირსეული ადგილი უკავია XIX ს.-ის მიწურულისა და XX ს.-ის დასაწყისის ქართველ სასულიერო მოღვაწეთა შორის და უთუოდ, საჭიროა, მისი სახელი ფართო საზოგადოებისთვისაც გახდეს ცნობილი.“

ორი წლის შემდეგ თავის მორიგ კორესპონდენციაში [2] ივანე მარგიანი წერს: „ამჟამად სვანეთში სამი სკოლაა: ორი ქრისტიანობის გამავრცელებელი საზოგადოების სახელზე, იფარში და მესტიაში, მესამე კი სახელმწიფო – მუჟალში. სამივეში სწავლის საქმე ჯერჯერობით კარგად მიდის, მხოლოდ სამწუხაროდ ის ღაგვრჩენია, რომ უკანასკნელში ქართულს ენას არ ასწავლიან და ამიტომ რუსული ენის სწავლება სვანურის ამარას უძნელდებათ“. ეს უკვე გზავნილი იყო მთავრობისადმი: თუ გინდათ სვანებმა ისწავლონ რუსული, ასწავლეთ მათ ქართული!

გაზეთის „ცნობის ფურცელი“ 1903 წლის 8 იანვრის ნომერში ანონიმური ავტორი, რომლის იდენტურობა ივანე მარგიანთან ეჭვს არ იწვევს, წერს [19]: „მთელს სადადიანო სვანეთში (იგივე ქვემო სვანეთი) ერთის სკოლის მეტი არა აქვს საეპარქიო საბჭოს. ღირეჟციას კი აქვს ორი სკოლა, მაგრამ რად გინდა, ქართულს არ ასწავლიან, თუმცა იგი ყველასათვის საჭიროა, რადგან აქეთ ქართული ყველამ იცის. არავინ არ გამოჩენილა იმისთანა კაცი, რომ ხალხს აუხსნას საქმის გარემოება და კეთილის გზაზე დააყენოს! რატომ შეგნებულნი მაინც არ ზრუნავენ ხალხის ინტერესების დაცვისათვის? ეს ინტერესები ზომ მათიცაა? თუ-კი თავად-აზნაურობის ღირსების დამტკიცებისათვის, რომელსაც მათ არავინ არ წაართმევდა, ასე ბევრს ხარჯავდნენ (ბევრმა თავიც გადააგდო), ეროვნების უფლებებისათვის ორიოდ სიტყვას მაინც რატომ არ ჰხარჯავენ!“. დაგვეთანხმებით, ეს იყო სერიოზული გამოწვევა ან თუნდაც მოწოდება. ზემოთ მოყვანილი კორესპონდენცია გამოქვეყნდა 1903 წლის 8 იანვარს და უკვე 28 მარტს შედგა ლეჩხუმის მაზრის (რომელშიც შედიოდა ქვემო სვანეთიც) თავადაზნაურობის კრება, რომელმაც ლევან დადეშქელიანის წინადადებით აღძრა შუამდგომლობა, რომ „სვანეთს, როგორც საქართველოს ერთ მხარეს, თვით ქართველთ ტომით დასახლებულს, არ მოესპოს პირველს დასაწყის სკოლებში ქართული ენა“ [55].

ერთიანობა და იგი ამ მიმართულებითაც იღწვოდა „ერთობილი საქართველოს“ შენარჩუნებისათვის რუსიფიკაციის უმძიმეს პერიოდში. ივ. მარგიანს სვანეთში მოღვაწე სულიერი მამების ერთ-ერთ მნიშვნელოვან მისიად მიაჩნდა – სვანური და ქართული ენების, სვანების და ქართველების გვარტომობის ერთიანობის მყარი საფუძვლის შექმნა ერთიანი საქართველოს განმტკიცებისათვის. ქართულ ისტორიოგრაფიაში ამ თემასთან დაკავშირებით ივანე მარგიანის წვლილის შესახებ აღნიშნულია გ. ავალიანის, გ. ზურაბიანის წიგნში [36] და გ. გასვიანის წერილში [54], ხოლო განსაკუთრებით ფართოდ გაშუქდა იგი რ. გუგუჯიანის ზემოთ ციტირებულ პუბლიკაციებში [52, 53].

ივანე მარგიანს კარგად ჰქონდა შეგნებული, რომ სვანეთის მოსახლეობის ერთიანი ქართული ცნობიერების შენარჩუნება-განმტკიცებაში გადამწყვეტი მნიშვნელობა ჰქონდა სვანეთის სკოლებში ქართული ენის სწავლებას.

ჯერ კიდევ 19 წლის ჭაბუკი 1891 წელს სვანეთიდან სიხარულით ატყობინებს გაზეთს „ივერია“ [1]: „ამჟამად ჩვენში ერთი დიდად სასიამოვნო ამბავი მოხდა: აქ დაარსდა ორკლასიანი სასწავლებელი. ეს სასწავლებელი თავისი ხარჯით ააშენა მულაჩის საზოგადოებამ... რომელიც შედგება ცხრა პატარ-პატარა სოფლისაგან... მოწაფეების რიცხვი ლამის სამოცს აღემატოს“ – განაგრძობს ავტორი და სინანულით აღნიშნავს, რომ ყმაწვილებს ქართულ ენას არ ასწავლიანო. „დიდს მადლობას ვუძღვნით იმათ, ვინც ჩვენი სასწავლებლის დაარსებისათვის იზრუნა. უფრო დიდ მადლობას იმას ვუძღვნით, ვინც, ჯერ ერთი ქართულის ენის სწავლას არ მოგვაკლებს და მეორე, გზების გაკეთებას იკისრებს“ – ამთავრებს თავის წერილს ივანე მარგიანი.

* სასწავლებლის დაარსების ერთ-ერთი ინიციატორი იყო ივანე მარგიანის მამა, დეკანოზი გიორგი მარგიანი, რისთვისაც მეფის მთავრობამ იგი დააჯილდოვა წმინდა ანას ორდენით.

ზედ უცხო ენად ეჩვენება კაცს, თითქმის ქართული ენაა. სამი მეოთხედი სვანური სიტყვებისა ნამდვილი ქართული სიტყვებია. ამის გარდა სვანურ სოფლებს უმეტეს ნაწილად ქართული სახელები ჰქვიათ. სვანური გვარები ხომ სულ ქართული გვარებია. სვანეთი სავსეა ძველებური საყდრებით, ზატებით, ტყავზე დაწერილი ძველი საღრმთო წიგნებით და სხვა ძვირფასი ნივთებით... რისთვის უნდა ეგ ზავნათ სვანეთში ქართველებს ამდენი სიმდიდრე, თუკი არა სთვლიდნენ სვანებს თავის მონათესავე ხალხად?“ – კითხულობს ავტორი. ივანე მარგიანს მტკიცედ სჯეროდა, რომ დადგებოდა დრო, როცა „სვანებს ყველა აღიარებს ქართველთა ნათესავის ტომად“ და თავად ებრძოდა სვანების ქართული ეროვნული ცნობიერების წინააღმდეგ გაშლილ კამპანიას. ამაზე მეტყველებს 1903 წლის „ივერიაში“ გამოქვეყნებული „ნარკვევი“ [57]: „კავკასიის სამოსწავლო ოლქის სამმართველო, როგორც ჩვენს მკითხველებს მოეხსენება, ცალკე კრებულებს ბეჭდავს კავკასიის ხალხთა ცხოვრების შესახებ. ამ კრებულის X წიგნში დაბეჭდილია წერილი ბ-ნი სტოიანოვისა, რომელიც ამტკიცებს, რომ სვანურს ენას არავითარი დამოკიდებულება არა აქვს ქართულ ენასთანაო. ამის გამო მღვდელი ბლაღოჩინი ივ. მარგიანი ჟურნალ 'მოამბის' ივლისის წიგნში სწერს“ – (აქ სრულად არის გადმობეჭდილი ჟურნალიდან „მოამბე“ ივანე მარგიანის სტატია „ორიოდე სიტყვა სვანური ენის შესახებ“ [21], რომელიც ილიასეული მძაფრი პოლემიკური სტილითაა დაწერილი – თ. ლ.). სტატიის ბოლოში „ნარკვევის“ ავტორი დასძენს: „დასასრულ მამა მარგიანს მოჰყავს ვრცელი ლექსიკონი სვანური სიტყვებისა, ადარებს ქართულ სახალხო და სალიტერატურო სიტყვებს და თვალსაჩინოდ ამტკიცებს, რომ ან სულ ერთი და იგივე სიტყვებია, ან მცირედ შეცვლილი და გადასხვაფერებული, თუმცა ფესვი ერთგვარი აქვთ“. როგორც ვხედავთ, „ივერიის“ რედაქციამ იმდენად აქტუალურად ჩათვალა „მოამბეში“ გამოქვეყნებული ივანე მარგიანის წერილი, რომ იგი სრულად გადმობეჭდა თავისი გაზეთის ფურცლებზე.

ძნელია დაბეჯითებით იმის მტკიცება, რომ თავად-აზნაურთა რეაქცია უშუალოდ უკავშირდება ივანე მარგიანის 1903 წლის იანვრის კორესპონდენციას, მაგრამ ეს ფაქტი, სულ ცოტა, მიუთითებს მოსახლეობის, სასულიერო პირებისა და თავდაზნაურობის ერთიან ქართულ თვითშეგნებაზე. ამას ადასტურებს სევერიან კეკელიძის (კორნელი კეკელიძის ძმა) კორესპონდენცია „ქართული ენის გამოდევნა სვანეთის სამრევლო სკოლებიდან“, რომელსაც „ივერიაში“ პირველი გვერდი დაუთმო („ივერია“, 1905, №39, გვ.1). ჯერ კიდევ სვანეთის სამრევლო სკოლებიდან ქართული ენის სრულ განდევნამდე აქ დაიგზავნა ახალი პროგრამა „ДЛЯ ТОЧНОГО ИСПОЛНЕНИЯ“. ამ დოკუმენტის მიხედვით ქართულ ენას, რომელსაც ავტორის თქმით „წინედ პირველი ადგილი ეჭირა“, დათმობილი ჰქონდა მხოლოდ სამი საათი კვირაში. აღნიშნული პროგრამების ამოქმედების შემდეგ სკოლებში ორი წლის განმავლობაში მოსწავლეთა რაოდენობა საშუალოდ 35-დან 10-მდე შემცირდა. „რამდენიც გნებავთ სთხოვეთ სვანს ახლა, ბავშვი სკოლაში ატარეო, რაც გნებავთ შეჰპირდით – აღარ დაგიჯერებს“ – დასძენს ს. კეკელიძე.

არანაკლებ ყურადღებას უთმობს ივ. მარგიანი სვანების ისტორიულ წარმომადგენლობისა და სვანების ქართველობის მტკიცების საკითხს.

1902 წლის ჟურნალში „მოგზაური“ ივანე მარგიანი წერს [12], რომ XVII-XVIII საუკუნის „მწერალნი ღოსითოსი – იერუსალიმის პატრიარქი, შარდენი, გიულდენშტედტი, კლაპორტი და ღიუბუა დე მონპრე სვანებს საქართველოს მონათესავე ტომად აღიარებენ. უმრავლესი ნაწილი ახალი მწერლებისა-კი არ ეთანხმება ამ აზრს და არც მოჰყავს რაიმე მაგარი საბუთები, რომ მათი სიტყვა დამაჯერებელი იყოს (ამ დასს ეკუთვნის ბ. სტოიანოვი, თუკი ეს პატიოსანი მუშაკი – სვანური ენის მკოდნე(?) ნებას მოგვცემს ჩავსწეროთ იგი მწერალთა რიცხვში)... სვანური ენა, (თუ შეიძლება ასე ვუწოდოთ) რომელიც პირველს ვავიგნებ-

საინტერესოა ივანე მარგიანის მოსაზრება, რომელიც მოტანილია წერილის რუსულ ვარიანტში: „... большая часть сванетских слов – чисто грузинские, а меньшая – ими (сванами) заимствована у других соседних народностей или же являются провинциальными, восходящими к грузинскому же пра-языку. Несмотря на это, некоторые не могут примириться с мыслью о родстве сванов с картвелами и голословно заявляют, что сваны не родственны Грузинскому племени. Особенно прискорбно то, что этого мнения держатся люди, вовсе незнакомые как с грузинским языком, так и равно и сванским наречием. Что сохранило в Сванетии христианство от влияния и давления исламизма, если не славословие бога на нечуждом для них языке?? Какой же чужой для сванов язык мог содействовать распространению истин Евангелия, если не грузинский?!“

რუსების შემოსვლამდე სვანური კილოების ქართულისაგან წარმომავლობა ეჭვქვეშ არავის დაუყენებია. რუსიფიკაციის პირობებში სვანური ცალკე ენად განიხილებოდა. რ. გუჯეჯიანს [52] მიაჩნია, რომ ივანე მარგიანი ერთ-ერთი პირველია მათ შორის, ვინც ეჭვქვეშ დააყენა სვანური კილოკაულების, როგორც ცალკე ენის არსებობის საკითხი. ჩვენ დავუმატებთ, რომ თუ სადმე ივანე მარგიანი ხმარობს შესიტყვებას „სვანური ენა“ მის შემდეგ სვამს კითხვის ნიშანს (?). ასეთი კითხვის ნიშნებია დასმული ალ. ხაზანაშვილისადმი გაგზავნილ წერილშიც, ხოლო სვანური სიმღერისა და ცეკვის ანსამბლის სახელმწიფო ოპერის თეატრში და ერევანში გამოსვლების შეჯამებისას ივ. მარგიანი სვანურ სიმღერებს ძველ ქართულს უწოდებს.

ზოგჯერ ივ. მარგიანი „სვანური ენის“ შემდეგ ფრჩხილებში წერს: „თუ შეიძლება ასე ვუწოდოთ“ ან „რა მოხდა ვუწოდოთ ენა“. მას მიაჩნდა, რომ ქართულიც და სვანურიც წინარე ქართული ენიდან მომდინარეობენ და მათი გენეტიკური კავშირის დასამტკიცებლად მრავალი არგუმენტი მოჰყავს; მაგრამ ვინაიდან

მოვიყვან რამდენიმე ფრაგმენტს ამ წერილიდან: „იგი (სტოიანოვი) არ ერწმუნება არც ბარტლომეის, არც რადდეს, არც ლოლობერიძეს, არც ნადეჟდინს და ამბობს: ბ. ნადეჟდინი საზოგადო ხმით და ბაქრაძის, ლოლობერიძის და მაქს მიულერის გავლენის ძალით ჰფიქრობს, რომ სვანური ენა ერთი ძირისაა ქართულთან... თურმე სვანეთში – მულახელები იგივე მალოროსები! ბოლოს გამოვიდა რაღაც დომხალი, არეული, ჩარეული და ცხრა რჯულა. მართლაც, საიდან უნდა მიხვდეს კაცი სვანური ენის მსგავსებას ქართულთან, როდესაც ბ-ნი სტოიანოვი სიტყვებს სულ ასხვავებებს და რაღაც სხვა ენასა ჰქმნის“ [21].

სვანების ქართველობას ეძღვნება ივანე მარგიანის შემდეგი წერილიც: „რა ენაზედ აღიღებდნენ და აღიღებენ სვანები ღმერთს“ [25]. ივანე მარგიანი კრიტიკის ქარცეცხლში ატარებს სვანების არაქართველობის აპოლოგეტებს – „იმათ ვინც გაიძახის სვანები სულ სხვა ხალხიაო... ნეტავ რითიმე მაინც გვიმტკიცებდნენ თავიანთ აზრსა, მაგრამ რისი აზრი, რისი დამტკიცება! აქ მხოლოდ სხვა აზრი იმალება, რომელსაც მკითხველი ადვილად მიხვდება“ – არაორაზროვნად დასძენს ავტორი. სტატიის ბოლოს ივანე მარგიანს სვანური და ქართული სიტყვების, ღმერთის სადიდებელი გამოთქმების, საეკლესიო დღესასწაულების მრავალი მაგალითი მოჰყავს ერთმანეთთან შესადარებლად, წერილს კი ასე ამთავრებს: „კიდევ ბევრ სიტყვას მოვიყვანდით, მაგრამ, ვგონებ, ესეც საკმარისია, რომ მიხვდეს კაცი, თუ რა ენაზე აღიღებდნენ და ვადიდებთ ღმერთსა ჩვენ, სვანები“.

რუსიფიკაციის აქტიურ პერიოდში სვანების ქართველობის მტკიცება იმდენად მნიშვნელოვნად მიაჩნდა ივანე მარგიანს, რომ იმავე შინაარსის წერილის რუსული ვარიანტი პროფესორ ალ. ხაზანაშვილისათვის გაუგზავნია თხოვნით, რათა იგი რომელიმე რუსულ გაზეთში მოეთავსებინა (საქართველოს ხელნაწერთა ეროვნული ცენტრი. ალ. ხაზანაშვილის ფონდი, №525, №834).

18. იქვე - მოივსე (ხმის გართვა).
 19. სახელო - მოთხრო / ქმნი, სქმნის (ხმის).
 20. ~~საქმე~~ ნიკ-განი-ნიკანი / ნიკ-ნიკი (ხმის).
- (იხილეთ ყუხმარი, შავი V II
ივთხი, 19036)

ქმ-ქმნი სახელო და აქვე სახელო ნიკნიკი
დასაწყისი.
შავი.

წერილის დანართი (დასასრული)

1. ნი-ნი, ნი-რა - ნი-რა; ნი-ნი. ქმნი / ქმნი 9-39.
2. ქმნი - ქმნი / ქმნი.
3. ნიკნი - თვინი, თვინი / ქმნი - 2ნი. 140. 2ნი.
4. სახელო - ქმნი / ქმნი ნიკნი რანდი ქმნი / ქმნი.
5. შიკნი - ქმნი / ქმნი - იხი 110. 72.
6. ქმნი - ქმნი / ქმნი - იხი 110. 282.
7. ქმნი - ქმნი, ქმნი რანდი ქმნი, სახელო ქმნი.
ქმნი ქმნი რანდი ქმნი ქმნი ქმნი ქმნი.
8. ქმნი - ქმნი (ქმნი), ქმნი, ქმნი 110. 172.
9. ქმნი - ქმნი, ქმნი ნი. ქმნი, ქმნი - ქმნი ქმნი.
ქმნი ქმნი ქმნი; ქმნი ქმნი.
10. ქმნი (ქმნი) - ქმნი, ქმნი / ქმნი.
11. ქმნი - ქმნი / ქმნი - ქმნი.
12. ქმნი - ქმნი / ქმნი ქმნი, ქმნი რანდი ქმნი.
ქმნი, ქმნი ქმნი.
13. ქმნი - ქმნი - ქმნი.
14. ქმნი - ქმნი.
15. ქმნი - ქმნი.
16. ქმნი - ქმნი / ქმნი.
17. ქმნი - ქმნი / ქმნი ნიკნი ქმნი / ქმნი.

წერილის დანართი

ნუ სწუხდებით ბ-ნო წერეთელო; ჩვენ გასაგებ ენაზედ ვადიდებთ ღმერთსა, რომელიც ჯერ ჩვენ არ დაგვიკარგავს, ქართული ენა ჩვენთვის ღვიძლი ენაა, გასაგებიცაა და საუკუნეებისაგან ნაკურთხიცაა... ამით შორს ვერ წახვალთ და ვერც ბოქაულობას იშოვით... ბ-ნი წერეთელი, ღღემდის სვანეთის მადლიანი ბუნების სტუმართმოყვარეობით სარგებლობს და დახეთ, როგორ გვიხდის? 'წერეთელ სიკეთიშ მუქაფდ ორგულობ გვაყერ' (წერეთელმა სიკეთის მუქაფდ ორგულობა გვიყო)! დააკვირდი ბ-ნო წერეთელო ამ წინადადებასა და სთქვი: ქართულია თუ არა?" – დასძენს ანონიმი ავტორი. ავტორის ივანე მარგიანთან იდენტურობის დასაბუთებისათვის ბევრი არგუმენტი არსებობს, მაგრამ ერთიც საკმარისად მიგვაჩნია, რაც იმაში მდგომარეობს, რომ „ბლად. მღვდელი ივ. მარგიანი“-თ ხელმოწერილ სხვა სტატიაში („ქართული ლექსიკონის შემუშავების შესახებ“) კვითხულობთ მსგავს წინადადებას „ღღეს სვანი გეტყვის: მუქაფთ სიკეთ მაყრ (მუქაფად სიკეთე მიყავ (რა))“ [30].

ამ წერილში ბევრ საინტერესო მოსაზრებასთან ერთად ერთიანი ქართული ცნობიერების კუთხით ნიშანდობლივია შემდეგი: „ჩვენი ლინგვისტიკა ზომ ძლიერ ღარიბია და ეს ერთის მხრით ჩვენი ლექსიკონის სიღარიბითაც აიხსნება. ფილოლოგიური ნაშრომი ძლიერ ნაკლებად გვაქვს და ამიტომაც არის, რომ ქართველობისაგან განათიშეს გვარ-ტომობით ერთი სვანები, მეგრელები, ინგილოები და სხვები. ნამდვილად კი ესენი ერთი ტომის ხალხია. ერთსა და იმავე ენაზედ საუბრობენ, თუმცა-ღა ვითარების გამო მათი სასაუბრო ენა ერთი მეორეს დაშორებია. ქართული ენა მდიდარია, ჩვენი ლექსიკონი – კი ღარიბია სიტყვებით, რაც ისევ ჩვენი ბრალია. თამამად ვიტყვი, რომ კერძოთ სვანური ენა უშრეტო საღაროა ძველებური ქართულის ენისა და საზოგადოდ ხალხური პოეზია და სასაუბრო ენა სავსეა მარგალიტი სიტყვებით. ჩვენ კიდევ იმას ვიტყვით, რომ საჭიროა ლექსიკონის შევსება ახალ-ახალი სიტყვებით და რომ ამ შემთხვევაში, კერძოდ, სვანური ენა ღიდ დახმარებას გავვიწვევს“.

იგივე ქართულია. მეტს ვიტყვი, სვანური ენა და პოეზია არის საღარო ძველი ქართული ენისა, რადგან აქ ბევრი ქართული სიტყვაა დაცული“ (შევადართო აკადემიკოს შოთა ძიძიგურის მოსაზრება: „უაღრესად ფასეულია ნ. მარის დაკვირვება, რომ სვანური ღიდ შემწეობას იძლევა ქართული საეკლესიო და საერო თხზულებების ძველი ენის გასაგებად“). წერილის ავტორს მიაჩნია, რომ ზოგიერთი მეცნიერი პოლიტიკური კონიუნქტურის გამო „სვანებს თიშავდა ქართველებისაგან“, რათა „მთავრობის მოხელეთა გული მოევით და თავი წარმოჩინებულ ეყოთ...“. „ღღეს ამგვარი გარეწარობით ვერავინ ვერ დაუბნელებს თვალებს ვერც მთავრობას და ვერც საზოგადოებასა, რომელიც ეჭვს გარეშეა, ყოველთვის აფასებდა და აფასებს კიდევ ამგვარ ვაჟბატონთა 'პოლიტიკანობა-გაიძევრობას' და შესაფერ მსჯავრს სდებს. მაგრამ ვაი რომ აშორდიები* ყოველთვის არიან და მეორე გულშემატკივარი (პირველი ჩვენშივე ბუდობს ღიდი ხანია – ჩვენებურია) აშორდია ღღეს, ჩვენ, სვანებსაც გამოგვიჩნდა: რასაც ჩვენ ვერ მივმხვდარვართ და პირველმა სვანელმა აშორდიამ ვერ შესძლო, ის ნაკლი სვანეთის ბოქაულად ნამყოფმა ალექსანდრე წერეთელმა შეავსო: ...სამღვდელოება ქართულს ენაზედ ღვთის მსახურების შესრულებისათვის მთავრობის მოღალატედ დასახა და, სხვათა შორის, პირველ საბრალდებულო მუხლად შემდეგი დასწერა: 'церковная служба совершается на непонятном сванам грузинском языке, которая с таким же успехом могла бы совершаться на русско-славянском.'

* 1891 წლის №21 გაზეთში „ივერია“ მოთავსებულია ღათიკო ვერმიცანაშვილის რეპლიკა: „ჩვენი ცნობილი ლინგვისტი ბ-ნი აშორდია აპირებს გამოსცეს სამეგრელოში მეგრულს ენაზედ მეგრულის ასოებით დაბეჭდილი მეგრული გაზეთი, რომელსაც უნდა უწოდოს 'ნაყოფი უფიცობისა'. გაზეთი ყოველღლიური იქნება და მხოლოდ თითო ცალი გამოვა, რადგანაც გამომცემელი, რედაქტორი, თანამშრომელი და მკითხველი ამ გაზეთისა მარტო თვითონ აშორდია იქნება“.

საპატიმროში იყოს ტუსადი მოქცეული. ამიტომაც სანამ ზამთარი დადგებოდეს ახლო-მახლო სოფლებში გადის სამუშაოდ და ამგვარად პოულობს თავის საზრდოს, ზოგიერთი სხვადასხვა მიზეზის გამო ვერ ასწრებს ზაფხულში სამუშაოდ წასვლას და ზამთრობითაც კიდევ მიდის. დიდი თოვლიანი მთები უნდა გადაიაროს და ამიტომ ბევრჯერ ხდება უბედურება, ამ მგზავრობის დროს ბევრი ხალხი იღუპება. ისეთი საშინელი და უკუღმართი გზებია, რომ ათს სულში ხუთი ძლივს გაატანს სამშვიდობოს, მაღლი არ იქნება, რომ მარტო ზაფხულში კი არა, ყოველთვის შეგვეძლოს აქეთ-იქეთ თავისუფლად სიარული, როგორც სხვა ხალხს? რასაკვირველია, მაღლი იქნებოდა, მაგრამ მზრუნველი რომ არავინა გვყავს? უგზოობისაგან ჩვენსავით არავინ არ იტანჯება. ამ ბოლო ხანებში ცოტა მაინც გვეშველა. ადგილობრივმა ბოქაულმა ბ-მა ივანე ღოღობერიძემ ბრძანება მისცა მამასახლისებს, რომ ხალხი შეეკრიბათ და გზის მუშაობა დაეწყებინებინათ. ეს ამბავი კი იმ გარემოებამ გამოიწვია, რომ ჩვენში მობრძანდებოდა მაზრის უფროსი და რომ უფრო უშიშრად ევლო, გზები უნდა შეესწორებინათ. ეს ბოქაულის ბრძანება აასრულეს ზემო სვანებმა და მშენიერად შეასწორეს გზა ლატფარის მთის იქით მხარეს, ძირიდან წვერამდი. ლატფარის აქეთა მხარეს კი ისევ გაუკეთებელი დარჩა. ნეტავ კელირსებით რომ უშიშრად და თავისუფლად შეგვეძლოს სიარული?”

სამი წლის შემდეგ ივ. მარგიანი კვლავ ეხმიანება გზების პრობლემას [3]: „ყველამ იცის, რა მიყრუებული კუთხეა სვანეთი. ზამთრობით სვანეთში გადასვლა შეუძლებელია, ზაფხულობით კი საშიშია, ამიტომ ადვილი წარმოსადგენია, რომ სვანეთი დღეს ყველაფერს მოკლებული არის: მართლაც, ყურნალ-გაზეთები (სამწუხაროდ, მათ სამიოდე კაცი იწერს მარტო) ორი თვის განმავლობაში ძლივს მოაღწევს ხოლმე ჩვენამდის, ასე რომ მანდაური ძველი ამბავი ჩვენთვის ახალია; წერილის გაგზავნა რომ გვინდოდა, ან უნდა კაცი ვიქირაოთ ან არა და ამისი ზრუნვა სრულიად

მშობლიური კუთხის მოჭირნახულე

როგორც ზემოთ იყო ნათქვამი, ივანე მარგიანმა თავისი პირველი წერილი სვანეთისთვის საჭირობოროტო საკითხებისა და იქაური მოსახლეობის ღუხჭირი პირობების შესახებ 19 წლის ასაკში გამოაქვეყნა [1]. მოგეხსენებათ, ეს ის ასაკია, როდესაც ახალგაზრდების უმრავლესობა ძირითადად გართობა-დროსტარებაზე ფიქრობს და მხოლოდ რჩეულთა ხვედრია, იფიქროს და, რაც მთავარია, იზრუნოს საკუთარ ქვეყანაზე. წერილი მოიცავს სვანეთისათვის საჭირობოროტო მრავალ პრობლემას, რაც ნათლად მეტყველებს, რომ ივანე მარგიანის სახით ქვეყანას და საკუთრივ სვანეთს დაუღალავი მზრუნველი და ქომაგი მოეცლინა. სრულიად ახალგაზრდა კაცმა ზუსტად განსაზღვრა თავისი კუთხის მოსახლეობის უპირველესი სატკივარი, მათი ერთ-ერთი ძირითადი პრობლემა – უგზოობა, და, აქედან გამომდინარე, დანარჩენი სამყაროსაგან მოწყვეტილობა, რაც სვანეთს უმძიმეს მდგომარეობაში ამყოფებდა: „სვანეთი მეტადრე ზემო, როგორც მოგეხსენებათ, მიყრუებული და ღარიბი ქვეყანაა. იგი ოთხივეკუთხით მაღალის მთებით არის შემოზღუდული, რომლებზეც მუდამ თოვლი ძევს და ამიტომ ძლიერი სიცივეც იცის. ზამთარი ჩვენში რვა-ცხრა თვეს გასტანს ხოლმე, ზაფხული სამ თვეს. ამ ცხრა თვის განმავლობაში ჩვენში შინაური საქმეების გარდა, არაფრის მუშაობა არ შეიძლება, რადგან დიდი თოვლი იცის. მაშ უსაქმოდ რა უნდა ხალხს შინ? არაფერი, მაგრამ წასასვლელი გზა რომ არსაით აქვს? ასეა დამწყვედელი ამ ვიწრო ქვეყანაში, თითქოს

ლა სვანეთმა მაგრამ არც ერთმა მათგანმა მისს ძირეულ საჭიროებას, მაგალითად, გზების გაუმჯობესებასა და სხვას არ მიაქცია ყურადღება. იყვნენ კეთილნი, მაგრამ ისინიც მხოლოდ ვიწრო წრეში მოქმედებდნენ. არ შეგვიძლიან, არ მოვიხსენიოთ ახლად გამოძწესებული ჩვენში ბოქაული ს. ლ. დალაქიშვილი, რომლის



სოფ. მუჟალი

მობრძანება ჩვენში უნაყოფოდ არ დარჩენილა. იგი მოსვლისთანავე შეუდგა ახალის გზების გაყვანას. ეს გზები ვაკეა, მოხდენილს ალაგს გაყვანილი, საკმაო სიფართოვე ექმნება. ეტყობა, რომ ბ-ნი დალაქიშვილი ამ საქმეში ძლიერ გამოცდილია... ბოლოს უნდა ვთქვათ, რომ ახალის გზების გაყვანა დიდ სარგებლობას მოუტანს სვანეთს, რომელიც თავის დღეში არ დაივიწყებს ბ-ნის დალაქიშვილის ამაგსა და ყოველთვის მისი კეთილად მხსენებელი იქნება.“

დავუტეოთ. ამიტომაცაა, რომ აქედან ამბებს ძვირად თუ იწერებიან ჟურნალ-გაზეთები. ერთი სიტყვით, უგზოობა ძლიერ გვაწუხებს და არ ვიცით როგორ მოვიქცეთ?... მაგრამ, როგორც შევიტყვეთ, მთავრობას გადაუდვია რამდენიმე ათასი მანეთი სვანეთში გზების გასაყვანად. აღვილად წარმოიდგენთ მკითხველო, რა სიხარულს მივეცით თავი ამ ამბის გაგონებაზე?... დიად, ძალიან გვიხაროდა, მაგრამ ეს სიხარული მწუხარებად გადაგვექცა. როგორც გვეუბნებიან და გვესმის, ზოგიერთს პირებს გზის გაყვანა არასასურველისა და გამოუყენებელის მხრით, ე.ი. ლენხერით (ახლანდელი მესტია-ხაიშის მიმართულება — თ. ლ.) სურთ თურმე და სცდილობენ, ეს სურვილი აღასრულონ. ლენხერით გზის გაყვანის უვარგისობაზე და გამოუყენებლობაზე ამ წერილში ჩვენ არაფერს ვიტყვით; ამ საგნის შესახებ ჩვენ აზრს გამოვსთქვამთ შემდეგ, როდესაც კი დრო ნებას მოგვცემს. აქ კი უნდა ვურჩიოთ იმათ, რომლებსაც ლენხერით გზის გაყვანა სურთ, რომ პირადი ინტერესები უკან დასწიონ და საზოგადო ინტერესებს ემსახურონ.“

მკითხველის ყურადღებას მივაქცევთ იმას, რომ ამ შეგონების ავტორი მიყრუებულ კუთხეში გაზრდილი 23 წლის ჭაბუკია. არსი კი ის არის, რომ ლენხერით გზის გაყვანა იმდროინდელი ტექნიკური შესაძლებლობების პირობებში ნიშნავდა გამოყოფილი მწირი სახსრების უნაყოფოდ ხარჯვას, რადგან მისი მოვლა მუდმივ შრომატევად მომსახურებას მოითხოვდა.

ზემოთ უკვე მოგახსენეთ, რომ ივ. მარგიანის წერილებში გზების თემა გამოკვეთილად პრიორიტეტულია. ერთ-ერთ წერილში [4], იგი საგანგებოდ ეხმაურება სვანეთში ახლად გამწესებული ბოქაულის ს. ლ. დალაქიშვილის ამაგს გზების გაყვანაში. „ყველა იცის, თუ რა მიუდგომელი მხარეა სვანეთი. მთელი რვა თვე ზამთარია და კაცს სვანეთში დაძვრა არ შეუძლიან ადგილიდან, მხოლოდ 3 თვის განმავლობაში თუ ჰნახავს კაცი სვანეთს და სვანი სხვა მახლობელ მხარეს, მაგრამ მაშინაც საძნელოა მოგზაურობა გზების უვარგისობის გამო. რამდენი ბოქაული გამოიცვა-

ლებას რომ ვახსენებ, მკითხველო, ეგებ გაიკვიროვო, მაგრამ ნუ გაგიკვირდება. მე თავისუფალს სვანეთში დავიბადე, ჩემი წინაპარნი თავისუფალნი იყვნენ და ეს რომ გამახსენდა, იმიტომ ვიწყე თავისუფლებაზე ლაპარაკი! სხვა არა იფიქრო რა... ის დრო რომ იყო, აძლენ ბოდიშს არ მოვიხდიდი და ბევრს რამეს ვიტყოდი... მაგრამ ახლა ის დრო აღარ არის და ისევ ისა ვთქვათ, რაც დაკნინებულს ჩვენს ცხოვრებას შეეხება.

არ იქნა და არაფერი ეშველა სვანეთის გზებს. ამ ბოლო დროს რაღაც აღარავინა ჰფიქრობს გზებისათვის; გუბერნატორის მოსვლისათვის შეაკეთეს და მერე კი ისევ ღვთის ანაბარას გაუშვეს. ყველაზე უფრო ცუდი გზები ს. ლენტეხსა და ცაგერს შუაა. ხიდები ხომ სულ უვარგისია. ამის მიუხედავად სვანები მაინც ბლომად მიეშურებიან საენკენებოდ (ბაზრობაზე – თ. ლ.) ცაგერისაკენ, ზოგს მარილი მოაქვს, ზოგს სიმინდი, რომ ზამთარში ოჯახი გამოკვებოს, ზოგს რა და ზოგს კიდევ რა. მართალია, მგზავრობა უმეტეს შემთხვევაში უხიფათოდ არ ჩაივლის ხოლმე, მაგრამ რა უნდა ჰქნან? – დასძენს წერილის ავტორი.

უგზოობის საკითხს ეხება აგრეთვე წერილი „ლეჩხუმ-სვანეთის რამე-რუმე, ისევ უგზოობა...“ [20].

„ისევ უგზოობის შესახებ უნდა ვესაუბრო მკითხველს. აბა სხვა საგანი რომელი ავიღო რომ ლეჩხუმის მაზრას შევეხო კარგი მხრით (სვანეთი ლეჩხუმის მაზრის შემადგენელი ნაწილი იყო – თ. ლ.). არც ერთი კუთხე საქართველოში ისე არ არის შეწუხებული უგზოობით, როგორც ლეჩხუმი. ავდარში აქაურს გზებზედ გავლა არავითარ სულდგმულს არ შეუძლიან უხიფათოდ: ან მთლად ჩაეფლობა კაცი ცხენითურთ ან ტალახში ამოითხუპნება. სანამ კარგად არ მოშრება ტალახი, მანამ ურმის გზა ძნელდება და სოფლიდან სოფელში სიმძიმის ზიდვა შეუძლებელ საქმედ ხდება. სვანეთის გზებზე (ცხენის წყლის პირას) ლაპარაკი სრულიად აღარ ღირს: ან უვარგისს დამპალს ბოგირებს ვერ გადაურჩები ან სახიფათო ბილიკების წერა შეიქმნები, თუ არ

წერილის ავტორს ისიც არ დაუტოვებია უყურადღებოდ, „რომ ზოგიერთმა მამასახლისებმა ბოჭაულის გეგმას არ მისდიეს და ამიტომ გზა ვერ გამოვიდა ზოგან რიგიანი“, მაგრამ აქვე აღნიშნავს გზების გაყვანაში გამორჩეულ მესტიის მამასახლისის მ. მჭედლიანს, რომელმაც „ყველაზე ვაკე, ფართო, ლამაზი, მკვიდრი გზა გაიყვანა“ და რომელიც „სხვა მამასახლისების მხრივ მიბადვის ღირსია.“

მოგვიანებით, როცა ივ. მარგიანი ლაშხეთის ოლქის (ქვემო სვანეთი) ბლალოჩინია [14], იგი ეხება ქვემო სვანეთის გზების მდგომარეობას და აქაც არ ავიწყდება ამ პრობლემის მოგვარებაში მისაბადი მაგალითის წინ წამოწევის მნიშვნელობა: „გზები ხშირი წვიმებისა და შვავების გამო აქეთკენ ძლიერ დაზიანდნენ, ასე, რომ მათზე მოგზაურობისაგან ღმერთმა დაგიფაროთ ყველანი! რიგიანი გზა აქამდისაც არა გვქონია და ახლა ხომ მათზე გავლა გაგიძნელებათ. რას მივაწეროთ, რომ მათი გაკეთებისათვის არავინ ზრუნავს ჯერ-ჯერობით არ ვიცით! ყველაზე უფრო მომეტებული შრომა ეტყობა გზების შესახებ ლენტეხის საზოგადოების მამასახლისის ი. ლიპარტელიანს, რომელმაც ეგრეთ წოდებული გზა – ‘ლათქველიარი’ ისეთს ადგილას გაიყვანა (ძველი უხერხული მიატოვა), რომ ამ ალაგას სიარული უშიშარყო. ხსენებული მამასახლისის სიმკვირცხლე და დაუზარებელი შრომა მაღლობის ღირსია ჩვენს მიერ და მთავრობის მხრითაც ყურადღებისა.“

1903 წელს ივანე მარგიანი თავისი კუთხის სხვადასხვა საჭირობო საკითხებზე ფიქრით დამძიმებული (ამ დროს იგი უკვე 31 წლისაა), შენიღბული ხელმოწერით – „ვინც უნდა ვიყვე“ [19], აქვეყნებს წერილს სათაურით „სვანეთის რამე-რუმე“, სადაც ზოგიერთ მწვავე პრობლემასთან ერთად გზებსაც ეხება: „დალაზვროს ღმერთმა ეშმაკი! – ბევრი რამა მაქვს სათქმელი, მაგრამ ვერ მომიხერხებია! მიზეზი? ჰმ! ვითომ არ იცი, მკითხველო! უთავისუფლობა, პირში ბურთის ჩაჩრა და სხვა... თავისუფ-

წერს, რომ ამ ასეულმა დიდი შრომა გასწია მესტია-ზუგდიდის მიმართულებით გზის გაყვანაზე. როგორც ირკვევა, მულახის თემს ამ ასეულზე შეფობა ჰქონია ალებული. კონცერტის დაწყებამდე გუნდის მონაწილემ, სეზი გულედანმა, მადლიერება გამოხატა მესანგრეთა მიმართ სვანეთში გზის გაყვანაში დიდი ღვაწლის გამო. მან აგრეთვე იმედი გამოთქვა სვანეთსა და ასეულს შორის მტკიცე კავშირის შენარჩუნების შესახებ.

ერთი შეხედვით თითქოს უბრალო ფაქტი მადლიერების გამოხატვისა კიდევ ერთხელ მიუთითებს იმაზე, თუ რაოდენ დიდ მნიშვნელობას ანიჭებდა ივ. მარგიანი სვანეთის გზების პრობლემას.

მეორე საჭირობო პრობლემა, რომელსაც ივ. მარგიანი ეხება თავის პირველსავე პუბლიკაციებში, ეს არის სვანეთში სამედიცინო მომსახურების მდგომარეობა. 1893 წელს (ამ დროს ივ. მარგიანი 21 წლის ჭაბუკია) გამოქვეყნებულ წერილში [2], ეხება რა სვანეთში ფეხმოკიდებულ ცრუმორწმუნეობას, წერს: „თუ ვინმე ავად გახდება, მაშინვე მარჩიელთან მივბრუნდებით... ასე განსაჯეთ, სვანეთიდანაც კი მიდიან დაბა ლაილაშში მარჩიელთან ოთხი-ხუთი დღის მანძილზე, მეტადრე მაშინ, როცა ავად გაუხდებათ ვინმე. საჭიროა სვანეთს საკუთარი ექიმი ჰყავდეს, რომ ხალხს გაჭირვებაში დაეხმაროს“ – ასკვნის წერილის ავტორი. ორი წლის შემდეგ ივ. მარგიანი წერს [3]: „ამჟამად სვანეთსა ჰყავს თავისი საკუთარი ექიმი, ბ-ნი ტერტეროვი და დალაქი ბ-ნი ბარელიძე (იმ დროს დალაქს ფერშლის ფუნქცია ჰქონდა – თ. ლ.). ამ გარემოებით ჩვენ, რასაკვირველია ძლიერ მოხარული უნდა ვიყოთ. მაგრამ არ შეგვიძლიან, ცოტაოდენი უკმაყოფილება არ გამოვხატოთ. ბ. ტერტეროვი მართლა პირნათლად ასრულებს თავის მოვალეობას, მაგრამ დალაქს, ბარელიძეს – კი უნდა ვურჩიოთ, რომ ფეხის ქირაა, თუ ცხენისა, ავადმყოფთან მისვლისათვის და ნახვისათვის სამს მანეთს ცოტა რამ დაუკლოს, რადგან სამის მანეთის შოვნა მოწყვეტილ, გადაკარგულ სვანეთში მცხოვრებისათვის მეტად საძნელოა.

იმარჯვე. ნამეტნავად დაზიანებულია ცაგერიდან ლენტეხამდე მიმავალი გზა. უხილობამ ხომ მთლად გააჭირვა საქმე. ამ ორი-სამი წლის წინად გაკეთებული ხიდები ზოგი ჩაიქცა, ზოგი წყალმა წაიღო და მათ მავივრობას გვიწევს ბოვირ-ჭოკები, რომლებზე გასვლაც სუვოროვის მიერ ალაპების გადალახვას უდრის. ზოგან ბოვირებიც არა გვაქვს და მგზავრი იძულებულია მთის გამხეცებულ წყლის ზვირთებს ებრძოდეს (მაგ. მდ. ხელყურა). სწორედ გასაჭირი მდგომარეობაა და დროზედ მიშველება პირველი საქმეა, მაგრამ ვინაა ჩვენში მთქმელი ან ნათქვამის გამგონე?“

სვანეთსა და ცაგერს შორის გზის სირთულეს ივ. მარგიანი ხატოვნად აღწერს [19]: „სვანეთსა და ცაგერს ერთმანეთისაგან მურის (ლანლანდაშის) კლდეები ყოფს, რომლებს შუაგ იხე ვიწროდ ჩაჰქუხს ცხენის წყალი, რომ შორიახლოდან გვევლინებათ – რომ აქ კაცი კი არა ბუზიც ვერ გაეტევა და ვერც ზემოთ გადაფრინდება. მართლაც რომ ჩინებული ბუნებრივი საზღვარია! ძნელი გასავლელია და ამიტომაც არის, რომ სვანეთისაკენ ძნელად თუ შედის რაიმე კარგი... კანონიც რომ ვერ გაეღია ამ ოხერსა და ტიალში! მურის ხილს ზემოთ კანონი ვერ ამოვა, ვერ გამოეტევა, იმიტომ, რომ ვიწრო სავალი აქვსო – ამბობს სვანი და არცა სცდება. კანონს თუ ვერ გაუფართოვეს გზა, აბა სწავლა-განათლება ან სხვა რამე როგორ შევა!“

მინდა მოვიყვანო გზების პრობლემებისადმი ივ. მარგიანის და მოკიდებულების ამსახველი ერთი ეპიზოდი.

როგორც ცნობილია [58; 59], ივ. მარგიანმა, როცა მას საქართველოში საბჭოთა ხელისუფლების დამყარების შემდეგ ღვთისმსახურება აეკრძალა, ჩამოაყალიბა სვანური სიმღერისა და ცეკვის პირველი გუნდი და მოატარა საბჭოთა კავშირის სხვადასხვა ქალაქები. ნიშანდობლივია, რომ ამ გუნდმა თბილისში გასტროლების დროს, მესანგრეთა ასეულის კლუბში უფასო კონცერტი გამართა ამ სამხედრო ქვედანაყოფის პატივსაცემად [35]. მესანგრეთა შესახებ თვით გუნდის ხელმძღვანელი ივ. მარგიანი

ნოს და უარი უთხრას. ამ მხრივ სვანეთის სამღვდელოება საქე-
ბარია. მე თვითონ ვიცი მაგალითები, რომ ავადმყოფს ვერც სა-
ხელმწიფო წამლით და ვერც ფერშლით უსარგებლოა გაჭირვების
დროს და მხოლოდ მღვდლისაგან მოცემულს წამალს უხსნია იგი
სიკვდილისაგან. კეთილი და პატიოსანი საქმეა ეს სამღვდელოე-
ბის მხრივ. მაგრამ მართო სამღვდელოებამ რა ჰქნას? აქ საჭი-
როა მთავრობისაგან დახმარების და შემწეობის მიცემა. ჩემის
აზრით, ვერავითარი დახმარება იმდენს სარგებლობას ვერ გაუ-
წევს სვანებს, როგორც ავადმყოფთათვის ქსენონის დაარსება...”

სვანეთში ქსენონის გახსნის აუცილებლობის დასაბუთები-
სათვის, რომელიც მოსახლეობას მუდმივი სამედიცინო მომსახუ-
რების პირობებს შეუქმნიდა, ავტორი იშველიებს სვანეთის სპე-
ციფიკას, რაც გამოიხატებოდა ხშირ დანაშაულში, როგორიცაა
კაცის კვლა, დაჩეხვა-დამახინჯება. წერილის ავტორის აზრით
ასეთი დანაშაული ზამთარში უფრო ხშირია, მაგრამ რადგან
ზამთარში არც ექიმია და არც მომრიგებელი მოსამართლე, გვა-
მის შემოწმება (ექსპერტიზა) ხდება 9-10 თვის შემდეგ. ასეთ
პირობებში „სამართლიან დასკვნას ძვირად თუ ღაადგება ექიმი“
– ასკვნის ივ. მარგიანი.

ქსენონის გახსნის აუცილებლობის დასამტკიცებლად მას, გარ-
და აღნიშნულისა მოჰყავს სვანების დამოკიდებულება ექსგუმაცი-
ის მიმართ. აღნიშნავს, რომ ადგილობრივ მკვიდრთ ხშირად ძალა-
ღობა გაუწევიათ მთავრობისათვის მიცვალებულის გვამის ამოღე-
ბის დროს, რადგან მათი აზრით მიცვალებულის ხელმეორედ
ამოღება და დამარხვა ორნაირი სიკვდილია. „ამ უხერხულობის
და წინააღმდეგობის მოსაბოძება შეიძლება მხოლოდ მაშინ, როდესაც
ექიმი მუდმივ ადგილობრივ იქნება და დროზედ შეამოწმებს გვა-
მსა. და თუ მთავრობა გაგვაბედნიერებს სვანებს ქსენონის დაარსე-
ბით, იმ შემთხვევაში ექიმიც ვალდებული შეიქმნება მუდამ სვანე-
თის საბოქაულოში იცხოვროს და ქსენონს ვერ მოშორდება. დარ-
წმუნებული ვართ, რომ ჩვენი ახალი მაზრის უფროსი ბ-ნი ყიფი-

მეორე კარგი იქნებოდა უიმისოდაც ლატაკს სვანებს წამლების
მიცემის დროს ხორავს – ყველს, პურს, ხორცს, არაყს და სხვას
არ ართმევდეს. ჩემი ფიქრით ის წამლები, რომელთაც თქვენ ბ.
ბარელიძე, ურიგებთ ექიმის ბრძანებით გაჭირვებულთ, სახელმწი-
ფოა და მუქათა უნდა ეძლიოს მათ? არამც თუ გვერნია, ეს ასეა.
სვანს პურისა, ყველისა, ხორცისა და არაყის მეტი არაფერი არ
გააჩნია და თუ ესეც სხვას მისცა და სხვა არჩინა, მას რაღა
ღარჩება?“ – დასძენს ავტორი.

სამედიცინო მომსახურების პრობლემას ივ. მარგიანი კვლავ
უბრუნდება ამ საკითხთან დაკავშირებული ბოლო პუბლიკაციი-
დან 3 წლის შემდეგ [5]. მაგრამ ამჯერად, როგორც ჩანს, მდგო-
მარეობის რადიკალურად გამოუსწორებლობის გამო, მისი არგუ-
მენტები განსაკუთრებით შთამბეჭდავია, რაზედაც ცოტა მოგვი-
ანებით შეეჩერდებით. თავდაპირველად წერილის ავტორი საუბ-
რობს სვანეთში „სამედიცინო მომსახურების“ მდგომარეობის შე-
სახებას: „საკვირველია მკითხველო, რომ ამგვარ საღს ალავას, რო-
გორიც არის სვანეთი, ავადმყოფობა ხშირი იყოს, მაგრამ ეს ასე
არის. ამის მიზეზი ბევრია, სხვათა შორის უექიმობა და უწამლო-
ბაცა. სვანეთსა ჰყავს ერთი ექიმი და ერთიც დალაქი, მაგრამ რა
გინდათ? ყველა ჩვენში სამსახურს სწუნობს და აბუჩად იგდებს.
ექიმი გვეწვევა ივნისის დამდეგში, მოგვინახულებს (მადლობელ-
ნიც ვართ) და ავვისტოს დამლევეს წაბრძანდება – ღმერთმა
უწყის სად! გვრჩება დალაქი ორი მუჭა წამლითა, მაგრამ რად
გინდა, როდესაც საწყალი სვანი იმითაც ვერა სარგებლობს რივი-
ანად! დალაქს წამალს ვერა სთხოვ... ყველას ეშველა და ჩვენ კი
არა გვეშველა რა! სულ უიღბლობა და უიღბლობა!.. ავადმყოფთა
გაჭირვებას ისევ სამღვდელოება თუ ამსუბუქებს სვანეთში. არც
ერთი მღვდელი არ არის ჩვენში, რომ ცოტაოდენი წამალი მაინც
არა ჰქონდეს წინდაწინ შეძენილი... ამ წამლებით ყველა სვანი
სარგებლობს უფასოდ. არ ვიცი იმისთანა მღვდელი სვანეთში,
რომ გაჭირვებულს ან წამლით, ან სხვით შემწეობა არ აღმოუჩი-

რისია, რომ ჩვენ ის გამოვიყენოთ ჩვენდა სასარგებლოდ. ქართული ენის შესწავლა ჩვენს შვილებს ძლიერ ეადვილებათ, დიდებმა კი თითქმის ყველამ ვიცით და წერა-კითხვის ცოდნაა საჭირო, რომ ჩვენ ლუკმა პური ვიშოვნოთ, რომელიც ჩვენთვის ვგონებ არავის არ შეეხარება. ჩვენი ხშირი საშოვარი ალაგები არის: ლეჩხუმი, რაჭა, იმერეთი, ქუთაისი, ხშირად ქართლიც, გურია, სამეგრელო, სამურზაყანო და აფხაზეთი, სადაც ქართულად ლაპარაკობენ. ამ ადგილებში ვაჭრობა, ალებ-მიცემობა უმეტეს ნაწილად სრულდება ქართული წესრიგით. ჩვენ იმათთან უფრო გვაქვს ხშირად საქმე, ან მიწას ვთხრით, ან თხრილს ვიღებთ ან სიმინდ-ყურძენს ვუწევთ, ან გზებს ვუკეთებთ ან მოსამსახურეებად ვუდგებით... ბევრი ჩვენი შვილთაგანი-კი მხოლოდ პირველ-დაწყებითს სწავლას იძენს და საშუალო სასწავლებელში ვერ მიდის სიღარიბის გამო. ამიტომ ისინი იძულებულნი არიან ისევ საკუთარი ხელით და ოფლის ღვრით იშოვნონ პური. ამ შემთხვევაში-კი რუსულ ენასთან ერთად საჭიროა იმათთვის ქართული ენის ცოდნა და წერა-კითხვა. ამიტომ დიდი წყალობა იქნება თუ კი რუსულ ენასთან ერთად ჩვენს შვილებს ქართულ წერა-კითხვასაც ასწავლითო!”

იმავე 1898 წელს ოქტომბერში ივ. მარგიანი უკვე იმედიანად წერს [6]:

„ამ ბოლო დროს სვანეთსაც ეღირსა განათლების სხივი. დღემდე სვანეთი უმაღლესი მთავრობისაგან სწავლა განათლების შესახებ თუმცა დავიწყებული არ იყო, მაგრამ ნამდვილად ყურადღებას კი მოკლებული იყო. ეხლა როგორც გაზეთებში იყო მოხსენებული, მართლმადიდებელი ქრისტიანობის აღმადგენელი საზოგადოების, ბ. ინსპექტორის მამინაშვილის შუამდგომლობა სვანეთის შესახებ შეიწყნარა მისს ყოვლად-უსამღვდელოესობამ საქართველოს ექსარხოლსმა ფლაბიანემ და კეთილ ინება, გარდა არსებული სკოლებისა, გახსნილ იქმნას ოთხი სკოლა შემდეგ სოფლებში: ბეჩოში, ცხუმარში, ფარში და ლახამულაში...

ანი უნარს გამოიჩენს ამ საქმეში და ქსენონის დაარსების ღირსად გაგვხდის“ – ამთავრებს წერილს ავტორი.

დაგვეთანხმებით, ალბათ, მკითხველო, როგორი გამჭრიახობით არის დასაბუთებული ქსენონის აუცილებლობა. სტრიქონებს შორის ამოიკითხავთ, რომ მეფის რუსეთის მთავრობის პირობებში ავტორი ჰუმანიტარული ხასიათის არგუმენტებთან შედარებით უფრო ქმედითად მიიჩნევს ძალოვანი და მართლწესრიგის სამსახურების ინტერესებს და მიზნის მიღწევისათვის აქცენტებს სწორედ მათზე აკეთებს.

ამავე 1898 წელს ივ. მარგიანი ეხმაურება [6] ქუთაისის გუბერნატორის გადაწყვეტილებას იმის შესახებ, რომ სვანეთის ექიმმა მუდმივად სვანეთში უნდა იცხოვროს და არა ქუთაისში, როგორც მანამდე იყო. „გასაკვირი იყო სწორედ, ჯამაგირს სვანეთში მსახურობისას იღებდა, თვითონ ექიმი ვინ იცის სად შრომობდა. სვანეთში მხოლოდ ზაფხულობით მიდიოდა საორთვეოდ, ვითომ და სამსახურს ვასრულებო. ამისთანა ბედს არ ვიცი, რომ ყველა ექიმი ეღირსოს. ზაფხულობით აქ სამსახურის მოვალე კი არა, ისეც ბევრი წამოვა, ისეთი კარგი ჰაერია და სამაგალითო მუშავე წყლებია“ – წერს ივ. მარგიანი.

ზემოთ, წინა თავში ჩვენ უკვე ვახსენეთ ივ. მარგიანის პირველი ორი წერილი [1; 2], სადაც უკვე გამოიკვეთა მისი ზრუნვის ერთ-ერთი ძირითადი საგანი – სვანეთის მოსახლეობაში სწავლა-განათლების საკითხის მოგვარება. თავის ერთ-ერთ მორიგ წერილში იგი კვლავ უბრუნდება ამ თემას [5], სადაც სვანეთში სწავლა-განათლების ტემპებით უკმაყოფილება იგრძნობა:

„მოვახსენეთ, რომ ასე გვეკონია განათლებაში ფეხს ჩავდგამთო, მაგრამ რის ჩადგმა, როდესაც ფეხი არც კი დაგვიძვრია ადგილიდან განათლების მხრივ! საიმედოს ბევრს გვეუბნებიან, მაგრამ ცალიერი იმედი აბა რას გამოგვადგება?... მოვიხსენიებ ხალხის აზრს ქართული ენის შესახებ. ქართული ძლიერ საჭიროა ჩვენთვისაო, ამბობენ სვანები. ქართული წერა-კითხვის ცოდნა საკმა-

თუ ბ-ნი ინსპექტორი მონდომებს და იშრომებს, როგორც დღემდის, იმედია, სვანეთი ოთხკლასიან სასწავლებელსაც ელირება, და ეს იქნება სწორედ უდიდესი ნაბიჯი სვანეთში სწავლა-განათლების გაძლიერებისა. მაშინ, იმედია, სვანეთი დაწინაურდება მალე.“

ლაშხეთში (ქვემო სვანეთი) მღვდლად გამწესების შემდეგ ივ. მარგიანი ღრმად ეცნობა ქვემო სვანეთში სწავლა-განათლების მდგომარეობას და აღმოაჩენს ამ კუთხის საგრძნობ ჩამორჩენას თავისუფალ (ზემო) სვანეთთან შედარებით [14]. ივ. მარგიანი აღნიშნავს, რომ გეოგრაფიული მდებარეობის მიხედვით სადადიანო (იგივე ქვემო) სვანეთს ღიდი უპირატესობა აქვს თავისუფალ სვანეთთან შედარებით, ვინაიდან აქ კლიმატიც ნაკლებად მკაცრია და გარე სამყაროსთან კონტაქტიც გაცილებით უფრო იოლია. მიუხედავად ამისა, ავტორს მიაჩნია, რომ „როგორც განათლების, ისე მოქალაქეობის მხრივაც თავისუფალმა სვანეთმა წარსდგა წინ რამოდენიმე ნაბიჯი, სადადიანო სვანეთი კი ისევ სიბნელით მოცულს მორევში სცურავს და არავითარი წინსვლა არ ეტყობა... ამას გვიმტკიცებს ჯერ სკოლების რიცხვი და მერმე თვითონ ნასწავლთა რაოდენობა. თავისუფალ სვანეთში, სადაც 14 მრევლია, სულ 13 სკოლაა, 7 საეკლესიო, 6 – სამინისტრო. სადადიანო სვანეთში კი, რომელიც 11 მრევლისაგან შედგება ორი საეკლესიო სკოლაა და ორიც სამინისტრო“.

მკითხველის ყურადღებას იმას მივაპყრობ, რომ 1893 წელს, ანუ 9 წლის წინ, თავისუფალ სვანეთში სულ სამი სკოლა იყო [2]. ასეთ მკვეთრ პროგრესს, ვფიქრობ რომ, ივ. მარგიანის პუბლიკაციებში გამოხატულმა აქტიურმა მოქალაქეობრივმა პოზიციამაც შეუწყო გარკვეულწილად ხელი.

ავტორი განაგრძობს სტატისტიკური მონაცემების ჩამოთვლას, საიდანაც ირკვევა, რომ იმ მომენტისათვის თავისუფალ სვანეთში მოსწავლეთა რიცხვი 419 იყო, ხოლო სადადიანოში – 82. საგულისხმოა, რომ თავისუფალი სვანეთის სკოლებში მოსწავლეთა

სწორედ სასიხარულოა ეს გარემოება მით უფრო, რომ თვითონ სვანებიც ძრიელ მონდომებულნი არიან სწავლა-განათლებას... ამათ სიხარულს საზღვარი არა აქვს. მეტად აღტაცებულია ყველა უბრალოდან კეთილშობილადმე, სასიამოვნოა ის გარემოებაც, რომ მემატონეები და აღმინისტრაციაც ხელს უწყობს სკოლების საქმეს, რაც კი შეიძლება. ღვთის მადლით, მასწავლებლებიც კარგები მოუვიდათ სვანეთის სკოლებს. თითქმის ყველა სასულიერო სემინარიაში კურსდამთავრებულნი არიან და რაც შეიძლება ნამდვილი სამოსწავლო იარაღით აღჭურვილნი, გარდა ამისა, სულით და გულით მონდომებულნი არიან და იმედია, ეს პატივცემული მასწავლებლები გაჭირვებას არ შეუშინდებიან და ერთხელ ხელმოკიდებულ საქმეს რიგიანად წაიყვანენ. მაგრამ უნდა ვთქვათ, რომ აქ ბავშვმა არ იცის ქართული, მასწავლებელმა – სვანური, ამიტომ პირველ წელიწადს ჯეროვანი ნაყოფის გამოღება შეუძლებელია, მაგრამ ერთი იმედია სვანი ქართულს ძრიელ ადრე ისწავლის.“ აქვე ავტორი აღნიშნავს სოფელ ფარში სწავლაში ჩამორჩენას, სადაც მიუხედავად იმისა, რომ მასწავლებელი თითქმის ერთი თვეა, რაც მიუვიდათ, სწავლა ჯერ არ დაწყებულა, იმის გამო, რომ აქაური ბავშვების მშობლებს მიაჩნიათ, რომ მათ შვილებს სწავლა არ სჭირდებათ, რადგან „ისინი ჩვენ მწყემსებად გვჭირდებათ“. ავტორი გაკვირვებას გამოთქვამს ამ გარემოების გამო, რადგან ამავე სოფელში მამა დეკანოზი ცხოვრობს, რომელსაც ხალხი, როგორც მოძღვარს, უნდა უჯერებდეს.

ივ. მარგიანი აქვე დასძენს: „აქაური სკოლები, რომ მართლა ნაყოფიერი იყოს და უბრალოდ არ დაიკარგოს ორი-სამი წლის შრომა და ხარჯი, საჭიროა ერთი რამე კურსის დამამთავრებელი სასწავლებელი იქმნას გახსნილი, უამისოდ ორი-სამი წლის შემდეგ ბავშვი ისევ ცხვარს და თხას უნდა გაჰყვეს უკან. მართალია, ამ მდგომარეობაში ყველა არ დარჩება და როგორც დღემდე თითო-ორიოლა გააგრძელებს სწავლას, მაგრამ მომეტებული კი იძულებული იქნება მამა-პაპის შრომის იარაღს მოჰკიდოს ხელი.“

არა უზრუნვია რა სწავლა-განათლების საქმეში. არ უზრუნვია, იმიტომ, რომ არც შეეძლოთ, რადგან ვერ იყვნენ მომზადებულნი ამისათვის (ჩვენ ვამბობთ უმეტესობაზე)... თუ ადგილობრივი სამღვდელთა ვერ უძლოდა წინ ხალხს, არც თავადაზნაურობას უფიქრია რამ თავისი შვილების განათლებაზე. თითქოს, არაფერიყო, არც მთავრობას მიუქცევია ყურადღება ამ მოვლენისათვის და სადადიანო სვანეთს თანდათან უტოპებია უვიცობის მორევში...”

არანაკლები უკომპრომისობით გამოირჩევა 79-ე გვერდზე ციტირებული წერილი [19], რომელშიც ანონიმი ავტორი – „ვინც უნდა ვიყვე“ – აკრიტიკებს ქვემო სვანეთის თავადაზნაურობას ეროვნული ინტერესების დაცვაში პასიურობის გამო. ავტორის ვინაობა ეჭვს არ იწვევს, რადგან მოგვიანებით გამოქვეყნებული წერილი [20], რომელსაც ხელს აწერს „ივანე მა-ნი“, დასათაურებულია ასე: „ლენხუმ-სვანეთის რამე-რუმე, ისევ უგზოობა... ცაგერის ენკენობა“... და ასე შემდეგ, ანუ ანონიმი ავტორის წერილის მსგავსად სათაურში („ისევ უგზოობა“) ივ. მარგიანი აღიარებს, რომ წინა წერილშიც ამ საკითხზე საუბრობდა. ორივე წერილი გზების პრობლემით იწყება. გარდა ამისა, ავტორი პირველ წერილში ამბობს, რომ „მე თავისუფალ სვანეთში დავიბადე“. ორივე წერილში იგრძნობა ლენხუმის და სვანეთის სატყეივარის თანაბრად კარგი გათავისება. ივ. მარგიანი ხომ ამ დროს ლაშხეთის ბლალოჩინია და უკვე დაოჯახებულია ცაგერელ ვარვარა ბერიძეზე. ამდენად, დიდი ალბათობით, ანონიმი ავტორი – იგივე ივანე მარგიანია.

გაოცებას იწვევს ივ. მარგიანის პრინციპული მოქალაქეობრივი პოზიცია, პირდაპირობა და უკომპრომისობა, თუ გავითვალისწინებთ, რომ იგი ამ დროს ახლად არჩეულია ლაშხეთის ოლქის ბლალოჩინად. აქედან გამომდინარე, სავსებით გასაგები ხდება ათი წლის შემდეგ ლაშხეთის ოლქის სამღვდელოების ღია წერილში ნათქვამი სიტყვები ივ. მარგიანისადმი [47]: „...თქვენი გამოცდილება, მხნეობა, თავგამოდებული ზრუნვა ეკლესიისა და სამღვდელოების სასარგებლოდ პირველივე თავს მდები იყო იმისი, რომ

საშუალო რაოდენობა (32) აღემატება ქვემო სვანეთის იმავე მაჩვენებელს (20), რაც ამ ორი კუთხის მოსახლეობის სწავლა-განათლებისადმი დამოკიდებულების მანიშნებელი უნდა იყოს.

ავტორი მიუთითებს მსგავს თანაფარდობაზე განათლების მქონე ადამიანთა შორის: „ახლა ვიკითხოთ, რამდენს სულს მიუღია საშუალო თუ სხვა განათლება? თავისუფალ სვანეთში მცხოვრებთაგანს სწავლა-განათლება მიუღია ჯერ-ჯერობით 30-35 სულს (არ იფიქროს მკითხველმა, რომ ჩვენ ამით ვამაყობდეთ; კნინი ციფრებია, მაგრამ იგი ჩვენ მხოლოდ შესადარებლად მოგვყავს), რომლებიც თითქმის ყველა სამსახურშია და სწავლობს ეხლახან ქალაქების სხვადასხვა სასწავლებელში 20-25 კაცი, რომელთაგან ერთი უნივერსიტეტს ამთავრებს (ივ. ნიჟარაძე* სოფ. უშგუ-ლიდან). სადადიანო სვანეთში კი სწავლამილებულნი უფრო მცირეა; სულ რომ გავადილოთ, ხუთს არ აღემატება; სხვაგან სწავლობს 3-5 ბავშვი. ახლა გავიგოთ, თუ რამდენი ჟურნალ-გაზეთი მოუღის თავისუფალს სვანეთს და რამდენი მეორეს? თავისუფალ სვანეთში მოდის ჟურნალ-გაზეთები: 2 – ‘ივერია’, 3 – ‘ცნობის ფურცელი’, 2 – ‘კვალი’, 3 – ‘ნოვოე ობოზრენიე’, 2 – ‘კაკაზი’ 1 – ‘სპ. ვედომოსტი’, 4 – ‘ნივა’, 4 – ‘მწყემსი’. სადადიანო სვანეთს მოუღის ერთადერთი ეგზემპლარი ‘ცნობის ფურცელი’.” ამ მდგომარეობის ერთ-ერთ მიზეზად ავტორს სადადიანო სვანეთის სამღვდელოების უმეტესობის არასათანადო მომზადება მიაჩნია: „თავისუფალ სვანეთში 15 მღვდელში ექვსს საშუალო განათლება აქვს მიღებული, ხოლო დანარჩენებს შინაური. ამათში 8 სვანთაგანია. სადადიანო სვანეთის 11 მღვდელში მხოლოდ ორს აქვს საშუალო განათლება, დანარჩენებს შინაური. რაც შეეხება სადადიანო სვანეთის სამღვდელოებას, ამათში თითქმის არც ერთს

* ეს უნდა იყოს ექვთიმე თაყაიშვილის მოწაფე, რომელიც მოხსენიებულია წიგნში: ექვთ. თაყაიშვილი, არქეოლოგიური ექსპედიცია ლენხუმ-სვანეთში 1910 წელს, პარიზი, 1937 წ.

რა თქმა უნდა, გვერდი ვერ აუარა ცაგერში კარგამოკეტილ სამკითხველოს:

„ბაზრობამ, რომელიც დ. ცაგერს გაიმართა და მალე ისევ ჩაიშალა, გაგვახსენა სამკითხველო, რომელიც ეს მეორე წელიწადია, რაც დაარსდა, მაგრამ მკითხველი კი ნაკლებად მოეძებნება. იგი მოთავსებულია სასამართლოს შენობაში და მეთაურობს თვით მომრიგებელი მოსამართლე. მეთაურობა მეთაურობაა და სამკითხველოს ღიად ძვირად ნახავთ. წარწერაც მშვენიერია კარებზე: 'ცაგერის უფასო სამკითხველო'. – 'რის სამკითხველო, ღია ჩვენ ვერა ვნახეთ, ვერცა-რა მკითხველებია შიგ და უფასო იქნება, აბა ფასს ვინ დაადებს' – სიტყვა მოსწრებულად ერთმა კაცმა, როდესაც ხსენებული წარწერა წაიკითხა, ალბად, ამას სხვებიცა ჰგონობენ და კარებზე მიუწერიათ 'საუკუნოდ იყოს შენი განსვენება, უფასო სამკითხველო!'“

ივ. მარგიანის წერილების უმრავლესობაში აღწერილია მოსახლეობის მძიმე სოციალური მდგომარეობა. იგი ყოველთვის დროულად ეხმაურებოდა უამინდობით თუ სხვა მიზეზებით გამოწვეულ მოუსავლიანობის შემთხვევებს და გამოსავალს ეძებდა. ერთ-ერთი ასეთი შემთხვევა ყოფილა 1893 წელს და როგორც ივ. მარგიანი წერს, „ამ გარემოების გამო 'ივერია' დიდ მწუხარებას აცხადებდა და სურვილს გამოთქვამდა ყოველივე საქმის გარემოება დაწვრილებით გაეგო“. ამის პასუხად ივ. მარგიანი გაზეთში „ივერია“ აქვეყნებს წერილს [2], რომელშიც მოთხრობილია ზემო სვანეთის მთელი რიგი სოფლების მოსახლეობის დამშევის შესახებ: „საქმე იქამდისინ მივიდა, რომ ზოგიერთნი ბალახისაგან აკეთებდნენ ერთგვარ საჭმელს ფაფას და იმას სჭამდნენ. შემდგომში, როდესაც გზა გახსნეს მთაგრეხილზედ (ლატფარზედ), ყოველი დამშეული სვანი გაექანა ლეჩხუმისაკენ, სადაც ღიდის წვალებით შოულობდა სიმინდს და მოჰქონდა შინ სახლობის გამოსაკვებად. ამგვარად სვანებმა დროებით სული მოიბრუნეს, მაგრამ ვისაც არც ცხენი ჰყავს, არც ფული მოეძებნება, რომ ორიოდე კაკალი

თქვენ შეეფერებოდით ამ თანამდებობას. გულწრფელობა, გულახდილობა და ხასიათის სიმაგრე პირველად თუმცაღა სამღვდელოებაში და ხალხმა ავეგულობათ ჩამოგართვათ, მაგრამ მალე საქმემ დაგვარწმუნა სულ წინააღმდეგში. დაერწმუნდით, რომ გულახვეული კაცი საშიშია, ვინემ გულახდილი. ამის გამო სამღვდელოებაც და ხალხიც თანდათან შეეჩვია თქვენს ხასიათს და ჩვენს შორის სიყვარული დამყარდა...“

სწავლა-განათლების პრობლემა ივ. მარგიანს ერთნაირად პრიორიტეტულად მიაჩნდა – ეხებოდა ეს სვანებს თუ სხვა ხალხს. ერთ-ერთ წერილში, აღწერს რა დაბა ლაილაშს, იგი საგანგებოდ ეხება ებრაელი ბავშვების სწავლების საკითხს [20]: „დაბა ლაილაშში 120 კომლამდე ქართველია, 20 კომლი სომეხი და 100 კომლამდე ებრაელი. ალებ-მიცემა უმეტეს ნაწილად სომხების და ებრაელების ხელშია. ურევთან წვრილი კაპიტალისტებიც. მევახშეობა აქაც მძვინვარებს. სომხებსა ჰყავთ საკუთარი მღვდელი და აქვთ ქვის ეკლესია. ებრაელებს ჰყავთ ხახამი და ერთი მასწავლებელი, რომელიც ებრაულს წერა-კითხვას ასწავლის ბავშვებს. სწავლება მეტად პატრიარქალურადაა დაყენებული. სწავლის მსურველი ბევრია, მაგრამ საქმის მოთავეა ძვირი. საჭიროა ლაილაშელ ებრაელთათვის საკუთარი სკოლა, სადაც პირველ-დაწყებითი სწავლება ქართულ ენაზე უნდა სწარმოებდეს, რადგან სხვა ენა არ იციან. პირველადვე ებრაულს ენაზე ბავშვების მიყენება დიდი ცოდვაა. მე თვითონ დაერწმუნდი, რომ ბავშვებმა იციან ებრაულად კითხვა, ლოცვები ზეპირად, მაგრამ უმეტეს ნაწილად არ ესმით მნიშვნელობა წაკითხულისა. როგორც-კი შეუსწავლიათ ებრაული ანბანი, მაშინვე მასწავლებელს ბავშვები მიუყენებია დაბადებისათვის, რომელსაც უთარგმნის ქართულად, მაგრამ ეს თარგმანი უფრო თავისებური ხასიათისაა, კიდრე ნამდვილი.“

ივ. მარგიანმა, როგორც განათლების დამფასებელმა და ამ პრობლემით სისხლხორცეულად დაინტერესებულმა პიროვნებამ,

ლის მოწვევის დროს მკვლელებს კალია წინ მიუძღვოდა ჯარით და შრომას უმსუბუქებდა; თითქმის მოსავლის ნახევარს თაველი აღარ ჰქონდა შერჩენილი. მართალია, კალია ჩვენში აქამდისაც ჰბუდობდა, მაგრამ ამგვარი არავის არ ახსოვს. ეს სამი წელიწადი ვაკვირდები ამ მოვლენას, მაგრამ წრევანდელმა დაკვირვებამ და კალიის კვერცხების სიმრავლემ დამარწმუნა, რომ ბოლოს და ბოლოს საქმე საზუმაოდ არ მიდის, ამანაც თქვენი ჭირი წაიღოს, რაც მოვიწიეთ საზრდო, ისიც ზოგი დაგვიღაპა-გავვიქრა, ზოგიც თავებმა გაგვინადგურეს; მინდვრიდან შინაც გვესტუმრნენ და უზრუნველად შეეცევიან ჩვენს ოფლით ნაშრომს. ხშირმა წვიმებმა ხომ არც ნამუშევარი გაგვალეწინა, არც თივა მოგვატანინა შინ; ზოგან კი მოუმკელი ქერ-პური თოვლმა სრულიად დააწვინა და გააფუჭა. ენკენის თვის 10-15-დგან დაგვიდგა თბილი ამინდები, თორემ 20 აგვისტოდგან დამოკიდებული 10 ენკენის თვემდის ნამეტანმა სიცივემ შეგვაწუხა, თითქმის ბარადაც მოსთოვა, მთაში ხომ ლაპარაკი არ უნდა. ერთი სიტყვით, უამისოთაც გათახსირებული ჩვენი ცხოვრება ქვეითდება.

ეს რამდენიმე წელიწადია ჩვენმა სვანეთმა შიმშილი გამოსცადა, ახლა არის და, სულის მოთქმას რომ მოველოდით, უარესი მოგვივიდა; არც ჩვენმა ნამუშევარმა იხეირა, არც ჩვენს მეზობელს დაუდგა ამ ბოლოს ხანს კარგი წლები, აქამდის სიმინდს ლეჩხუმი გვაწვდენდა, ეხლა-კი, ვკონებ, თითონ ის ჰსაჭიროებს ხელის გამართვას. ისევ იძულებული შევიქენით ქუთაისიდან და ქვემო იმერეთიდან ვზიდოთ სიმინდი, მაგრამ რა უნდა ვქნათ, ან განა რამედ დაფასდება ჩვენი ცხოვრება, როდესაც ორი კვირა ოთხის ფუთი სიმინდის მოსატანად გზაზედ ვათევთ ღამეს ღია ცის ქვეშ და ცოლშვილი კი ღვთის ანაბარას არის დატოვებული?! ან რა უნდა ჰქნას მხოლოდ ოთხმა ფუთმა იმისთანა მრავალ-წევრიანს ოჯახში, როგორიც არის სვანის ოჯახი? ეგეც თქვენი ჭირის სანაცვლო იყოს, მაგარი ის არის, რომ იმასაც ვერ ვმოულობთ ხეირიან ფასად ვიღაც ჩარჩ-ბაცაცების მეოხებით.“


სიმინდი მოეზიდნა ლეჩხუმიდან ოჯახის გამოსაკვებად, დარჩა უსახსროდ და უკიდურეს მდგომარეობაში ჩავარდა. ეს გარემოება, რასაკვირველია, არ დარჩა უწყურადღებოდ. მაზრის უფროსმა ბ-მა აღშობაიამ აცნობა ეს სამწუხარო მდგომარეობა გუბერნატორს, თვითონ კი თავის ხელით შეუდგა შეწირულობის მოკრეფას ლეჩხუმში და შეჰკრიფა ორი ათასამდე ფუთი სიმინდი...“. როგორც ირკვევა, „უმაღლესმა მთავრობამ“ სვანებს უპროცენტოდ ასესხა 4000 მანეთი, მაგრამ სვანებმა ამ შემოთავაზებაზე უარი განაცხადეს არა თავის ნებით, არამედ „სხვისი ჩაგონებით“ (არ აკონკრეტებს – თ. ლ.). ასეთი წვალებით გატარებულ ზამთარს და ზაფხულს, როგორც ავტორი წერს, დაემატა ის, რომ ჯერ იყო და გვიან დადნა თოვლი, მერე კი მთელი ორი თვე ისე გავიდა, ერთი წვეთი წვიმაც არ მოსულა. გვალვამ ნამუშევარი ერთიანად გაახმო.

„შარშანდელ მოუსავლიანობას წლევანდელი დაემატა და ადვილი წარმოსადგენია, რა მდგომარეობაში ჩავარდება ეხლა სვანეთი, თუ შემწეობა არსაიდან არ აღმოუჩნდა. იმედია ჩვენი თანამოძმენი მაინც არ დაგვივიწყებენ და შემწეობას აღმოგვიჩენენ საიდანმე. ისიც ძალიან შემწეობად ჩაითვლება, სხვათა შორის, რომ სვანებს სადმე საშუალო უშოვნონ, მაგალითად რკინის გზებზე მიწის თხრა და სხვაგან.

ამასთან კიდევ ერთი უბედურება დაგვემატა, 10-12 აგვისტოს ს. ხალდეში გაჩნდა საქონლის ჭირი და ორ დღეში 18-მდე ძროხა დახოცა. ეს ჭირი საქონელს გამოჰყოლია რაჭიდან და სულ მუსრს ავლებს“.

ისევ სვანეთის დუხჭირ რეალობაზე მოგვითხრობს ივ. მარგიანი 1898 წელს გამოქვეყნებულ წერილში [5]: „ვერაფერი ნუგეში მოგვიტანა სვანებს წლევანდელმა წელიწადმა: ჯერ იყო და ავღრიანობამ შეგვაწუხა, ნამუშევარი აღარ დაამწიფა რიგიანად, მერე იყო და, თავებმა და წვრილმა კალიამ მოსავალი გაგვიოხრა. მე თვითონ, ამ სტრიქონების დამწერი, ვიყავი იმის მოწმე, რომ მოსავ-

შეუმჩნევლად ქვევით და ქვევით მიიზღაზნება, აწვება მის ქვეშ მდებარე ქვებს, მტვრად აქცევს მათ, რის გამოც წყალს მუქი ფერი ეძლევა, და უერთებს მის ქვეშ მიმდინარე წყალს, რომელსაც მიაქვს ეს შეზავებული მადნეულობა, გადის კლდე-ღრანტეებში, სადაც უარესი დღე ადგება, ქაფდება. იკვრის ბურთსავით, ისვრის ვეებერთელა ზვირთებს, გადაჰქეხს და იქაურობას ელექე-



უშბა (მაზერის დასავლეთიდან). ვიტორიო სელა. 1890 წ.

ბა. რასაკვირველია, ამის გამო ქვიშაში ბევრი მადნეულობაა შერეული. ამ ბუნების სავსებით კალმით აღწერა არ შეიძლება. მკითხველი მხოლოდ მაშინ მიხვდება ამას და შეიგრძნობს, როდესაც თავისი თვალით ნახავს მათ, ამ უსულო ვეშაპებს და მათზედ მოგზაურობით გაძლება... რაო? განა ყინულზედ მოგზაურობა

ავტორი თავისი წერილის ამ ნაწილს იმედიანად ამთავრებს: „თუმცა ყველა ეს უბედურება თავზედ გვაწევს, მაგრამ იმედს მაინც არ ვკარგავთ, ვისი იმედი გვაქვს, არც ჩვენ ვიცით... მაგრამ როგორ არ უნდა ვიქონიოთ იმედი, როდესაც ჩვენს მიყრუებულ, მიტოვებულს ქვეყანას ხანდახან საუკეთესო სტუმარნი ეწვევიან ხოლმე და გვევლიან, ჩვენც განათლებაში ჩავდგამთ ფეხსაო. პროფესორნი, ნასწავლნი, ბობოლა და შესანიშნავნი კაცნი ჩვენსკენ მორბიან და იმედი გვაქვს, რასმე გაგვიკეთებენ“.

ამ სტრიქონების წაკითხვისას გიჩნდება აზრი, რომ ივ. მარგიანის მუდმივი ზრუნვა სვანეთის განათლებაზე და გზების მოწესრიგებაზე, ამ საქმის ამაგდარი ადამიანების კეთილად მოხსენიება, სვანეთის ბუნების აღწერა და ისტორიულ-გეოგრაფიული ხასიათის ნარკვევების გამოქვეყნება [12-17], ემსახურებოდა სვანეთის დანარჩენ სამყაროსთან ინტეგრირებას, ამასთანავე — ამ კუთხეში მოგზაურთა მოზიდვას და ტურიზმის განვითარების პერსპექტივას, რაც ბუნებრივია მნიშვნელოვნად გააუმჯობესებდა მოსახლეობის სოციალურ პირობებს. გამოთქმული მოსაზრების დასადასტურებლად მოგვყავს მცირე ამონარიდი სვანეთის მისეული გეოგრაფიული აღწერიდან [12]:

„რამდენიმე ვერსის სიგრძეზედ გაჭიმული ქვასავით მაგარი ყინულის მინდორი (მყინვარის აღწერაა — თ. ლ.), რომლის ზედაპირი დაფენილია ხან ნემსივით წვეტიანი ყინულებით, ხან უზარმაზარი რკინისა და კაუჩუკის ქვებით, ხან მიწით, ხან რით. ეს ნაშვავებია; ავერ ნემსივით წვეტიანს ყინულზედ წამოსკუპულა უშველებელი ქვა, რომლის (ზაფხულობით) ტემპერატურა აღნობს გარს-შემოვლებულს ყინულს, ბოლოს ვეღარ იმაგრებს თავს და შემადრწუნებლის ხმაურობით ვარდება ვეშაპისებურ ხახადალებულს საყინულის მუცელში და იკარგება უფსკრულში, სადაც მას უარესი დღე ადგება. ამ უზარმაზარ საყინულიდან გამოდიან სვანეთის ღრიალა და ცივი მდინარეები. ზაფხულობით ეს მდინარეები მუქი ფერისაა. ეს იმიტომაა, რომ საყინულე, რომელიც

ში. ამის გამო ატეხილმა სიცივეებმა აყვავებული ხეხილი დასწვა, ჯეჯილი გააყვითლა და უამისოდაც მიმჭლეებული საქონელი სიკვდილის პირას მიაყენა, რადგან საკვების სიძვირეა და გარეთ კი ვერაფერს ვერ შოულობს“ [14].

„მთელ ლაშხეთის საზოგადოებას (400 კომლია) მოედო საქონლის ჭირი — თურქული და გაჭირვებაში ჩაადგო, არ იცის კაცმა, ან პური რითი გალენოს, ან თივა რითი მოიტანოს, ან შეშა რითი მოზიდოს და ან სხვა საჭიროებას რითი გაუმკლავდეს. სხვისი ჭირი — ღობეს ჩხირიო, — სწორედ საწყლებსაც ასე ემართებათ, რადგან ყურადღებას არავენ არ აქცევს. ასეთსავე მდგომარეობაშია სოფლების ოყურემისა და მახურას საქონელი“ [20].

სვანეთის შეჭირვებული მდგომარეობის გადმოსაცემად ივ. მარგიანი თავის ორ წერილში აღწერს ცაგერის ბაზრობას, რომელიც აქ ყოველწლიურად იმართებოდა სექტემბრის თვეში:

„ენკენობა (ბაზრობა) ცაგერში იწყება 14 ენკენისთვის და გრძელდება დამლევამდისინ. ამ დროისთვის მოდიან ლაილაშსა, ქუთაისსა, ხონსა, რაჭასა და სამეგრელოდან ვაჭრები, რომელთაც მოაქვთ სხვადასხვა გვარი უბრალო საქონელი და სოფლელებს ძვირფას ნივთებად ატყუებენ. აქ ერეკებიან სვანეთსა და ჩრდილო კავკასიიდან (ესენი მაჰმადიანები არიან) უამრავ ხარსა და ცხენს, რომელიც ბლომად საღდება, მაგრამ რათ გინდათ, მეორე დღეს უთუოდ მოგპარავენ. არსად იმდენი ცხენი არ იპარება, რამდენიც ენკენობის დროს მთელს ლეჩხუმის მაზრაში! ისე რომ ამ ენკენობას ჯერჯერობით ზარალის მეტი არა მოაქვს რა...“ [19]. აქვე ნათქვამია, რომ ლეჩხუმის დამაკავშირებელი მურის ხიდის დაზიანების გამო მებორნეები ქვეითად მოსიარულეს 2 კაპიკს ახდევინებენ, ცხენოსანს კი — 5 კაპიკს. „ენკენობისთვის ბოგირი გააკეთეს კერძო კაცებმა იმ პირობით, რომ, ქვეითისათვის ქირა არ უნდა გადაეხდევინებინათ, მაგრამ პირობა არავენ არ ასრულა“ — დასძენს წერილის ავტორი.

შეიძლებაო? იკითხავს ზოგიერთი მკითხველი. დიახ, სასიამოვნო (ჩემთვის და სხვისთვის არ ვიცი, მკითხველო!) სანახაობას წარმოადგენს საყინულეზედ მოგზაურობა“.

მყინვარის ამგვარი აღწერა და დედაჩემის ერთი მონათხრობი, რომელზედაც ქვემოთ მოგახსენებთ, ვფიქრობ მეტყველებს იმაზე, რომ ივანე მარგიანს გარკვეული გამოცდილება უნდა ჰქონოდა მთამსვლელობაში.

მხედველობაში მაქვს გიორგი ნიკოლაძის თაოსნობით თეთნულდის დალაშქერა 1929 წლის 7 აგვისტოს, რომლის დროსაც დაიდუბნენ სიმონ ჯაფარიძე და პიმენ დვალი. მწვერვალზე ასვლის წინ ჯგუფი გიორგი ნიკოლაძის, სიმონ ჯაფარიძისა და პიმენ დვალის შემადგენლობით სწვევია ივანე მარგიანს თხოვნით — მონაწილეობა მიეღო ამ ექსპედიციაში. დედაჩემის მონათხრობით, ბაბუა, მიუხედავად ასაკისა (57 წლის), მზად იყო გაჰყოლოდა ჯგუფს, მაგრამ ბებია, ვარვარა ბერიძე, ძლივს გადააფიქრებინა ეს განზრახვა. ამ ტრაგედიას რომ ივანე მარგიანი აცდა, დედაჩემი ბებიას წინათგრძნობას უკავშირებდა, თუმცა არსებობდა საფუძვლიანი არგუმენტებიც. ამ დროს ივანე მარგიანს ჯანმრთელობა შერყეული ჰქონდა განვლილ ცხოვრებაში გადატანილი სულიერი ტრავმებით. მისი დისშვილი, თინათინ გვარლიანი-იოსელიანისა იხსენებს, რომ 1926-27 წლებში ივანე მარგიანს რევმატიზმი აწუხებდა და მას „მჟავე წყლის“ თბილი აბაზანებით მკურნალობდა დისშვილი ნინუცა გვიშინი-გვარლიანისა.

კვლავ მინდა დავუბრუნდე ივანე მარგიანის მუდმივი ზრუნვის საგანს — სვანეთის მოსახლეობის მძიმე სოციალურ პრობლემებს.

ამინდის ჭირვეულობისა და მოსახლეობისათვის მისგან მიყენებულ ზარალზე ივ. მარგიანი ქვემო სვანეთში ბლალორინობის პერიოდშიც კვლავ განაგრძობს პრესისთვის ცნობების მიწოდებას: „როგორც ზემოთ მოგახსენეთ, აქეთკენ აპრილში ძლიერ ცუდი ამინდები ღაგვიდგა. 11-17 აპრილამდე სთოვდა. დანარჩენს დღეებში წვიმდა კოკისპირულად თითქმის ორი კვირის განმავლობა-

როგორც ზემოთ მოგახსენეთ, სვანს ფიცი ძლიერა სწამდა და ეხლაც სწამს, მაგრამ ეხლანდელ ფიცს ის არჩევს 'ფიცის ფურცლის ფიცს' (ასე ეძახის ეხლანდელ ფიცის მიღებას). საქმე ის არის, რომ სვანეთში ორგვარი ფიცი იყო: ერთი უბრალო 'ლინბალან' (წარმოსდგა სიტყვა 'ნაბან'-ისგან), – მართლაც ფიცის მიღებისას ხატის ნაბანს ასმევდნენ; მეორე, უფრო მძლავრი ფიცი იყო, 'გარცამ' (წარმოსდგა სიტყვა 'გარდაცემა'-სგან) ეს უკანასკნელი ასე ხდებოდა: გამოასვენებდნენ ეკლესიიდან რომელსამე ძლიერს ხატსა ('უცხვ' – უცხო) და დასვენებდნენ ჯოხზედ, რომლის ქვეშაც უნდა გასულიყვნენ დაფიცებულნი დასამტკიცებლად თავიანთი ფიცისა. ხატის დამჭერი იგივე დამფიცებელი, ამბობდა სვანურად შემდეგს სიტყვებს: 'დიდო ღმერთო! ყოვლის მოწესე (დამბადებელი) შენა ხარ! ეხლა ეს შენა გფიცულობს: თუ გატეხოს და გულში შეცვალოს (ფიცი), – ციდან წვიმა და თოვლი მოდის, მიწიდან მოლი და ბალახი ამოდის; წყალს ქვა მოაქვს; დიდი წყალი ქვიშას იღებს; – შენმა გამტეხმა ამდენი თეთრი ხარი და თეთრი ცხვარი გიძღვნას, მაღალო ღმერთო, მაინც ამის ამოუგდებლად ნუ დადგები: სააქოს სიცოცხლე მოუსპე, ცუდი სენი შეჰყარე, რომ მოკვდეს; საიქიოს ცხონება არ მისცე; ქრისტესათნა წილი ნუ ექნების, ფისის ტბასა და ჭირში ჩააგდე. დღეს მე ამ კაცს ვაფიცებ და ვერ გაიტანოს (არ შეასრულოს), ასე მოეპყარი. ქრისტემ რომ თავისი მოციქულები იახლოს და ღვთის მშობელმა სეფისკვერი მოიღოს, ამა ფიცის გამტეხი კაცის ამოუგდებლად არ დარჩე!'

მართლაც გადაცემასა ჰგავს ეს ფიცი და არცაა საკვირველი, თუ მას ვერც წინადა სტეხავდნენ და ვერც ეხლა.“

ზემოთ მოყვანილი ამონარიდით, მართალია, ჩვენ ოდნავ გავცდით თემას, მაგრამ ეროვნული ბიბლიოთეკის ძველი ჟურნალ-გაზეთების ფონდი ისეთ სავალალო მდგომარეობაშია, რომ მომავალში მოსალოდნელია შეუძლებელი აღმოჩნდეს მათი გამოყენება.

მომდევნო კორესპონდენციაში [20] ივ. მარგიანი კვლავ ეხება ცაგერის ბაზრობის თემას: „მკითხველებს მოეხსენებათ, რომ ცაგერში 'ენკენობა' იმართება ხოლმე. ვერც წლეულს მოგვიტანა რაიმე კეთილი ამ ენკენობა-ბაზრობამ, რომელმაც 14-18 ენკენ. გასტანა. ისევ ის უეაჭრობა, ისევ ის ქურდობა, ჯიბვირობა, უსაქმო კაცების ხეტიალი და ცხენების წვალება-ჯირითი და მეტი არაფერი. ყველაზე უფრო ნაზარალები დარჩნენ სვანები, რომელთაც მსხვილი საქონელი მოსდენეს გასაყიდად, მაგრამ გასაღები-თ-კი ვერა გაასაღეს-რა და თითო საქონელზე ათ-ათი შაური მაინც გადაახდევინეს ბეითალებმა“.

ივანე მარგიანს მოსახლეობის შეჭირვებულ მდგომარეობაზე არანაკლებად აწუხებს მძიმე სოციალური პირობებით გამოწვეული ზნეობის დაქვეითება, რაზედაც გულისტკივილით საუბრობს იგი ზემოთ ციტირებულ 1903 წლის 8 იანვრის წერილში [19]: „მოგახსენეთ, რომ ქურდობა სვანეთშიც გახშირდა-მეთქი. ამან თქვენი ჭირი წაიღოს, სხვაგვარი დანაშაულობაც ბევრია: კაცის ჩეხა, ფიცის გატეხა, მიხდომა, გალანძვლა, მოტაცება, ძალადობა და სხვა. ერთის სიტყვით, ყოველივე ცუდი გადამღებ სენსავით მოედო სვანეთს, მეტადრე ლაშხეთისა (სადადიანო სვანეთშია) და მესტიის (თავისუფალ სვანეთშია) საზოგადოებებს. ყველაზედ უფრო შესამჩნევი გარემოება ფიცის გატეხაა, იმიტომ რომ ძველად სვანს ფიცი ძლიერა სწამდა. ფიცის გატეხვა ძველად ძვირად ხდებოდა და თუ ვინმე გასტეხდა, იმ სოფელში ვეღარ იცხოვრებდა და შორს უნდა გადახვეწილიყო. ამ გარემოების მეოხებით (ფიცის გატეხვით) ბევრი დანაშაული რჩება დაუსჯელად, რადგან მოწმე სიცრუეს დაუზარელად ამბობს. მიზეზად ამ მოვლენისა გაზეთებსა და სასამართლოებში ბევრს რასმეს ასახელებენ, სხვათა შორის, სარწმუნოების დაცემასაც. ვერ ვიტყვით, რომ ამასაც არ ჰქონდეს წილი ამ მოვლენასთან, მხოლოდ ჩვენ მოვიხსენიებთ ერთ გარემოებას.

არ ანახვინებენ სოფელს და მისცემენ როგორმე სახსარს ცხოვრებისას.“

მომდევნო წერილში კვითხულობთ ერთ-ერთი მასწავლებლის 25 წლიანი დაუფასებელი შრომის შესახებ [20]:

„სხვის პიროვნების გათელვის შესახებ საუბარმა გაგვახსენა ერთი ამბავი, რომელიც, კვონებ, უგულოსაც მოჰკვრის სიბრაღულს. ერთი აქაურთაგანი, გვარად პ. ხე-ნი ოცდახუთი წელი მსახურობდა სოფლის მასწავლებლად ხან რაჭას, ხან ლეჩხუმსა და ბოლოს დროს შვიდი წელი სვანეთშიაც (ლაშხეთში). რაც ძალა და ღონე შესწევდა, თავს არ ზოგავდა და 25 წლის განმავლობაში წვრილ-შვილით დატვირთულმა ბევრი წვალება გამოიარა იმ იმედით, რომ ბოლოს რაიმე შემწეობა მიეღო, მაგრამ იმედი გაუცრუვდა. რაღაც უბრალო მიზეზის გამო, რომელიც სრულიად უსაფუძვლოდ მოახვიეს თავზე, სამსახურიდან დაითხოვეს სრულიად უსახსროდა და უღუკმა-პუროდ. წარმოიდგინეთ, მკითხველო, მდგომარეობა ცოლ-შვილით დატვირთულის კაცისა, რომელსაც 25 წელი ხალხის სამსახურში გაუტარებია და ოჯახის კეთილ დღეობისთვის ერთიც არ უზრუნვია, და დღეს კი, სიბერის დროს, უსახსროდ დარჩენილა. აი, ამგვარს მდგომარეობაში ჩავარდნილი იძულებული შეიქმნა სხვაგან წასულიყო და დღიური მუშაობით თავი და ოჯახი ერჩინა. ცალკე ჯაფამ, ცალკე ფიქრმა – ყველა ამან თავისი ქმნა და საცოდავი მასწავლებელი ჭკუიდან შეიშალა. უნდა გენახათ, რა აუწერელს სანახაობას წარმოადგენდა: სახე დაღრეჯოდა, თმა გათეთრებოდა და სიმწრისგან საზარლად ღმუოდა. ეს იყო 25 წლის შრომისა და ჯაფის ჯილდო.“

მოსახლეობის სოციალური პირობების გაუმჯობესებაზე ფიქრმა ივ. მარგიანი მიიყვანა საკრედიტო ამხანაგობის შექმნის იდეამდე და მის რეალურ განხორციელებამდე. ამის შესახებ მოგვითხრობს წერილი სათაურით – „რით ვუშველოთ სოფელს ფულის საჭიროების დროს“ [33].

და ამიტომ ჩავთვალოთ საჭიროდ ფიცის რიტუალის სრულად გადმოხტვლა, ვინიცობაა მომავალში ამით გარკვეული სამსახური გავუწიოთ ეთნოლოგებს.

ივანე მარგიანი გულგრილი არ იყო მართოდენ თავისი მშობლიური კუთხის პრობლემების მიმართ; იმდენად ჰქონდა გათავისებული კონკრეტული პიროვნებებისა და მათი ოჯახების ტრაგედია, რომ თავის წერილებში მოუწოდებდა მთავრობას და საზოგადოებას მათთვის შემწეობის აღმოჩენისაკენ. აი რას წერს იგი ერთ-ერთ კორესპონდენციაში [5]:

„...სხვათა შორის ოთხმა ალპინისტმა 5-10 ენკენისთვის გადააბიჯეს სვანეთით ნალჯიკისკენ, მაგრამ ცუდმა ამინდმა უსწრო და უბედურება დატრიალდა. თვითონ მოგზაურებმა რამდენიმე მხლებლებით ძლიერ მოასწრეს მთაზედ გადაბიჯება, მაგრამ დანარჩენებმა, რომელნიც ბარგს მოსდევდნენ, სვანეთის შეუწყნარებელის ბუნების ძალა გამოსცადეს. თოვლი, ქარბუქი იქამდის გაძლიერებულიყო, რომ ვერც კაცი, ვერც ცხენები ადგილიდან ვერ დაძრულან. ბოლოს სასტიკმა ბუნებამ მაინც თავისი ჰქნა და რამდენიმე მსხვერპლი შეიწირა. აწ განსვენებულმა პლატონ ჯანელიძემ, რომელიც ლეჩხუმის მაზრის სამმართველოში ჰმსახურობდა და მგზავრებს ახლდა, ვერ გაუძლო ამ ძალას, სიცოცხეს გაეყინა და იქვე გაშეშებულიყო, ორ სვანს სიცოცხლის გამო ხელ-ფეხი დასწვოდათ, სამი ცხენი, ჯორი და ორი ვირი იქვე დამკვდარიყვნენ თოვლზედ... ალპინისტებმა უშველეს თავს, მაგრამ რაღა ეშველებათ განსვენებულის წვრილ ცოლ-შვილს? მკონია, ალპინისტების მოგზაურობა იმათ ვერ არჩენს!.. განსვენებულს ბევრი უმსახურია ამგვარ მოგზაურთათვის თავის სიცოცხლეში, ბოლოს დროს მაინც იმათ სამსახურში ამ წუთისოფელს მოაკლდა და ცოლ-შვილი დააობლ-დააქვრივა. ამიტომ ჩემის ფიქრით, იმის ცოლ-შვილს, თუ სადმე სამართალია, შემწეობა უნდა მიეცეს ვისგანაც ჯერ არს. იმედია, ზემოთ მოხსენებული ალპინისტები, როგორც განათლებულნი, წვრილ ცოლ-შვილის ცოდვას

ყოფილი ივ. მარგიანი აღნიშნავს — „ხალხი აღტაცებულია, რომ ამისთანა საქმე მოეწყო“ და მოჰყავს მოსახლეობის მიერ გამოთქმული მაღლიერების სიტყვები: „ბატონო მოძღვარო, ურიის ხელში სული გვძვრებოდა, თუმანი რომ გვდომოდა, სამი თუმნის ვექსილი უნდა მიგვეცა; დროზე რომ მიიტანდი ფულს, მევალე განგებ გვემალებოდა, რომ, რა არის, ვადას გადასცილდეს და ვექსილი გაასაჩივროს! ეხლა გვეშველა! დიდი მაღლობელი ვარ, მამაო, რომ შრომობ ჩვენთვის! რამდენადა ღირს, რომ მევალე ველარ წამართმევს ლუკმას!“.

წერილში ბოლოს საუბარია მომავალ გეგმებზეც: „რადგან ვხედავთ, რომ საქმე კარგად მიდის, გვინდა კოოპერატიულ ნიადაგზე სახმარებელი მაღაზიაც დავაარსოთ, რათა ამით ვაჭრების კლანჭებიდან გამოვძვრეთ...“.

ივ. მარგიანი, როგორც თავისი ქვეყნის ყველა ჭეშმარიტი პატრიოტი, გარდა იმისა, რომ ხალხის ინტერესებს იცავდა, ამასთანავე, ვერ ეგუებოდა მოსახლეობაში ღრმად გამჯდარ ზოგიერთ მავნე ტრადიციასა და ჩვეულებას. ამ წიგნის ფორმატი არ იძლევა საშუალებას, რომ ყველა კონკრეტული მაგალითი გავაშუქოთ. მიუხედავად ამისა, მაინც უნდა შევჩერდეთ ივ. მარგიანის ერთ წერილზე, რომელშიც კარგად იგრძნობა ავტორისათვის დამახასიათებელი მაღალპროფესიული მიდგომა განსახილველი საკითხის მიმართ. ეს არის სტატია — „ორიოდე სიტყვა სვანეთში უკანონოდ შეთვისებულთა შესახებ“ [8]: „ერთმა მაღალი თანამდებობის რუსმა, როდესაც სვანეთის შესახებ შემეკითხა და ნასიამოვნები დარჩა ჩემის პასუხით, აი რა სთქვა: ეგ ყველაფერი კარგი, აქედანვე მაქვს წარმოდგენილი, რომ სვანეთის ბუნება საუცხოო სანახავია, მაგრამ ერთი ნაკლი კი დიდი სჭირს სვანეთს; იმგვარი მოვლენაა, რომელიც სვანეთს ზნეობრივად ამცირებს; ეს არის უკანონოდ შეთვისება და მრავალ-ცოლობა. მე ამ სიტყვებმა ჟრუანტელივით დამიარა. მოვისურვე ამეხსნა მესაუბრისათვის წინააღმდეგი და დამერწმუნებია, რომ ის შეცდომაში შეუყვანიათ,

„ჩვენი სოფელი ფულით ღარიბია. გლეხს ხარი, ან ცხენი მოუკვდა, ანა და სახლი დაეწვა, გადასახადზე ადვიან, გინა სხვა რამ საჭიროება მიაღვა და სამიოდე თუმანი ეჭირვება, ის იძულებული ხდება ხვეწნა მუდარით გაიქცეს სოფლის წურბელასთან და ფული ისესხოს დიდი სარგებლით, რომელიც ხშირად 40-50%-მდე აღის. სვანეთში, მაგალითად, წელიწადში მანეთზედ 60 კაპიკსაც ახდევინებენ სარგებელს. არ უნდა ბევრი საუბარი, რომ გლეხკაცობა ამ მხრით დიდ გასაჭირშია ჩავარდნილი.“

საქმის შევლა კი ადვილია. ამისათვის საჭიროა გაიხსნას საკრედიტო ამხანაგობა, რომელსაც მიზნად ის აქვს, რომ სოფლის მცხოვრებთ საჭიროების დროს შეღავათიან პირობებში მიაწოდოს სესხი.“

ამის შემდეგ წერილის ავტორი იძლევა კონკრეტულ ინსტრუქციას, თუ როგორ უნდა მოხდეს საკრედიტო ამხანაგობის ჩამოყალიბება და მისი ფუნქციონირება. მიუთითებს, რომ სარგებელი გატანილ ვალზე 5-დან 12%-მდე უნდა იყოს.

„ამხანაგობის საქმეები, რომ რიგზე წავიდეს, საჭიროა სათავეში ჩაუდგნენ პატიოსანი, საქმის მოყვარული, მცოდნე და კეთილგონიერნი პირნი. ძლიერ სასურველია სოფლის სამღვდელოებამ მიიღოს მხურვალე მონაწილეობა ამგვარ დაწესებულებაში.“

საჭიროა საქმიანობა, საჭიროა ხელი ჩაეკიდოთ სოფლის კულტურულ ცხოვრებას, დავაარსოთ ამხანაგობანი საკრედიტო, ალკოგოლთან საბრძოლველი, კოოპერატიული, ბიბლიოთეკა-სამკითხველო და სხვანი, სადაც ხალხი მონახავს საუკეთესო საზრდოს“.

ივანე მარგიანს მოჰყავს ცაგერის საკრედიტო ამხანაგობის მაგალითი: „21 ივნისიდან ამა 1912 წლისა ჩვენი მეთაურობითა და სამსონ ასათიანის დიდი მეცადინეობით გაიხსნა საკრედიტო ამხანაგობა, რომლის გამგეობის თავჯდომარედ მე აღმირჩია ერთხმად კრებამ.“ წერილში მოტანილია აგრეთვე ცაგერის საკრედიტო ამხანაგობის მოკლე ფინანსური ანგარიში, რაც ცხადყოფს ამხანაგობის წარმატებულ საქმიანობას. მიღწეულით აშკარად კმა-

2. შენიშნულია, რომ ქალსა და ვაჟს ძალას აყენებენ. ბევრის მითქმა-მოთქმის შემდეგ ვითომ აგონიერებენ და ისე სწერენ ჯვარს. ამგვარს შემთხვევაში მღვდელი ვალდებულია ყურადღება მიაქციოს და ჯვარი არ დაწეროს. თან იმას უნდა ეცადოს, ორივე მხარეს შუა კმაყოფილება ჩამოაგდოს, ჯვარის წერის გარდა.

3. ღაევალთ მღვდლებს აუხსნან მრევლს ჯვარის წერის საიდუმლოს მნიშვნელობა საზოგადოდ და ცოლ-ქმრობისა კერძოდ. ამას რასაკვირველია, მხოლოდ იმისთანა მღვდლები შესძლებენ, რომელთაც სვანური იციან, უფრო ბუნებითი სვანნი.

4. ცვედანების რიცხვი, როგორც ჩივიან ქალები და ხანდახან თვით კაცებიც ამბობენ, სვანეთში ძლიერ ბევრია. თითქმის უმეტესი ნაწილი იმ ცოლთა, რომელთაც კანონიერი ქმარი მიუტოვებიათ და სხვასთან შეთვისებულან უკანონოდ, მიზეზად ქმრის ცვედანობას ასახელებენ (კაცები, რომლებიც ცვედანობის უარს ვერ აცხადებენ, ბრალს ცოლებსა სდებენ და ამბობენ 'ცოლმა მოგვწამლაო'). ამის გამო სასურველია მკურნალების შემწეობით გამოიკვას, თუ რამდენად მართალია ასეთი ბრალდება.

5. ამიერიდან სასტიკად აღეკრძალოთ მოტაცება და ამის ჩამდენი ადმინისტრაციული წესით გადასახლებული იქმნას ვადით სხვა ქვეყანაში.

6. უკანონოდ შეთვისებულთა შორის ურევნიან იმისთანანი, რომელთა განშორება აუცილებლად საჭიროა.

ამით ვათავებთ ჩვენს წერილს და ვიმედოვნებთ, რომ ჩვენი სიტყვები თუ ბევრად ვერავის ვერაფრად გამოადგება, სხვებს მაინც გამოიწვევს საბაასოდ და იმათი ორიოდ სიტყვა საქმეს დაეხმარება.“ – დასძენს ივანე მარგიანი.

მაგრამ რადგან ვიცოდით, რომ მესაუბრეს ვერ ღავაჯერებდი ღავანებე თავი; ავდექი, ჩამოვართვი ხელი და თან მოვახსენე: ნახვამდის, ჩემო ბატონო, მაგრამ ვეცდები მალე შევატყობინოთ ჩემი აზრი ამ საქმის შესახებ და იმედი მაქვს ამ საგანს თქვენ სხვანაირად შეხედავთ, თუმცაღა უარს ვერ ვიტყვი, მართლაც სვანეთში უკანონოდ შეთვისებულთა რიცხვი ბლომად არის მეთქი, ხოლო რაც შეეხება მრავალცოლობას, ეგ სიმართლეს არის მოკლებული“.

წერილი ეხება სვანეთში ერთ დროს გავრცელებულ საზარელ ჩვეულებას: მღვდრობითი სქესის პირმშოს დამშვეით მოკვდინებას, რაც კეთდებოდა იმ ცრუ რწმენის გამო, რომ ამის შემდეგ გაჩნდებოდა ვაჟი. ავტორს მიაჩნია, რომ ამ მოვლენის „უტყუარი მიზეზი ის არის, რომ ყოველი გაუნათლებელი ხალხი მამრობით სქესს აძლევს უპირატესობას მღვდრობითის წინაშე.“ ყოველივე ამან გამოიწვია მღვდრობითი სქესის ხელოვნური შემცირება. მოტანილია 1886 წლის სტატისტიკური სურათი სვანეთის 11 საზოგადოებაში. საშუალოდ მთელ საბოქაულოში ქალები შეადგენდნენ მოსახლეობის 29,6%-ს. ეს გარემოება განაპირობებდა უცოლოების მიერ სხვისი კანონიერი ცოლების ნებით თუ ძალით მოტაცებას ანუ უკანონოდ შეთვისებას. ივ. მარგიანი, განიხილავს რა არსებულ მდგომარეობას და ამ მოვლენის უარყოფით შედეგებს, პუნქტებად აყალიბებს თავის ხედვას ამ მდგომარეობის გამოსასწორებლად, რომლის საფუძველია მიზეზების თავიდან აცილება და არა უხეში ჩარევა და მკაცრი ადმინისტრირება:

„1. ფიცხელი ყურადღება უნდა მიექცეს, რომ ამიერიდან აკვანში არ ინიშნებოდნენ ბავშვები და არც იმ დრომდე, რომელიც დანიშნულია ასაკის დროდ. უნდა დაინიშნონ ხოლმე ჯვარის წერის წინად, ქალ-ვაჟის ნებაყოფილობით“.

* ამ პრობლემას ჯერ კიდევ 1883 წელს აქტიურად გამოეხმაურა ივ. მარგიანის მამა, დეკანოზი გიორგი მარგიანი („დროება“ 25 იანვარი, №17, გვ. 2-3).

რადისა და ივანე მარგიანის მიერ პრესაში გამოქვეყნებულ ეთნოგრაფიული ხასიათის ზოგიერთ წერილს. ავტორები აღნიშნავენ, რომ ივანე მარგიანმა „პირველმა ჩამოაყალიბა ზემო სვანეთის



მოსკოვი. 1928 წ.

სკამებზე სხედან: ჯაჭვლიანი, მურზაყან დაღეშქელიანი, ივანე მარგიანი (გუნდის ხელმძღვანელი), -?, -?;

დგანან: ქავზათ გირგვლიანი, იესავ ფარჯიანი, გადრანი, ათლარ შუკვანი, სიმონ გასვიანი, ბესო ზაჭვანი, მარგველანი, ივეჩიანი, ხარძიანი;

სხედან წინა რიგში: გირგვლიანი, სეზი გულედანი, აბესალომ იოსელიანი, ალექსი ფილფანი.*

სიმღერისა და ცეკვის გუნდი, რომელიც თბილისში ჩამოიყვანა. მათ აქ კონცერტები გამართეს ოპერისა და ბალეტის თეატრში, შემდეგ კი საგასტროლოდ გაემგზავრნენ საბჭოთა კავშირის სხვა ქალაქებში და, სხვათა შორის, მოსკოვში კრემლის სვეტებიან

* გუნდის წევრების ვინაობა დააზუსტა გივი ნიკოლოზის ძე მარგიანმა.

პირველი სვანური ფოლკლორული ანსამბლი

ახალგაზრდობაში დედისგან ხშირად მსმენია, რომ სვანური სიმღერის და ცეკვის გუნდი 1928 წელს ჩამოუყალიბებია და საბჭოთა კავშირის სხვადასხვა ქალაქებში გაუმართავს კონცერტები ბაბუას – ივანე მარგიანს. ოჯახში შემონახული ფოტოები ადასტურებენ ამ ფაქტს, მაგრამ საბჭოთა პერიოდის ოფიციალური პრესა და აუდიო-მედია სვანური სიმღერისა და ცეკვის ანსამბლის პირველ ხელმძღვანელად მურზაყან დაღეშქელიანს მოიხსენიებდა.

ამის მიზეზი იყო ის, რომ ივანე მარგიანმა თავისი ცხოვრების უკანასკნელი წლები საპყრობილეში გაატარა, როგორც პოლიტიკურმა პატიმარმა (ამის შესახებ ზემოთ იყო ნათქვამი).

ივანე მარგიანის დაპატიმრების შემდეგ სვანეთის ეთნოგრაფიულ ანსამბლს სათავეში ჩაუდგა მურზაყან დაღეშქელიანი, რომელსაც მანამდე გუნდის წევრობასთან ერთად ადმინისტრატორის ფუნქციები ჰქონდა დავალებული. შემდეგ იგი შეცვალა პლატონ დაღვანმა. ბუნებრივია, რომ პოლიტპატიმრის, ივანე მარგიანის, სახელი სვანეთის სიმღერისა და ცეკვის ეთნოგრაფიული ანსამბლის ჩამოყალიბების და განვითარების ისტორიაში შემდგომში აღარ მოიხსენიებოდა და არც არავის უცდია ისტორიული სამართლიანობის აღსადგენად არქივიდან ეს თემა სამზეოზე გამოეტანა.

ეს მხოლოდ 1973 წელს მოხერხდა, როცა გიორგი ავალიანმა და გიორგი ზურაბიანმა წიგნში „ეთნოგრაფიული წერილები სვანეთზე“ [36] თავი მოუყარეს ლაზარე დაღუანის,* ბესარიონ ნიჟა-

* ლაზარე დაღუანის შთამომავლობა ამჟამად დაღვანებად იწერებიან [36].

თვით ანსამბლის შექმნის იდეა შესაძლოა ივანე მარგიანს გაუჩნდა 1903 წელს, როდესაც მღვდელმა პოლიევქტოს კარბელაშვილმა სვანეთის ისტორიული და კულტურული მემკვიდრეობის გასაცნობად იმოგზაურა ლეჩხუმ-სვანეთში პროფესორ ალექსანდრე ხაზანაშვილთან და კომპოზიტორ ზაქარია ფალიაშვილთან ერთად. პ. კარბელაშვილის ექსპედიციას გარკვეულ მონაკვეთზე მეგზურობას უწევდა იმ დროს ლაშხეთის ოლქის ბლალოჩინი ივანე მარგიანი. კარბელაშვილის დღიურების სერიაში „სვანეთში ორი კვირით“ ხშირად შეხვდებით ინფორმაციას იმის შესახებ, რომ სხვადასხვა ოჯახებში სტუმრობისას მოისმინეს და ჩაიწერეს სვანური სიმღერები.

გაზეთი „კომუნისტი“ 1928 წლის 13 ივლისს იუწყება: „სვანური ხალხური სიმღერების ჩასაწერად სახელმწიფო კონსერვატორიის მიერ ლარისა ქუთათელაძის ხელმძღვანელობით გაგზავნილი ექსპედიცია უკვე ჩავიდა სვანეთში. კონსერვატორიის ცნობით, ექსპედიცია ამჟამად მუშაობს ლახაშულაში“.

მოგვიანებით თვით ივანე მარგიანი, აჯამებს რა სვანების მომღერალთა გუნდის გამოსვლებს თბილისის სახელმწიფო ოპერის თეატრში და ერევანში, 1928 წლის 13 ნოემბრის გაზეთში „კომუნისტი“ [34] წერს: „სვანური (ძველი ქართული) სიმღერების ფართო საზოგადოებისადმი გაცნობისა და გუნდის შექმნის იდეა დაიბადა სვანეთში ამ რამდენიმე წლის წინედ, მაგრამ მას საძირკველი ჩაეყარა წელს სახელმწიფო კონსერვატორიის პრორექტორის ლარისა ქუთათელაძის სვანეთში მოსვლით; მას ბევრი ღვაწლი მიუძღვის ამ საქმის დაგვირგვინებაში. მის განხორციელებას ხელი შეუწყო აგრეთვე სვანეთში საბჭოთა რუსეთიდან მგზავრების (დენისოვა, ლობაჩოვი და სხვ.) მოსვლამაც. მათ გამოსთქვეს სურვილი მოგვეზდინა სიმღერების დემონსტრაცია მოსკოვ-ლენინგრადისა და საბჭოთა კავშირის სხვა ადგილებში, ვინაიდან ამ საქმეს ისინი აძლევენ ეთნოგრაფიულ და პოლიტიკურ მნიშვნელობას.“

დარბაზშიც წარდგნენ მაყურებლის წინაშე“. მოგვიანებით გამოქვეყნდა 1928 წლის ქართულ და რუსულ პრესაში მოძიებულ მასალებზე აგებული ჩემი წერილები, რომლებიც ცალსახად ადასტურებენ ივანე მარგიანის მიერ პირველი სვანური ფოლკლორული ანსამბლის ჩამოყალიბების ფაქტს [58; 59].



თბილისი. პიონერთა სასახლის ეზო. 1928 წ.
(სამოქალაქო ტანსაცმელში კიბის თავში დგას ივანე მარგიანი, მისგან მარცხნივ მურზაყან დადემქელიანია)

ანსამბლის ჩამოყალიბებას, როგორც ირკვევა, ბიძგი მისცა თბილისის სახელმწიფო კონსერვატორიის ექსპედიციამ სვანეთში.

სიმღერების მოსმენისა. აღსანიშნავია ის გარემოება, რომ ეს პირველი შემთხვევაა, როდესაც სვანეთიდან მომღერალთა გუნდი გამოდის სცენაზე“ [63] (ხაზგასმა ჩემია — თ. ლ.).



სვან მომღერალთა გუნდი თბილისში. 1928 წ.
ცენტრში — ივანე მარგიანი, უკანა რიგში მარცხნიდან მეოთხე და
შუა რიგში მარჯვნიდან მეორე — ძმები ბუთული და ვალო
მარგიანები (ივ. მარგიანის ძმისშვილები)

ამ მასალებიდან ირკვევა, რომ 1928 წლის ოქტომბერში თბილისში ჩამოსული მომღერალთა გუნდი პირველი სვანური ანსამბლია და მისი ჩამომყალიბებელია ივანე მარგიანი.

იმავე წერილში ავტორი („სვანი“) განმარტავს სვანური სიმღერების შინაარსს: „სიმღერები საგმირო ხასიათისა: სვანი უმეტეს წილად გმირობა-ვაჟკაცობას უმღერის, სიყვარულზე ის ნაკლებად მღერის, მაგრამ აქაც გმირობაა ჩაქსოვილი. მრავალი ასეული წლების წინეთ სვანი ისე მღეროდა, როგორც ახლა მღერის.

ამის შემდეგ ივანე მარგიანი აღწერს, თუ როგორ მოხერხდა გუნდის გამგზავრება თბილისში და შემდეგ ერევანში — „20 კაცისაგან შემდგარმა გუნდმა თავს იდვა ამ საძნელო და სიმპატიური საქმის განხორციელება. ცოტა ფულით (ადგილობრივმა აღმასკომმა და კოოპერ. გამგეობამ მოგვცეს ავანსი 500 მანეთამდე) იგი ჩამოვიდა თბილისში. საოპერო თეატრში 26 ოქტომბერს ჩატარებულმა კონცერტმა დაგვანახა, თუ რა შთაბეჭდილება მოახდინა მსმენელებზე სვანურმა ცეკვა-სიმღერამ და საკრავებმა. ერევანში სამჯერ გამართულმა კონცერტმაც მოლოდინს გადააჭარბა და საზოგადოება დიდი აღტაცებით მიეგება გუნდს. სვანურმა გუნდმა ფართო საზოგადოებას უჩვენა ძველი ხალხური ცეკვა-სიმღერა და საკრავები ისე, როგორც ამას მღერის სვანი სახნისთან, ჭირში და ლხინში. ეს მისი დიდი დამსახურებაა. საჭიროა მას აღმოეჩინოს ფინანსური და მორალური დახმარება“ [34].

გაზეთში „კომუნისტი“ (1928.26.10) გამოქვეყნებულ წერილში „სვანების მომღერალთა გუნდი“, რომელსაც ხელს აწერს „სვანი“ (აქ: აკაკი მარგიანი — თ. ლ.), მოთავსებულია ივანე მარგიანის მიერ ჩამოყალიბებული გუნდის ფოტო. სურათის ცენტრში ზის ივანე მარგიანი სამოქალაქო ტანსაცმელში, მის ხელმარჯვნივ — მურზაყან დადემქელიანი. სურათზე ამოვიცანით პოეტ რევაზ მარგიანის ალალი ბიძები ვალო და ბუთული მარგიანები. წერილში აღნიშნულია, რომ „სვანეთიდან თბილისში ჩამოვიდა 18 კაცისგან შემდგარი მომღერალთა გუნდი, რომელიც დღეს ოპერის თეატრში გამართავს კონცერტს. შესრულებული იქნება სვანური სიმღერები, ფერხული, შუშპარა; სვანები დაუკრავენ აგრეთვე ჩანგსა და ჭიანურზე. გუნდის მიზანია გააცნოს ფართო საზოგადოებას სვანური ხალხური სიმღერები, რომელთაც მრავალი ასეული წლების ისტორია აქვს. გუნდი შესდგება გლეხებისაგან, მას ხელმძღვანელობს სვანი ივ. მარგიანი, გუნდი მიემგზავრება მოსკოვ-ლენინგრადში, სადაც გამოითქვა სურვილი სვანური

თარი' – რაც მუსიკოს-სპეციალისტებისათვის ძალიან საინტერესო უნდა იყოს.

სვანეთის ბუნებამ თავისი კვალი დაამჩნია სვანების ეროვნულ კოკალურ მუსიკას. საფერხულ სიმღერები და საცეკვაო მუსიკაც კი დიდ წილად გაჟღერებულია სვანეთის მთების სიმკაცრით და ჩვეულებრივთან შედარებით დაბალ ტემპში სრულდება.

რამდენადმე განსხვავებული შთაბეჭდილება მოახდინა ინსტრუმენტულმა მუსიკამ: საოცრად რბილად, ლამაზად ჟღერდა თავისებური სვანური ინსტრუმენტები.

შემსრულებლებს – გუნდს, მოცეკვავეებს, დამკვრელებს დიდი მოწონებით შეხვდნენ – (სედოი).

გუნდის მომზადების დონეზე მეტყველებს 1928 წლის გაზეთის „იზვესტია“ – 28 ნოემბრის ნომერში გამოქვეყნებული ს. ბუგოსლავსკისა და ვ. ივინგის სტატიები „სვანების მუსიკა და ცეკვები“ [65]. ჩვენი აზრით, ეს არის მაშინდელ პრესაში გამოქვეყნებული ერთ-ერთი ყველაზე პროფესიული ხასიათის სტატია, რომელიც აშუქებს გუნდის მუსიკალურ და ქორეოგრაფიულ ღირსებებს. მასში ვკითხულობთ:

„სოფილ“-ის მიერ ორგანიზებულ ეთნოგრაფიულ სადამოზე ნაჩვენები იყო საქართველოს სსრ ლეჩხუმის მაზრაში მცხოვრები სვანების ტომის თავისებური მუსიკალურ-ყოფითი ხელოვნება. სიმღერების, ინსტრუმენტული ნომრების და ცეკვების შემსრულებლად წარმოსდგა სვან მამაკაცთა გუნდი. ჩვენ დავესწარით სვანებში შემონახულ ძალიან ძველი მუსიკალური კულტურის ჩვენებას. აქ ჯერ არ არის განცალკევებული სიმღერა, ცეკვა, მოქმედება, სვანური სიმღერების ბგერათრივი მცირე მოცულობისაა, მელოდიური ფრაგმენტები შეკუმშულ-ლაკონიური და სადაა.

სვანების სიმღერაზე არავითარი გავლენა არ მოუხდენია კავკასიაში გაბატონებულ არაბულ-სპარსულ მუსიკას. სვანეთის სიმღერა – ეპიკურად წყნარია, პირქუშია, მკაცრად დიატონურია (ანუ ბგერათრივში ძირითადად ტონებია და მხოლოდ ერთი-ორი ნახე-

სვანეთის განსაკუთრებული გეოგრაფიული პირობების (კარჩაკეტილობა) გამო სიმღერები დღემდე შენახულია შეუღახავად. სიმღერების მუსიკალური მხარე მდიდარია ჰანგებით და მსმენელზე ღრმა შთაბეჭდილებას სტოვებს.“

ყურადღების ღირსია ის ფაქტი, რომ გუნდს, რომელსაც ივანე მარგიანი ხელმძღვანელობდა, იმდენად ფართო რეპერტუარი ჰქონია, რომ საკონცერტო სადამოებს მთლიანად ავსებდა. 1928 წლის 25 ოქტომბრის „ზარია ვოსტოკა“ იტყობინებოდა, რომ: „26 ოქტომბერს სახ. ოპერაში შედგება ხალხური სვანური სიმღერის გუნდის პირველი კონცერტი. პროგრამაშია მხოლოდ სვანური ხალხური სიმღერები.“

ოპერაში გამართულ კონცერტს გამოეხმაურა გაზეთი „რაბოჩაია პრავდა“ (1928, 28 ოქტომბერი)[64]:

„სახელმწიფო ოპერის თეატრში 26 ოქტომბერს გამართულ სვანეთის ხალხურ მომღერალთა და მუსიკოსთა გუნდის კონცერტს უნდა მივესალმოთ, როგორც უდავო კულტურული მნიშვნელობის მოვლენას. სვანების კულტურული მიღწევების შესახებ, რომლებიც გეოგრაფიული მდებარეობის მიხედვით ასე ახლოს არიან ჩვენთან, მაგრამ ასე შორს (სულ უკანასკნელ დრომდე!) ზამთრის თვეების განმავლობაში კულტურულ სამყაროსთან ურთიერთობისაგან მათი მოწყვეტილობის მიხედვით, უმეტესობამ იცოდა მხოლოდ ყურმოკვრით და არა მათ კულტურასთან უშუალო ზიარებით.

საანგარიშო კონცერტი ძალიან საინტერესო გამოდგა არა მხოლოდ ეთნოგრაფიული, არამედ წმინდა მუსიკალური თვალსაზრისითაც. სვანური ჰანგების სილამაზე გუნდის მიერ გამოვლინდა დახვეწილად და ბრწყინვალედ. სვანების მუსიკა მეტყველებს ამ ხალხის უძველეს და საკმაოდ განვითარებულ კულტურაზე; ეს მუსიკა ეფუძნება ჩვენთვის (ევროპული მუსიკის ნიმუშებზე აღზრდილებისათვის) ახალ ჰარმონიას, ზოგჯერ ყურის 'მჭრელს'... მაგრამ მასში ბევრია კოლორიტულობა, ბევრია 'საკუ-

თითქმის უზადო სიზუსტით, რაც დაამშვენებდა ჩვენს კორდებალეტს. ზოგჯერ ფერხულის წრეში შემოდის ერთი ან ერთბაშად ორი მოცეკვავე, რომლებიც იშვიათად ცეკვავენ ხელჩაკიდებულნი, არამედ უფრო ხშირად ერთმანეთის პირისპირ. ფეხების მოძრაობა აქ უფრო მრავალფეროვანია, ვიდრე ფერხულში. აქ შეხვედრებით ცერებზე შეხტომასაც (пукнты), რაც ჩვეულებრივ მხოლოდ ცეკვის ხელოვნური ფორმისათვის ანუ კლასიკური ბალეტისათვის არის დამახასიათებელი. შეუდარებელი სირბილე, სიმაღლე და ძალა ცეკვას საუცხოო შნოს ანიჭებენ. ყოველნაირად უნდა მივესალმოთ 'სოფილ'-ის თაოსნობას აჩვენოს მოსკოვს ეროვნულ უმცირესობათა ცეკვები. ისეთი ცეკვების ჩვენებამ, როგორც სვანურია, ბევრი რამ შეიძლება მისცეს იმ ჩვენ ბალეტმეისტერებს, რომლებიც ისურვებდნენ თავიანთი დადგმებისათვის გამოეყენებინათ ნამდვილი კავკასიური ცეკვები“.

ვ. ივინგი

ამ სიტყვების წაკითხვამ გამახსენა, რომ სვანეთში ყოფნისას ტყეში მაჩვენეს ადგილი, სადაც თურმე ივანე მარგიანი გუნდს ავარჯიშებდა. როგორც თვითმხილველები აღნიშნავდნენ, მას გაბმული ჰქონდა თოკები სხვადასხვა მოძრაობის შეზღუდვა-დაფიქსირებისათვის.

ივანე მარგიანის ოჯახში შემორჩენილია მოსკოვის გასტროლების დროს გადაღებული ფოტო, რომლის უკანა გვერდზე იკითხება გუნდის არასრული სია: ხელმძღვანელი – ივანე მარგიანი (სურათის ცენტრში). მონაწილენი: მურზაყან დადემქელიანი (ივ. მარგიანის მარჯვნივ), სიმონ გასვიანი, ალექსი ფილფანი, სები გულელდანი, აბესალომ იოსელიანი, ბესო ხაჭვანი, იესავ ფარჯიანი, ხარძიანი, მარგველანი, მაზარ გადრანი, ათლარ შუკვანი, გირგვლიანი, ივეჩიანი, ჯაჭვლიანი, ქავზაი გირგვლიანი.*

* გუნდის არასრული შემადგენლობა დაზუსტებულია ივანე მარგიანის ძმისშვილის, გივი ნიკოლოზის ძე მარგიანის მიერ. იხ. ფოტო გვ. 123.

ვარტონი), თავისუფალია დახვეწილი მელოდიური კაზმულობისაგან, ახასიათებს მარტივი რიტმი.

სვანეთის სიმღერების თავისებურებების ნიშანია აღმოსავლეთ საქართველოს სიმღერებისათვის დამახასიათებელი სამხმიანი აკორდული წყობა.

მამაკაცთა გუნდში ზედმიწევნით სუფთად (ეგრეთ წოდებულ 'ნატურალურ' ბგერათა სისტემაში) ჟღერს მაჟორული და მინორული სამხმოვანება და იშვიათად დისონირებული ბგერათშეთანხმებები; მკაცრად ისმის პარალელური სამხმოვანებები. სვანების სიმღერაში ნათლად აირეკლა მათი მებრძოლი ყოფა (ბრძოლა გარეშე მტრებთან და თავადებთან).“

სერგეი ბუგოსლავსკი

სვანურ ცეკვებს იმავე სათაურის ქვეშ აანალიზებს ვ. ივინგი. მისი შეფასებები იმდენად მოულოდნელია, რომ გაკვირვებული რჩები – როგორ მოახერხა პროვინციული ანსამბლის ხელმძღვანელმა გუნდის ასეთ მაღალ პროფესიულ დონეზე მომზადება (ნუ დავივიწყებთ იმასაც, რომ გუნდის მზადება დაწყებულია იმავე წლის ზაფხულში):

„სვანების ცეკვები პირობითად შეიძლება დაიყოს სამ ნაწილად: გასართობი ხასიათის, მხედრული და კულტურული.

ცეკვების ფორმებიდან ჭარბობს ფერხული. მონაწილეები ერთმანეთის წელზე ხელჩაკიდებულები ჩვეულებრივ განლაგდებიან წრეზე, ნელი რხევით ათანაბრებენ ერთმანეთს შორის მანძილს, რის შემდეგაც საერთო სიმღერის ქვეშ იწყება ცეკვა. ფერხული საზოგადოდ მოძრაობს მარცხნიდან მარჯვნივ, თუ არ ჩავთვლით ნაწილობრივ საპირისპირო მოძრაობას, რაც გამოწვეულია მარცხენა ფეხიდან შესრულებული ფიგურებით. ტემპი თანდათან უფრო ვითარდება. მოცეკვავეთა წრე ხან შეიკვრება, ხან ფართოვდება. მოძრაობის საერთო ქარგის სიმარტივის მიუხედავად, ყველა სვანი ერთსა და იმავე მოძრაობას ერთდროულად ასრულებს

როვნებები, რომელთა თაოსნობით იკრიბებოდნენ სვანური სიმღერის მცოდნე თანამოაზრე ადამიანები პატარ-პატარა გუნდებად. ამას უთუოდ ხელს უწყობდა სვანეთში გავრცელებული ზარის შესრულების ტრადიცია მიცვალებულის პანაშვიდზე და დასაფლავების დროს.

სხვა საქმეა ივანე მარგიანის მიერ იმდროინდელი ზემო სვანეთის გამორჩეული სვანი მომღერალ-მოცეკვავეების, ხალხურ საკრავებზე შემსრულებლების ოცკაციანი ანსამბლის ჩამოყალიბება 1928 წლის ზაფხულში, სისტემატური რეპეტიციების გამართვა და ფართო საზოგადოებისათვის სვანური ცეკვისა და სიმღერის ნიმუშების გაცნობის მიზნით ოქტომბერ-ნოემბერში თბილისში, ერევანში, მოსკოვსა და ლენინგრადში გუნდის გასტროლების ორგანიზება.

ივანე მარგიანის ერთ-ერთი შეილიშვილი, ნელი მარგიანი-ასამბაძისა, იხსენებს, რომ მისი მამის, დიდიმ მარგიანის, ოჯახში შემონახული იყო ივანე მარგიანის ხელმძღვანელობით შესრულებული სვანური სიმღერების გრამფირფიტები, რომლებიც დროებით სარგებლობისათვის წაუღია ჩვენთვის უცნობ ეთნოგრაფს და შემდგომ აღარ დაუბრუნებია (თუ შემთხვევით სადმე შემონახულია ეს ფირფიტები, უმორჩილესი თხოვნაა, დაუბრუნდეს ისინი ქართული ხალხური სიმღერის საერთაშორისო ცენტრს). უკანასკნელ ხანებში ბატონ ანზორ ერქომაიშვილის ძალისხმევით შესაძლებელი გახდა მოსკოვის ცენტრალურ ფონოარქივში მიკვლეულიყო ივანე მარგიანის გუნდის მიერ შესრულებული რვა სიმღერის ჩანაწერი.

1928 წლის 4 ნოემბერს გაზეთი „კომუნისტი“ აქვეყნებს „ი. მ-ნი“-ს წერილს [35] სათაურით „მომღერალ სვანთა გუნდი სტუმრად მესანგრეთა ასეულთან“.

„29 ოქტომბერს სვანების მომღერალთა გუნდმა მესანგრეთა ასეულის პატივსაცემად ასეულის კლუბში გამართა უფასო კონცერტი. ეს ის ასეულია, რომელმაც ბევრი შრომა გასწია ჯვარის მიმართულებით გზის გაყვანაზე და რომელიც შეფათ აყვანილი ჰყავს სვანეთში მულახის თემს. მესანგრეთა რაზმი ალტაცებით შეხვდა გუნდს. პირველად მოკლე სიტყვით გამოვიდა გუნდის მონაწილე ამხ. ს. გულედანი, რომელმაც მადლობით აღნიშნა მესანგრეთა ღვაწლი სვანეთის გზის გაყვანაში და გამოსთქვა სურვილი მტკიცე განუყრელი კავშირისა სვანეთსა და ასეულს შორის. შემდეგ გაიმართა კონცერტი, რომელმაც კარგი შთაბეჭდილება დასტოვა მსმენელებზე. კონცერტის დასრულებისას სამადლობელი სიტყვით გამოვიდა ამხ. ფოკინი, რომელმაც აუწერა მსმენელებს სვანეთის მღვდმარეობა. ბოლოს ასეულმა შეასრულა სიმღერა გუნდის პატივსაცემად 'ჩვენი გზა დიდია', რომელიც მესანგრეთა მიერ პირველად ნამღერევი იყო სვანეთში ყოფნის დროს და რომელშიაც სვანეთის ბუნებასთან ერთად აღწერილია მესანგრეთა მუშაობის სიმძნელენი გზის გაყვანის დროს. მესანგრეებმა დიდი ალტაცებით გაისტუმრეს გუნდი, რომელმაც 'ოშორერას' (მარში) სიმღერით დასტოვა დარბაზი.“

ამრიგად, 1927-1929 წლების ქართული და რუსული პრესის გაცნობა საშუალებას იძლევა დავასკვნათ, რომ ქართული მუსიკალური ფოლკლორის ისტორიაში პირველად ივანე მარგიანმა ჩამოაყალიბა სვანური ეთნოგრაფიული გუნდი და გააცნო ფართო საზოგადოებას ამ კუთხის ცეკვისა და სიმღერის ნიმუშები.

სვანურ ხალხურ სიმღერებს მრავალი ასეული წლის ისტორია აქვს და ამიტომ ზემოთ ნათქვამი სრულებითაც არ ნიშნავს იმას, რომ უფრო ადრე, სვანეთის სხვადასხვა კუთხეში, სხვადასხვა პერიოდში არ იყვნენ მუსიკალური ნიჭით გამორჩეული პი-

ხმამალა გაჰკიოდა და ხან მიდუმდებოდა, თითქო ისვენებო, და იქაურობას აღვიძებდა. ლატფარის მთაც ამავე სანახაობას წარმოადგენდა; ის თავის სიმაღლიდგან სიამაყით გადმოსცქეროდა არემარეს და დილის მზის სხივების გვირგვინი შემოეკრიფა; აქა-იქ ეაკეებში, სადაც მზეს თავისი სხივები საკმარისად ვერ მიეწვდინა, ისევ დარჩენილიყო თოვლი და იქაურობას სულ სხვა ფერს აძლევდა. წმინდა ანკარა წყაროები ჩამოჩხუხუხებდნენ და რაღაცა გამოუთქმელი სიტყვებით უაღერსებდნენ კაცის ყურს; მთის ჩიტებსაც გამოეღვიძნათ და ჭიკჭიკით ქებას უძღვნიდნენ ბუნების ძალა-გამძენს. მშვენიერი დღე იყო, ერთი იმისთანა დღეთაგანი, რომელსაც კაცი ნეტარებაში შეჰყავს და სიამოვნებას აღუძრავს მთელს სხეულში. სიჩუმე მეფობდა, რომელსაც ხანდახან არღვევდა მდ. ინგურის ღრიალი და ყორნის უშნო დამაღონებელი ყრანტალი. სანატრელია ამ დროს ამ ადგილებში ყოფნა. მათ იმისთანა ზეგავლენა აქვთ კაცზედ, რომ ეს უკანასკნელი უნებლიეთ ემორჩილება მათ ბუნების ძალას და სიამოვნებას ეძლევა; ისინი ამგვარად არამც თუ მარტო ადამიანზედ, არამედ პირუტყვებზედაც კი მოქმედებენ. მართლაც, როგორ არ უნდა მიიზიდოს პატიოსანი პირუტყვები მსუქანმა, ნოყიერმა მწვანე ბალახმა, შემკულმა ათას ფეროვანი ყვავილებით და სურნელებით?.. როგორ არ უნდა მოზიბლონ ამ გვარმა ადგილებმა მათი გული?

აგერ უეცრად ერთს ფრიალო კლდის წვეროზედ გამოჩნდა ხარლალი, რომელიც ისე გამოიხნიქა კლდეზე, რომ კაცი იფიქრებდა – გადმოვარდნას აპირებსო; მაგრამ ის ერთბაშად შედგა და ამაყად დაიწყო იქით-აქეთ ცქერა. რა თავისუფლებასა ჰგრძნობდა ამ დროს ეს პატიოსანი პირუტყვი, მკითხველო!.. მე და შენ როდის ველირსებით ამგვარ თავისუფლებას! ამ დროს მისი გული გარდა ნეტარებისა, პატიოსნებისა, უმანკოებისა, თავისუფლებისა, სიყვარულისა და გულჩვილობისა არა რას გრძნობდა, მის გულში

ივ. მარგიანის ლიტერატურული მემკვიდრეობიდან

*

მაგის რა ბრალია?!
(ფსიქოლოგიური ეტიუდი
სვანეთის ცხოვრებიდან)

თიბათვის ცხელი დღეები იდგა... ცა სარკესავით მოწმენდილიყო და კაშკაში გაჰქონდა; ღრუბლების ნატამალიც არ მოსჩანდა მის სივრცეში; მხოლოდ ხანდახან მაღალ მთის წვეროზედ გამოჩნდებოდა ღრუბლის ნაჭერი და ისევ მალე გაჰქერებოდა, მიიმალებოდა, იქ, სადაც შორს, ზესენელში. იქით-აქეთ სვანეთს უზარმაზარი მთები ამაყად გადასცქეროდნენ. დიდი ხანია ამ მთებს არ გადაუხდიათ თავზე ნისლის ზეწარი და ახლა, დარწმუნებული თავის სიმშვენიერეში, თითქოს გვეუბნებიან: „მოდით დასტკბით ჩვენის სილამაზით, სანამდის დრო გაქვთ, თორემ ისევ ნისლითა და ბურუსით შევიმოსებითო!..“

ღიახ, მთებს მართლაც გადაეხადათ ზამთრის ზეწარი და მშვენიერ სანახაობას წარმოადგენდნენ... პატარა ღიღს შეჰხაროდა და დიდი პატარას, გამდნარი თოვლის წყალი ჩხრიალ-კრიალით მირობოდა ბარისაკენ, თანდათან დიდდებოდა და ბოლოს, უერთდებოდა გამხეცებულ ინგურს, რომელიც ათას ნაჩქერებს ისროდა, ქვიდან ქვაზე ქურციკივით ხტოდა, ჰქაფდებოდა, იკვრებოდა ბურთივით, იბნეოდა წვრილ ნამად და ნაზი ფერადით აჭრელეულ ბალახიან ველებს რწყავდა, თან გაჰქონდა მედიდური გრიალი, რომელიც ხან

მოწინავემ თავისთვის ჩაიბუტბუტა „შეენდბავე ჯაარხ“ (შეგინდოსთ ღმერთმა) და გაუდგა გზას. ორნივე მგზავრნი დაღონებულნი მიაბიჯებდნენ, ხმას არ იღებდნენ და სახეზედ მჭმუნვარება ეტყობოდათ. აშკარა იყო რომ ორივეს რაღაც დარდები აწვათ გულზე. როდესაც მგზავრები მიუახლოვდნენ იმ ადგილს, სადაც ჯიხვის ჯოგი იყო გაფანტული, უცბათ მოწინავე ჯიხვმა ასწია თავი მაღლა, ამაყად გადაიხედა იმ მხარისკენ, საიდანაც მგზავრები მოდიოდნენ, მერე რაღაც უცნაური ხმაურობა ამოუშვა, გაიქნია თავი, მრისხანე სახე მიიღო, თითქოს ემუქრებოდა თავის ნეტარების დამრღვევს და აუდგა აღმართს. მას დაედევნა მთელი ჯოგი და რამოდენიმე წუთის შემდეგ მიიმალა. მგზავრებმა ძალაუნებურად მოჰკრეს თვალი ჯოგსა, მაგრამ ორნივე ისე შეეპყრო რაღაც ფიქრებს, ორნივე ისე დაღონებულნი მიდიოდნენ, რომ არც ერთმა არ მიაქცია მას ყურადღება. სვანი ძნელათ თუ გაუშვებს ხელითგან ამისთანა შემთხვევას, რომ არ ისარგებლოს მით და რომ ერთი „ნათხვიარე“ (ნანადირევი) მაინც არ გადმოავდოს, მარა აქამდის არ სცალოდა ჩვენს მგზავრებს. ისინი სულ სხვაზე ფიქრობდნენ. რა იყო მიზეზი მგზავრების მჭმუნვარებისა, ჩაფიქრებისა? რას შეეპყრო ორთავეს გული? ქალის ზანტი წყნარი სიარული, მოდილო მუცელი, დამჭლევებული ღოყები და წითელი ცხვირი ამტკიცებდა, რომ ის არა ჩვეულებრივს მდგომარეობაში უნდა ყოფილიყო... დიახ ის ამაყად ავადმყოფი იყო... მაგრამ განა ავადმყოფობა ამისთანა დაღს დაასვამს ადამიანს?! ის ნელნელა მიაბიჯებდა, ხან, რომ ვეღარ შესძლებდა სიარულს, შესდგებოდა, ხან გაუჩქარებდა ფეხს, მაგრამ მალე დასუსტდებოდა და ისევ შეჩერდებოდა, ზოგან დაქანცული დაეცემოდა დედა მიწაზედ და ქვითინს მოჰყვებოდა. როგორც გამოცდილება ამტკიცებს, ყოველგვარ მწუხარებას ცრემლები უფრო შეამსუბუქებენ ხოლმე, საცოდავი ქალიც ამ აზრს დასთანხმებოდა და დაპაღუპით გად-

არ ჰქონდა ადგილი არც მტარვალობას, არც უსამართლობას, არც სხვა ცუდ აზრებს! ასე ამაყად აეღო მაღალი თავი და თითქოს ღმერთს მაღლობას სწირავდა თავისუფლების მონიჭებისათვის, შემდეგ ხან ძირს დაუშვებდა თავს და ხან მაღლა ასწევდა. გავიდა რამოდენიმე წამი და იმავე კლდის წვეროზე გამოჩნდა ჯიხვის ჯოგი, რომელიც ისეთს მშვენიერ სანახაობას წარმოადგენდა, რომ ადამიანს რაც უნდა წყლული გული ჰქონოდა, დაამშვიდებდა. ჯოგი მოწინავე ჯიხვის თაოსნობით პატარა ხანს შეჩერდა, შეუშვირა გული გამაგრებულ ნიავეს, მერმე იქით-აქეთ გაიფანტა, ერთი კლდიდან მეორეზე გადახტა და ბალახს დაუწყო წიწკნა. ეს გადახტომ-გადმოხტომა ისე მარდათ ხდებოდა, რომ კაცს გააკვირებდა; პაწაწინა ჯიხვებიც ღიდებს ჰბამავდნენ და თავისუფლად ნავარდობდნენ. აგერ ერთს ადგილას პაწაწინა ჯიხვი შეჩერდა, რადგან მეორე ადგილას გადახტომა ვერ მოახერხა, და ცქმუტუნი შექმნა; უფროსი ჯიხვი მოუბრუნდა და, წაუწოდა თავისი მოკაუჭებული მსხვილი რქები, პატარამ თავისი მხრით მოსდო რქები უფროსის რქებს, ამ უკანასკნელმა ასწია მაღლა თავი და ერთი თვალის დახამხამებაში თავისი საყვარელი შვილი მეორე მხარეს გადმოსვა; ისინი მხიარულებაში და ნეტარებაში იყვნენ... ბუნებაც მხიარულობდა და ხელს უწყობდა მათ.

კაცი რომ შორიდან ამ მთის ქედს დააკვირდეს, შეამჩნევს დაკლაკნილ ვიწრო ბილიკს, რომლით სიარული თუ არა შეჩვეულ სვანს, სხვას ძალიან გაუჭირდება. აი სწორედ ამ გზაზედ იმ დროს, როდესაც პატიოსანნი პირუტყვნი ნეტარებაში იყვნენ, გამოჩნდა ორი ჩრდილი; მოწინავეს მოხერხებული და ღინჯი სიარული ამტკიცებდა, რომ ის ამ მთის შვილი უნდა ყოფილიყო და მამაკაცის სქესს ეკუთვნოდა, აგერ მგზავრნი ისევ ჩამოეფარნენ გორაკს, მერე კიდევ გამოჩნდნენ და იმავე სახით განაგრძეს სიარული. ერთს ოდნავ ჩაღრმავებულ ადგილს რომ გაუსწორდნენ,

კენესა მოჰყვა, გული მალ-მალ უცემდა და თავისუფლად ამოსუნთქვას უშლიდა. ვინ იცის, მკითხველო, რასა ჰგრძნობდა ამ დროს ეს საწყალი სუსტი არსება?... ვინ იცის, რა სტანჯავდა მას, რა ჰქეჯნიდა მაჯლაჯუნასავით?..

ეს რომ ამ მდგომარეობაში იყო, უღმობელი ძმა სასტიკათ ჰკიცხავდა მას და ეუბნებოდა: — ახია, შენზედ ახია, შენ შეარცხვინე პატიოსანი ოჯახი. შეარცხვინე შენი ძმა, ის მამა, რომელმაც გამოგზარდა, რომელიც მთელს ხევში პატიოსნებითაა განთქმული, შენ შებღალე დედაშენის ხსენება, სული, შენ შეარცხვინე შენი ძმები, დები, ნათესავები, შემარცხვინე მეც, შენი ძმა... რომელიც მთელი ოჯახის პატიოსნებით ვამაყობდი და რომელსაც ყველგან დიდი მიღება და სალაში მქონდა, მაგრამ იცოდე, რომ ამიერიდან შენ ჩემი და აღარ ხარ და მე შენი ძმა!.. რა პასუხს აძლევ შენს პატიოსანს ოჯახს, მოხუცებულს მამას?! განა ამიერიდან შენ ღირსი ხარ, იმას მამა დაუძახო?! არა, არა... ათასჯერ არა. შენ დაკარგე სამუდამოთ მამა, ძმები, დები, ნათესავები და ყოველივე ბედნიერება! ამ სიტყვებმა ქალს დანასავით გაუარეს და მწარეთ დაუსერეს გული; მერე შეინძრა, წამოჰყო თავი და მტირალის ხმით დაიწყო: მტარვალნო, მტარვალნო!.. რას მერჩით მე სუსტ არსებას!.. ვსთქვით დამნაშავე ვარ თქვენს წინაშე, ვსთქვით მე შევარცხვინე მთელი ოჯახი, მამა ჩემი, შევარცხვინე თქვენც, ძმები, დები!.. მაგრამ ნუთუ თქვენში არ მოიპოვება მცირეოდენი ნაპერწკალი ადამიანის შებრალებისა!? ნუთუ არა ჰფიქრობთ, რომ ამაში ისევ თქვენ მამაკაცნი ხართ დამნაშავენი?!.. განა არ იცით რომ ამაში ისევ თქვენ გედებათ ბრალი?!.. სხვა არა იყოს-რა წარმოდგინეთ ჩემი თავი, როგორც უცხო, უპატრონო, უცნობი, საწყალი ადამიანი; წარმოდგინეთ და ნუთუ არ შემიბრალებთ მე საწყალს მე უბედურს!?!.. ოხ ღმერთო ჩემო! ამ სიტყვების შემდეგ ის დაეშვა პირქვე და მორთო ქვითინი. ძმა მოშორებით იჯდა

მოუშვებდა ხოლმე ცხარე ცრემლებსა. ამ მდგომარეობაში რჩებოდა ხოლმე ის, სანამ თანამგზავრი, მისი ძმა ზურაბი, არ დაუბრუნდებოდა ხოლმე უკან და არ ააყენებდა, ისევ ლანძღვა-გინებით. — ახია შენზედ ეგ წვალება, ახია! პატიოსან ოჯახის შერცხვენისთვის შენ ყველაფერი გეკუთვნის! არავითარი სატანჯველი არ არის შენთვის დიდი! ახია, გეკუთვნის! — ამ სიტყვებზედ ძმა წამოაყენებდა დას, რომლის პასუხი ვაება და ქვითინი-ღა იყო, და გაუდგებოდნენ გზას. ამ ვაი ვაგლახით აღწიეს მათ მთის წვერს. სადაც ერთს ადგილას ორი ქვა ჯვარედინათ, ესე იგი გარდიგარდმო, დაედოთ. ზურაბმა მოიხადა ნაბდის ქუდი, პირჯვარი გამოისახა და სთქვა სვანურათ: „დიდება აჯხედა ხოშამ დერბათ, ერე ამავ შვილებდ ანუხ!“ (დიდება შენდა მაღალო ღმერთო, რომ აქამდისინ მშვიდობით მოგვიყვანე!). მის მაგალითს მიჰყვა ქალიც და შემდეგ ორივე დაეშვნენ თავდაღმართზე. აქ ბუნება იმავე სილამაზით იყო შემკობილი, როგორც მთის მეორე მხრით. რამოდენიმე ხნის სიარულის შემდეგ მგზავრებმა წყაროს მახლობლათ მოისვენეს. ამწვანებული ბალახი იქაურობას ამშვენებდა და სურნელოვანებას ჰფენდა. ანკარა წყაროს ჩუხჩუხი მედგრად გაისმოდა და ბუნებას ალვიძებდა; წყაროს მოშორებით გაღმა მეორე მხრით თოვლის წყალი გადადიოდა კლდიდან ხმაურობით, ჩანჩქერად იქცეოდა, გზაზედ წვრილს ნამებად იქცეოდა, კლდის ნაპირებსა რწყავდა და ხევამდე ველარ აღწევდა; ამის მეოხებით აქა-იქ ბალახებს ამოეყოთ თავი და თითქოს გადმოშჩქეფარე წყალს შეჰხარიან და მაღლობას უძღვნიან იქით-აქეთ ირხეოდნენ. ამ ადგილს ისეთი მაღალი მდებარეობა უჭირავს, რომ იქიდან ხევში გადახედვა ძნელია, კაცს თვალებს აუჭრელებს და შიშის ჟრუანტელი მთელს სხეულში დაუბრუნს. მგზავრებმა გაიგრილეს გული ცივი წყლით და მერე იქვე მოშორებით ჩამოსხდნენ; ქალი წამოწვა თუ არა იმ წამსვე საშინელი ქვითინი მორთო; ქვითინზედ

ღრიანკებში, სადაც კაცის თვალი ძლივს ჩასწვდებოდა: მხოლოდ კნავილი-ლა იყო ბავშვის უკანასკნელი ანდერძი... დედამ ამის დანახვაზედ ერთი მაგრად შეჰკივლა, იტაცა თავში ხელები და გაეჟანა იქითკენ, საითკენაც მისი შვილი გადაისროლა უღმობელ-მა და შეუბრალებელმა ძმამ... უღმერთო! მაგის რა ბრალია!? შვილი! — იყო უკანასკნელი სიტყვები ქალისა ძმისადმი მიმართუ-ლი. ერთი წუთიც არ გასულა ამ სიტყვების თქმის შემდეგ, რომ საცოდავი დედა გადაეშვა უფსკრულში. საცოდავმა შვილთან სიკვდილი არჩია და მას გადაჰყვა!..

სიჩუმე ჩამოვარდა... ბუნებამ, თითქოს ყურიც არ შეიბერტყა ამ ამბავზე, და ისევ იმ მშვენიერს სანახაობას წარმოადგენდა... მხო-ლოდ ღრო გამოშვებით ცივი ქარი დაჰბერავდა ხოლმე მთის წვერების ახლომახლო მომცურავი ღრუბლების ნაჭრებს გაჰ-ფანტავდა თითქოს განგებ, რომ ეს ამბავი მცხოვრებლებათვის გადაეცათ.

ამ მოულოდნელმა, ზარდამცემმა ამბავმა ძმას გრძნობა დაუ-კარგა და მთელი სხეული აუკანკალა. მღელვარება ნებას არ აძლევდა ხმა ამოეღო, ფეხები ეკეცებოდა... ფერი ხშირად ეცვლე-ბოდა, დასჩერებოდა მიწას და ხმას არ იღებდა... დროგამოშვებით მას რაღაც იღუმალაი ხმა ჩასძახოდა, მერმე ისევ შესწყდებოდა და ვერ გამოეცნო რა ხმა იყო ეს ხმა, ან ვის ეკუთვნოდა. — უღმერთო, მაგის რა ბრალია! მოესმა ძმას უფრო გარკვევით. ეხლა კი ადვილად გაარჩია, ვის ეკუთვნოდა ეს ხმა და სულიერი ტანჯვისაგან სახე უფრო დაეღრიჯა, ამ მდგომარეობაში დაჰყო მან რამოდენიმე წამი, შემდეგ უცბად გაიქნია ხელი და თავისთვის წაიბუტბუტა: თენგიზ! ორი ადამიანის სისხლი არ შეგერგება და გაბრაზებული გაუდგა გზას...

დედაშვილი სამუდამოდ დაიკარგნენ, მათი გვამი მას შემდეგ კაცს თვალით აღარ უნახავს, ორივენი გაჰქრნენ, ორთავეს ერთი

და დაფიქრებული გაჰყურებდა მთებს. იმან წარბიც არ შეანძრია ღის ლაპარაკზედ და ერთხელაც არ შეხედა, მისი ფიქრები, გონე-ბა სულ სხვაზედ იყო მიქცეული. ქალს მშობიარობის ტკივილმა მოუარა, საწყალი ოხრავდა მალ-მალ, ხან წამოდებოდა, ხან გვერდზედ გადაბრუნდებოდა და საშინლად იტანჯებოდა. „მალა-ლო ღმერთო! რა დავაშავე ამისთანა, რომ უპატრონოდ დამაგდე და ერთი მომვლელიც არა მყავს!?“ წაიბუტბუტა მან ჩუმად და წამოიწია ზეზე.

ამ წვალებაში გაატარა მან რამოდენიმე წამი. ამასობაში ტკი-ვილი თანდათან ემატებოდა და უძლიერდებოდა; გონება ეკარგე-ბოდა და გული უსუსტდებოდა... პატარა ხნის შემდეგ გაისმა რაღაცა კნავილი. ამ ხმაურობამ ჩაფიქრებული ძმა გამოარკვია და გადახედა დას... ის მიხვდა რაშიც იყო საქმე, თვალი მოაშორა და რამოდენიმე მანძილზედ განშორდა; მას მაშინვე ფერი შეეც-ვალა, თვალები დაუსისხლდა, გაშმაგებულ ნადირსავით, გულმა მალ-მალ დაუწყო ცემა და თმა აებურძღლა... კნავილმა თანდათან იმატა და ბოლოს კაცი ადვილად გაარჩევდა, რომ ეს ხმა ახლათ დაბადებულის ტირილი იყო... ძმამ კიდევ ერთხელ გადახედა თავის დას, რომელსაც მუხლებზე ახლად დაბადებული ეწვინა. დედა ეფერებოდა შვილს, თავზედ ხელს უსვამდა და ძონძებში ახვევდა. მგონია ვაჟია! თავისთვის წაიბუტბუტა ძმამ, მერე წა-მოდგა და ბავშვისაკენ წასვლა დააპირა, მაგრამ უცებ შეჩერდა, ცოტა დაფიქრდა, სახე დაეღრიჯა და თავზედ ხელი იტაცა. ეტყობოდა. რაღაც სულიერ ბრძოლაში იყო და ჯერ კიდევ ვერ გაერკვია საკითხი. ამ მდგომარეობაში დარჩა ის პატარა ხანი, მერე ასწია მაღლა თავი და დას მიუბრუნდა: რატომ უმაღლ შენ არ გახდი სიკვდილის მსხვერპლი!.. დაიყვია ძმამ და გაეჟანა ღისკენ. მან ერთი თვალის დახამხამებაში გამოსტაცა ბაღლი დედას ხელიდან და გადაისროლა უფსკრულში, უზარმაზარ კლდის

(სადაც საქონელი ჰყავდათ ღამით) იდგა შიგ და რამოდენიმე ხარი, ძროხა, ცხვარი, და სხვა საქონელი ემწყვრია. ყველა სახლებიდან ცეკვა-სიმღერა, ხარხარი, ოხუნჯობა და ხმაურობა ისმოდა და მთელს სოფელს ეფინებოდა. მაგრამ ყველაზე მხიარულება სოფელში ამ სახლის მკვიდრთ ეტყობოდათ: ქალების მწყობრი სიმღერა ჰაერს აპობდა და ტკბილ მომალხენელ ხმებათ სწვდებოდა მსმენელის ყურს. ახლო მახლო მთები და ღამაში კოშკები ბანს აძლევდნენ მათ, თითქოს მათთან ერთად მხიარულებაში მონაწილეობას იღებდნენ. ამ დროს იმ ადგილას, სადაც „ღალჩა“ იდგა, ყორეზედ გამოჩნდა კაცის ჩრდილი. რომელიც სწრაფათ ჩამოხტა და შენობას მიეფარა. მთვარიანი ღამე იყო და უცნობი როგორც ეტყობდა, სცდილობდა რამენაირად შეუმჩნეველი დარჩენილიყო, ამიტომ ის ხან კედელს მიეკვრებოდა, ხან ჩაჯდებოდა და ხან ერთი ადგილიდან მეორეზე გადადიოდა.

პატარა ხნის შემდეგ სახლის კარები გაიღო და ერთი კაცი ცალ მხარეზე ჭურჭელ შედგმული უცნობისაკენ გაემართა.

— აქეთკენ მოდის! — სთქვა თავისთვის უცნობმა, შეიძლება ის არის! რაც უნდა იყვეს იარაღი მზად უნდა ვიქონიო!.. ის თუ იქნა. მით უკეთესი! — ამ სიტყვებზე მან იძრო თოფი, შეაყენა ჩახმაზზე და მოიმარჯვა. მერმე სხვა იარაღი გაისწორა და სული განაბა.

ჭურჭლოსანი კაცი მიდიოდა სიმღერ სიმღერით და ისე გაიარა უცნობის მახლობლად, რომ ერთიც არ მიუხედა მისკენ, ცოტა რომ გაშორდა უცნობმა წაიბუტბუტა ის არ არის სხვა ვიღაც, წყალზედ მიმავალი. ეს სთქვა და უფრო მიეკრა შენობის კედელს, პატარა ხნის შემდეგ წყალზედ მიმავალი კაცი დაბრუნდა იმავე გზით და სიმღერით შევიდა სახლში, „კარგია რომ ვერ შეამჩნია“ სთქვა უცნობმა თავისთვის, „მაგრამ ეხლა კი დროა ჩემს განზრახვის შესრულებას შევუდგე“ მერმე დაიჩოქა, მოიხადა ქუდი და წარმოსთქვა: „მაღალო ღმერთო, მთავარ ანგელოზო და წმინდა

ბედი ეწვია... მხოლოდ რამოდენიმე დღის შემდეგ, ამ ადგილებზედ რომ გაგვევლოთ შეამჩნევდით, რომ იქ სადაც დედაშვილი დაიღუპნენ, ყორეზები მხიარულად დაფრინავდნენ და საზარელი, გულმოსაკლავი ყრანტალი გაჰქონდათ!.. ვინ იფიქრებდა, რომ ორ საცოდავ ქმნილებას სამშობლო მიწაში დამარხვა არ ედირსებოდა!.. რა დააშავეს დედაშვილმა ამისთანა, რომ სამშობლო მიწა-წყალს მოაკლდნენ და ფრინველების საკენკი შეიქმნენ!.. შენ მაინც, უსუსურო არსებავ! უცოდველო ანგელოზო, რა დანაშაული მიგიძღოდა ამისთანა!?

შუალამე ახლოვდებოდა. ცა ვარსკვლავებით მოფენილიყო, მთვარე საკმაოდ ანათებდა და მშვენიერს სახეს აძლევდა სვანეთის მაღალსა და წვრილს კოშკებსა. მდ. ინგურს შესაზარი ღრიალი გაჰქონდა და მას ბანს აძლევდნენ მთები. თოვლით შემოსილი „ვიშა“ (უშა — თ. ლ.), მთვარის შუქით განსპეტაკებული, მშვენიერს სანახაობას წარმოადგენდა, სიამაყით გადმოყურებდა დარაჯსავით იქაურობას; სიჩუმე გამეფებულიყო ახლომანლო. ტყეებში პირუტყვთ და მფრინველთ თითქოს შეეწყვიტათ მოძრაობა, მხოლოდ ხანდახან გამოისმოდა ჭოტის უშნო ყვირილი... სოფელ მ-ს კიდევ არ ეძინა და მხიარულობდა; ყოველი სახლიდან გაისმოდა ცეკვა-სიმღერა. ეტყობოდა, დღეობა ჰქონდათ. სოფლის განაპირას იდგა ერთი ღამაში კოშკიანი სახლი; გარს მოდიდო ეზო ჰქონდა შემორტყმული და შიგ სხვადასხვა ხეხილები იდგა. ეზოს ერთს კუთხეში, სახლის მახლობლად, კანაფი ეთესა და გარშემო წკნელით იყო შემოკავებული, რათა საქონელს არ დაეზიანებინა ნამუშევარი. მეორე კუთხეში ღალჩა* (ცალმანგი) იდგა, იმის წინ მოდიდო კალო იყო გადაჭიმული. მის მოშორებით „ლუშხატი“

* ხის სამკუთხიანი შენობა, რომელსაც მეოთხე მხარე ღია აქვს და რომელშიც ნამუშევარს ინახავენ.

დაახალა ზედ გულზე დამბაჩა. დამბაჩის გავარდნა და მისი გაქცევა ერთი იყო. ხმაურობაზე გამოცვივდნენ სახლითგან წივილ კივილით და შემდეგი სანახაობა წარმოუდგათ: სისხლის მორევში მცურავ თენგიზს ხახა დაელო, კისერი მოგრეხოდა, ცალი მკლავი უკან ქონდა გადაგდებული, ცალი ხელი ჭრილობაზე მიეღო და ფეხები ძალზე გაეჭიმა... ზურაბს კი იღუმალის ხმა მაინც კიდევ ჩასძახოდა: „მაგის რა ბრალია?!“

* * *

ამ ამბის შემდეგ რამდენიმე წელიწადმა გაიარა. ზურაბი მოხუცდა, წელში მოიხარა და ლოგინად ჩავარდა. მისი ჩავარდნილი თვალები, გამხდარი ფერ-მკრთალი პირის სახე, გაფითრებული და უსიცოცხლო გამომეტყველება ამტკიცებდა, რომ ბევრი რამე გადახდენოდა თავზე და აუარებელი ტანჯვა-წვალება, ვაი ვაგლახი გამოეცვლო. მოხუცებული ზურაბი გრძნობდა, რომ მისი დღეები დათვლილი იყო და ამიტომ ერთ საღამოს მოიხმო თავისი შვილები შვილის-შვილებითურთ. მთელი ოჯახი შეიკრიბა ავადმყოფის სარეცელის წინ, რათა გულის დადებით მოესმინათ მოხუცის უკანასკნელი დარიგება და სიტყვა სახლის უფროსისა. ზურაბმა წამოდგომა დააპირა, მაგრამ ვერ შესძლო და ცალი ხელით ანიშნა თავის უფროს შვილს მექაის, ახლოს მისულიყო, რომ უკანასკნელი ლოცვა-კურთხევა მიეღო. შვილი მოვიდა, ჩაეკრა მამას გულში და დაპალოებით გადმოუცვივდა ცრემლები, მოხუცებულს მამასაც წამოერია ცრემლები, მაგრამ ისევ მალე შეიმავრა თავი, ცალის ხელით შვილი მოიშორა და ხმის კანკალით უთხრა:

— ტირილი დედაკაცთ წესია! მოდი, მომიგდე ყური. ჩემი დღენი გავლე, სამარეში ფეხი ჩავდგი; ბევრი რამ გადამხდენია თავზე, შენ კი ახლა შედიხარ ცხოვრებაში...

გიორგი თქვენა ხართ მოწმე, რომ — დედაშვილი ამ კაცის მიზეზით დავლუპე და ცოდო ავიკიდე: ამავე მიზეზით მე განვიზრახე მაგ კაცის მოკვლა, რადგან პატარა ბავშვის სისხლი არ მასვენებს და ყოველთვის მეღანდება, თქვენ შემინდევით ცოდვილსა!.. მერმე სწრაფათ წამოხტა, წადგა წინ, ხანჯალი მოიმარჯვა და სხვა ხმით დაიძახა:

— თენგიზ, ოო თენგიზ! ამოიხედე ერთ ხანს!

რადგან სახლში ხმაურობა იყო, ამიტომ მას რამოდენჯერმე დაჭირდა დახმაურება, ბოლოს გადმოდგა ვიღაც ქალი დერეფანზე და ჰკითხა:

— ვინ ხარ? რატომ არ შემობრძანდები?

— თათარყანი ვარ, თენგიზის ნახვა მსურს, ფრიად დიდი საქმე მაქვს, გამოვიდეს.

— ძალიან კარგი მაგრამ რატომ არ შემობრძანდებით?

წაიბუტბუტა ქალმა და შეალო კარები. პატარა ხანს შემდეგ იმავე დერეფანზედ გამოჩნდა მაღალი ტანის, ზორბა ყმაწვილი კაცი და დაიძახა:

— ღამე მშვიდობისა! სტუმარი ღვთისაა და რატომ არ შემოხვალ?

ამ სიტყვებზე ყმაწვილი კაცი დაეშვა დერეფნის კიბეებზედ სტუმრისაკენ, ზურაბმა ამასობაში მოიმარჯვა ხანჯალი, ცოტა უკან დაიწია და შენობის ჩრდილოს მიეფარა; გულმა მალ-მალ უწყო ცემა და სახეზედ ცივმა ფერმა გადაჰკრა. თენგიზი მიუახლოვდა და გაკვირვებული შეეკითხა:

— ვაჟო ზურაბი არა ხარ? რატომ არ შემოხვალ.

— ზურაბი ვარ და ვიქნები, კიდევ და ეს კი შენ ძაღლო! სთქვა ზურაბმა და ხანჯალი გულში ტარამდის ჩასცა. საწყალმა „მიშველეთ“-ის დაძახებულა მოასწრო და მაშინვე დაეცა მიწაზე. ეგ კიდევ არა კმარა შენთვის, შე ბოროტო! სთქვა ზურაბმა და

ამ ამბავმა ძალიან შემაწუხა, დამაფიქრია და გადავწყვიტე თენგიზ ჯაჭვლიანი მომეკლა და ამით ჩემის დის სისხლი გამო-მესყიდნა, შური მეძია. როგორც გადავწყვიტე, ისე ავასრულე და თენგიზი სწორედ ისეთ დროს მოვკალი, როდესაც სრულ სიამოვნებაში იყო. ეგ ვალი გადავიხადე, მაგრამ უმანკო ბავშვის სიკვდილი — კი არ მეპატივება!.. იმისი ცოდვა ეხლაც მტანჯავს!.. აქ მოხუცმა მწარედ ჩაახველა და შემდეგ განაგრძო:

— მაგრამ შენი ძმის სისხლი ისევ აუღებელია, შური უძიებელია!.. ჩემი შვილი ჯაჭვლიანებმა ფარულად, დიაცურად მოკლეს. მაგრამ შური მაინც იძიეს. ეხლა, ჩემო შვილო, ჩემი ზევწნა და ანდერძი ის არის, რომ პირველად ჩემის სულისათვის ილოცოთ და ამით ცოდვები შემიმსუბუქოთ. მეორე, ჯაჭვლიანებს ძმის სისხლი არ შეარჩინოთ და თქვენც შური იძიოთ, მაგრამ გახსოვდეთ, რომ საზოგადო ჭირის დროს, მტრის შემოსევის დროს, შური უნდა დაივიწყოთ და ერთად უნდა იმოქმედოთ. დიდი შერცხვენაა, ვინც საზოგადო საქმის დროს კერძო საქმეს ემსახურება და შურს მაშინ იძიებს, — ის ხალხის მოღალატეა. მეტი ლაპარაკი აღარ შემიძლიან... მოდი, შვილო, მაკოცე. თვალცრემლიანი მექაი მივიდა მამასთან და გადაეხვია. ასე დარჩნენ გადახვეულნი რამდენსამე ხანს, შემდეგ მექაი წამოდგა და მწარე ქვითინი დაიწყო. ამ ქვითინს მთელმა ოჯახმა შეუერთა თავისი ქვითინი. ზურაბმა ერთი მწარედ ამოიოხრა, მერე გაიზმორა და „ულ-მერთო... მა... გი... სი... რა... ბრა... ლია!“ წაიბუტბუტა კანკალით, სული განუტევა.

აქ ზურაბი შეჩერდა, მწარედ ჩაახველა და კვლავ განაგრძო.

— მე ყოველთვის პატიოსნებისა და ჩვენი გვარის ნამუსის მფარველი ვიყავი. ღმერთმა იცის, რომ კაცისთვის ცუდი არა მიქნია რა უმიზეზოდ. გვარს და პატიოსნებას გაუფრთხილდით, ერთობა გქონდეთ... ძნელია, როცა კაცს გული სხვის სისხლში აქვს გასვრილი, მაგრამ უფრო ძნელია, თუ პატიოსნებას არ დაიცავ და სისხლს არ აიღებ.

შვილო მექაი, ერთი საიდუმლო უნდა გაგიმუდავნიო და გეხვეწები გვარეულობის სამარცხვინოდ სისხლი აუღებელი არ დაგრჩეს!.. ეს არის ჩემი ზევწნა, მხოლოდ ესა!

ამ სიტყვებზე მექაის ფერი ეცვალა და გაკვირვებით შეხედა მამას. ავადმყოფმა კვლავ განაგრძო ნელის ხმით:

თენგიზ ჯაჭვლიანი მოკალ... რას შეკრთი შვილო? დიას, მე მოკალი... მაგრამ იმათაც არ შეგარჩინეს სისხლი და შენი უფროსი ძმა მოჰკლეს... თქვენ ეს არ იცოდით, მე კი დაწვრილებით ყველაფერი ვიცოდი და გიმაღავდით.

— რას ამბობ მამაჩემო? გოცებით გააწყვეტინა მამას შვილმა საუბარი.

— მოითმინე, სიტყვა დამასრულებინე, ამ ამბავს მხოლოდ მეორედ ვამბობ ჩემს სიცოცხლეში. მე რომ ჩემი და აღათი, ღმერთმა აცხოვნოს, გადაღმა სვანეთში მომიკვდა, საწყალმა გზაში შვილი ჰშობა, მგონია ვაჟი იყო, მე — კი უღმობელმა ადამიანმა, სირცხვილის ასაცდენად გამოვტაცე დედას ხელიდან შვილი და კლდიდან გადავისროლე. საცოდავმა აღათიმ — კი შვილთან ყოფნა ირჩია და ისიც თან გადაჰყვა. მისი უკანასკნელი სიტყვები ეს იყო: „უღმერთო! მაგის რა ბრალიაო“.

ეს ხმა ეხლაც ყურში მიწივის და არ მასვენებს, სულს მიხუთავს...

ღმერთს მოეცა“. ჭამის დროს სტუმარმა ჰკითხა სახლის პატრონს სახელი.

– მართა ფეოდოროვნა პეტროვიჩი!.. მიუგო დიასახლისმა.

უცნობმა ვერ შესძლო აღელვების დაფარვა: მან ასწია მაღლა თვალები და შეაშტერდა დედაკაცს, რომელმაც გამასპინძლების ფაცი-ფუცში ვერაფერი შენიშნა.

– მე ქვრივი ვარ, ყოველ შემთხვევაში მე მაინც ასე მგონია. ჩემი ქმარი, ეს ოცდაათი წელიწადია, შორს ქვეყნებში წავიდა ბატონთან ერთად, რომელიც ჰპირდებოდა მას გამდიდრებას. მას შემდეგ აღარ დაბრუნებულა, ალბათ მოკვდა. დავრჩი მარტოთ-მარტო და ცდა არ დამიკლია, რომ როგორმე თავი მერჩინა. ვსცხოვრობდი სიღარიბეში მარტოხელა და როგორც ხედავ, ბედმა არ გამიღიმა!..

– შენ კი გიყვარდა შენი ქმარი, მარია ფეოდოროვნავ?

– ჩვენ სიყვარულით შევეუღლეთ.

– ღმერთი დაგიბრუნებს მას ერთ მშვენიერ დღეს.

– გისმინოს უფალმან! შენ რაღა გქვიან?

ბერიკაცი ერთხანს გაჩუმდა, მერე გააქვია თავისი ჭაღარა თავი და სთქვა:

– მე თვითონ არ ვიცი ჩემი სახელი... დამავიწყდა რამდენი ხანია, რომ ის არავის წარმოუთქვამს? როგორც შენი, აგრეთვე ჩემი ხვედრიც ნაღვლიანია... მე ბევრი მიჯაფნია, ბევრ მხარეს ვყოფილვარ ბედის საცდელად, მაგრამ ვერსად თავშესაფარიც ვერ ვიპოვე, რომ თავი მიმედრიკა. დედაბერმა სინანული იგრძნო სტუმარისადმი.

– დაგიგებ აქვე ლოგინს, წაილაპარაკა მან, და შეგიძლია თავისუფლად იძინო წასვლამდე.

– მაღლობ, დედილო!..

საშინელი დანაშაული

(თარგმანი რუსულიდან)

მხოლოდ ერთად ერთი მსუბუქი კვამლი, ამომავალი სახლიდან, ნაცრის ფერსა სდებდა თოვლით დაფენილს ვაკე მინდორს. მძიმე ტვირთისაგან წელმოხრილი და ღარიბულად ჩაცმული მოხუცი მიდიოდა დიდი შარა გზით. შევიდა თუ არა მახლობელ სოფელში, ის გაჩერდა ერთი ქოხის წინ, რომელიც შუაგულ სოფელში იდგა და ჯოხის წვერით გაუბედავად დააკაკუნა ფანჯარაზე. უცბათ გაიღო ფანჯრის პაწაწინა თვალი და იქიდან გლეხის მოხუცი ქალი მკვახე ხმით შეეკითხა:

– რა გინდა?

– დედილო, მიუგო მგზავრმა, შორი გზა მაქვს, მაგრამ ეხლა კიდევ ღამდება, ამბობენ რომ აქ ბევრი მგელი იცისო, და...

– შემოდი, მიუგო დედაბერმა მგზავრს.

ბერიკაცი შევიდა ქოხში. ხატის წინ მბჟუტავი ბაზმაკი მთელ ოთახს მკრთალ სინათლესა ჰფენდა. მოხუცმა მუხლი მოიდრიკა ხატის წინ, პირჯვარი გამოისახა და წარმოსთქვა:

– ესთხოვ უფალ ღმერთს დიასახლისო, ერთი ასად მოგაგოს სტუმართმოყვარეობისათვის.

– დაჯექი, მიუგო დიასახლისმა, და გათბი!

შემდეგ დედაბერმა გაშალა სუფრა, შემოიტანა მეორე ოთახიდან ცოტა რამ სანოვაგე და მიიწვია ბერი-კაცი ვახშმით – „რაც

— არა და ეგებ როგორმე მოეხერხებინა მგზავრის მასთან დარჩენა? რა იქნებოდა, რომ წინადადება მიეცა მგზავრისათვის დარჩენილიყო მასთან?! თითქო არც იცის მან მისი სიმდიდრის ამბავი?... მაგრამ დახე!.. ეს საკვირველი კაცი, რომელიც დაფლეთილ ტანისამოსში თავის ხალთიანად დახეტილობდა გზა და გზა, თავის დღეში არ დასთანხმდება სადმე დაბინავებას; გარდა ამისა ის ზომ ქმრიანია? ქმრის სიკვდილი ზომ მისი წინასწარი უბრალო განზრახვა იყო, რომელიც არაფრით არ მტკიცდებოდა. — რომ აღარ გაიღვიძოს?... დედაბერს გაახსენდა სტუმრის სიტყვები: — „თუ ველარ გავიღვიძო, პაკეტი შენ გეკუთვნოდეს“... მან მანქანებრივ შეაშტერა თვალები იქვე ახლო კედელზე დაკიდებულ ცულს, რომელიც ყოველთვის მზათა ჰქონდა მას თავდასხმის დროსთვის. არავის არ დაუნახავს ამ კაცის აქ შემოსვლა... ორმოს გათხრას დიდი დრო არ უნდა... ცოტაოდენი თოვლიც მაღლა გადაეფარება და შეუმჩნეველი საფლავი იქნება.

სტოლზე მდებარე ბილეთების შეხედვა მას ამხნევებდა... ერთ ხელში აიღო ცული, მეორეში სასანთლე და წავიდა ძირს... უცნობს მშვიდობიანად ეძინა და მხოლოდ მისი სწორი სუნთქვა არღვევდა ღამის სიწყნარეს... დედაბერი მივიდა ხატის წინ ანთებულ ბაზმაკთან და გააქრო. მერე მიბრუნდა ლოგინისაკენ, დასდგა სასანთლე, ასწია ცული და ერთი მძლავრი შემოკვრით უცნობს თავი გაუპო... ცულის სიმძიმემ წააქცია სკამი, რომელზედაც უცნობის ტანისამოსი ელაგა და ჯიბიდან რაღაც ქაღალდები გამოსცვივდა... ეს ქაღალდები აკრიბა და სათითაულოდ დაუწყო კითხვა. უეცრად წამოიკივლა დედაბერმა, მერმე წაბარბაცდა და იატაკზე დაეცა...

— დედაბრისაგან მოკლული ქალი აღმოჩნდა მისი ქმარი.

მის შემდეგ მან ამოიღო მოწიწებით ხალთიდან პაკეტი, გადასცა დედაბერს და უთხრა:

— შეინახე ეს ხვალამდის, თუ ველარ გავიღვიძო, ეგ შენ გეკუთვნოდეს. ესაა ყოველივე, რაც რომ მე მბაღია და არც ინანებ ჩემს ასე კეთილად მოპყრობასა.

დაწოლისას დედაბერმა ის ძვირფასი ნივთი ბალიშ ქვეშ შეინახა, მაგრამ ძილი არ ეკარებოდა: სურდა გაეგო მიბარებული ნივთის ვითარება. — რა უნდა იყოს მასში? რა საკუთრების პატრონი იყო ეს ღარიბი მგზავრი, რა განძი მიაბარა მას? ის უთავბოლოდ ატრიალებდა საიდუმლო პაკეტს, სინჯავდა, არყევდა, მაგრამ ვერაფერი გაეგო, შეიძლება უცნობმა დაცინა მას? ბოლოს ველარ მოითმინა, ფრთხილად გახსნა ბაწრის ნასკვები და მერე თვით პაკეტიც. უცბად გაკვირებით წამოიყვია: მას ხელიდან გაუვარდა ბანკის ბილეთების კონა: მათი რიცხვი სამასს აღემატებოდა. დედაბერმა რამდენჯერმე გადაარჩია ბილეთები აკანკალებული ხელით და კიდეც დასთვალა. უცნობი მდიდარი აღმოჩნდა.

ამის შემდეგ ის ფიქრებად გადაიქცა: როგორი იქნება მისი ცხოვრება — ეს ფულები რომ ყველა მას ეკუთვნოდეს... მან წარმოიდგინა თავისი თავი ქალაქურად მორთულ პატარა სახლში, ისე როგორც ეს მას ენახა ქალაქში ბატონებისას ბოსტანში მომუშავედ ყოფნის დროს. ის ფიქრობდა — თუ როგორ იქირავებდა მოსამსახურე ქალს, რომელიც მის მხედველობის ქვეშ იმუშავებდა... და სხვა... მოეპარა? — ეხლა ამ აზრმა გაიტაცა ის... რა კარგი იქნება, რომ შეძლებდეს იგი ასე გაუფრთხილებლად მობარებული ქონების დაპატრონებას... მაგრამ როგორ? ის ზომ ასე ადვილად არ გააძარცვინებს ვისმეს თავსა! ის ზომ მაშინვე უჩივლებდა მოწესესთან, რომელიც სახლს დასინჯავდა და ბილეთებს ნახავდა... მერმე საპყრობილე... კატორღა... ცული საშუალებაა!..

14. ბლ. მღვდ. ი. მარგიანი. წერილი სვანეთიდან. გაზ. „ცნობის ფურცელი“, 1902, 8 ივნისი, № 1831;
15. ი. მარგიანი. ვინ იყვნენ „პაპ“-ები, ანუ „ბაპ“-ები. ჟ. „მწყემსი“, 1902, № 1,3,4;
16. ი. მარგიანი. ისტორიული და გეოგრაფიული აღწერა სვანეთისა. ჟ. „მოგზაური“, 1903, № 1-2, გვ. 14-24;
17. ი. მარგიანი. ისტორიული და გეოგრაფიული აღწერა სვანეთისა. ჟ. „მოგზაური“, 1903, № 11-12, გვ. 276-286;
18. ბლ. მღვდ. ი. მარგიანი. წერილი რედაქციის მიმართ. გაზ. „ცნობის ფურცელი“, 1903, 18 ოქტომბერი, № 2296, გვ. 4;
19. ვინც უნდა ვიყვე. სვანეთის რამე-რუმე. გაზ. „ცნობის ფურცელი“, 1903, 8 იანვარი, № 2034, გვ. 2-3;
20. ი. მა-ნი. ლეჩხუმ-სვანეთის რამე-რუმე. გაზ. „ცნობის ფურცელი“, 1903, 17 ოქტომბერი, № 2295, გვ. 4;
21. ბლ. მღვდ. ი. მარგიანი. ორიოდ სიტყვა სვანური ენის შესახებ. ჟ. „მოამბე“, 1903, № 7, განყ. 2;
22. სვანი – ბ. მ-ნი სვანეთის იმერეთის ეპარქიიდან დაშორების გამო. გაზ. „ცნობის ფურცელი“, 1903, 23 ოქტომბერი, № 2301, გვ. 3-4;
23. სვანი – ბ. მ-ნი: რა ენაზე აღიღებდნენ და აღიღებენ სვანები ღმერთს. გაზეთი „ივერია“, 1904, 4 თებერვალი, № 28, გვ. 2;
24. მღვდელი. წერილი ლეჩხუმიდან. გაზ. „შინაური საქმეები“, 1910, № 23, გვ. 12-13;
25. ბლ. მღვდ. ი. მარგიანი. „გულისაგან გამოვლენ გულის სიტყვანი ბოროტნი: კაცისკვლანი, მრუშობანი, სიძვანი, პარვანი, ცილისწამებანი, გმობანი“ (მათე 15, 19). გაზ. „შინაური საქმეები“, 1911, № 22, გვ. 8-9;
26. სვანი. სვანეთის ჭირისუფალს ბ. ლეონაძეს. გაზ. „შინაური საქმეები“, 1911, № 12, გვ. 4-6;
27. ბლ. მღვდ. ი. მარგიანი. მადლობის გამოცხადება. გაზ. „შინაური საქმეები“, 1911, № 8, გვ. 16;

გამოყენებული ლიტერატურა

ივანე მარგიანის ბიბლიოგრაფია

1. მუჟალელი. სოფელი მუჟალი (ზემო სვანეთი). გაზეთი „ივერია“, 1891, 25 სექტემბერი, № 204, გვ. 2;
2. ივ. მუჟალელი. სვანეთი. გაზეთი „ივერია“, 1893, 5 ოქტომბერი, № 212, გვ. 2;
3. ინ-მანი. სვანეთი. გაზეთი „ივერია“, 1895, 8 მარტი, № 52, გვ. 2;
4. ი. მარგიანი. წერილი სვანეთიდან. გაზეთი „ივერია“, 1897, 21 აგვისტო, № 171, გვ. 2;
5. ი. მარგიანი. წერილი სვანეთიდან. გაზეთი „ივერია“, 1898, 19 მარტი, № 60, გვ. 2-3;
6. ი. მარგიანი. სვანეთი, სკოლების გახსნა. გაზ. „ცნობის ფურცელი“ 1898, 31 ოქტომბერი, № 667, გვ. 2-3;
7. ივანე მარგიანი. ს. წყალტუბო. გაზეთი „ივერია“, 1899, 28 სექტემბერი, № 208
8. მღვდ. ი. მარგიანი. ორიოდ სიტყვა სვანეთში უკანონოდ შეთვისებული შესახებ. გაზ. „ივერია“, 1900, 3 მაისი, № 95, გვ. 1-3;
9. მღვდ. ი. მარგიანი. ბუნებითი სვანი იღუმენი მ. თეოფანე. ჟ. „მწყემსი“, 1900, № 12 გვ. 3-4;
10. მღ. ი. მარგიანი. ორიოდ სიტყვა სვანეთის სამღვდელოების შესახებ. ჟ. „მწყემსი“, 1901, № 16, გვ. 7-9;
11. მღ. ი. მარგიანი. დღეს მაინც უნდა ვიფიქროთ რამ ამ ძველი ნაშთების შესაფერად დაცვის შესახებ! ჟ. „მწყემსი“, 1901, № 16, გვ. 5-6;
12. მღვდ. ი. მარგიანი. სვანეთი. ჟ. „მოგზაური“, 1902, № 6, გვ. 365-371;
13. მღვდ. ი. მარგიანი. სვანეთი. ჟ. „მოგზაური“, 1902, № 7-8, გვ. 424-433;

39. ეპისკოპოსი გრიგოლი. მოგზაურობა სვანეთში ეკლესიათა მოსა-
ნახულებლად (1893). ჟ. „ხვამლი“, 2007, № 2(16), გვ. 25-26;
40. ს. მუყალის მღვდელი გ. მარგიანი. სვანეთი, 9 იანვარს. გაზ.
„დროება“, 1883, 25 იანვარი, № 17, გვ. 2-3;
41. ე. გაბლიანი. ზემო სვანეთი. გაზ. „ივერია“, 1904, 2 დეკემბერი,
№ 276, გვ. 2;
42. ექვთ. თაყაიშვილი. არქეოლოგიური ექსპედიცია ლეჩხუმ-
სვანეთში 1910 წელს. პარიზი, 1937, 440 გვ.;
43. მღ. პ. კარბელაშვილი. სვანეთში ორი კვირით, გაზ. „ივერია“,
1903, №197, გვ. 2;
44. მღ. პ. კარბელაშვილი. სვანეთში ორი კვირით. გაზ. „ივერია“,
1903, № 193, გვ. 1-2;
45. მღვდელი. „...და მთავრობის მოყვარებისასა ნუ მიმცემ მე“.
გაზ. „შინაური საქმეები“, 1912, № 8, გვ. 10-11;
46. ე. გაბლიანი. თავისუფალი სვანეთი. „სახელგამი“, ტფილისი,
1927, გვ. 127;
47. მღვ. არსენი ონიანი და სხვ. „თქვენო მაღალკურთხევაჲ...“
გაზ. „შინაური საქმეები“, 1912, № 8, გვ. 13;
48. მღ. პ. კარბელაშვილი. სვანეთში ორი კვირით. გაზ. „ივერია“,
1904, № 68, გვ. 1-2;
49. ლაჯანელი ბანოვანი. წერილი ლეჩხუმიდან. გაზ. „ცნობის
ფურცელი“, 1903, № 2247, გვ. 3;
50. ავტორის გარეშე. ტფილისი. გაზ. „ივერია“, 1903, 9 ოქტომ-
ბერი, № 215, გვ. 2;
51. მიტროპოლიტი ანანია ჯაფარიძე. საქართველოს საეკლესიო
კრებები. წიგნი III, თბილისი, 2003, გვ. 96;
52. რ. გუჯეჯიანი. „ერთობილნი სვანნი“ საქართველოში რუსი-
ფიკატორული პოლიტიკის წინააღმდეგ. დეკანოზი იოანე მარ-
გიანი. „თეოლოგიის კათედრა 5 წლისა“, სამეცნიერო კონფე-
რენციის მასალათა კრებული, „ტექნიკური უნივერსიტეტი“, თბი-
ლისი, 2007, გვ. 104-113;

28. ბლ. მღვდ. ი. მარგიანი. ვინ იყვნენ „ბაპ“-ები, ანუ “პაპ“-ები.
გაზ. „შინაური საქმეები“, 1911, № 26, გვ. 2-3; № 30, გვ. 13-
15, № 31, გვ. 13-14;
29. სვანი. სვანური ენა და ახალი აშორდია. გაზ. „შინაური
საქმეები“, 1911, № 25, გვ. 6-7;
30. ბლალ. მღვდელი ი. მარგიანი. ქართული ლექსიკონის შემუშა-
ვების შესახებ. გაზ. „შინაური საქმეები“, 1911, № 9, გვ. 12-13;
31. მღვდ. ი. მარგიანი. მაგის რა ბრალა. გაზ. „ივერია“, 1897, №
24, 25, 26; გაზ. „შინაური საქმეები“, 1911, № 18, გვ. 11-13;
№ 19, გვ. 12-15;
32. ბლ. მღვდელი ი. მარგიანი. საშინელი დანაშაული (რუსული-
დან). გაზ. „შინაური საქმეები“, 1911, № 39, გვ. 9-11;
33. ბლალ. მღვდელი ი. მარგიანი. რით ვუშველოთ სოფელს ფუ-
ლის საჭიროების დროს. გაზ. „შინაური საქმეები“, 1912, №
38, გვ. 7-9;
34. ი. მარგიანი. მომღერალთა სვანური გუნდის გარშემო. გაზ.
„კომუნისტი“, 1928, 13 ნოემბერი;
35. ი. მ-ნი. მომღერალ სვანთა გუნდი სტუმრათ მესანგრეთა
ასეულთან. გაზ. „კომუნისტი“, 1928, 4 ნოემბერი;

სხვა წყაროები

36. გ. ავალიანი, გ. ზურაბიანი. ეთნოგრაფიული წერილები სვა-
ნეთზე. გამოცემლობა „საბჭოთა საქართველო“, თბილისი, 1973,
196 გვ.;
37. ლ. ტოგონიძე, გ. მაჩუროშვილი. დეკანოზი იოანე მარგიანი.
გაზ. „საპატრიარქოს უწყებანი“, 2006, № 41, გვ. 19;
38. ე. გაბლიანი. ძველი და ახალი სვანეთი. „სსსრ სახელმწიფო
გამომცემლობა“, ტფილისი, 1925, გვ. 143;

შინაარსი

რედაქტორისაგან	5
წინასიტყვაობის მაგიერ	11
ივანე მარგიანის მოკლე ბიოგრაფიული ცნობები	13
ზოგიერთი ცნობა ივანე მარგიანის წინაპრების და დედამამიშვილების შესახებ	25
ივანე მარგიანის სასულიერო მოღვაწეობა	46
ივანე მარგიანი ერთიანი ქართული თვითშეგნების შესახებ	77
მშობლიური კუთხის მოჭირნახულები	90
პირველი სვანური ფოლკლორული ანსამბლი	122
ივანე მარგიანის ლიტერატურული მემკვიდრეობიდან	134
მაგის რა ბრალდია?!	134
საშინელი დანაშაული	148
გამოყენებული ლიტერატურა	152

53. რ. გუჯეჯიანი. ღმერთო აღიდგენ ერთობილი საქართველო, გაზ. „საპატრიარქოს უწყებანი“, № 23, 2006, 15-21 ივნისი, გვ. 12-13;
54. გ. გასვიანი. ქართველი ხალხის დაქუცმაცების და რუსიფიკაციის იმპერიული პოლიტიკა. ჟ. „მნათობი“, 1999, № 11-12, გვ. 121-129;
55. ლეჩხუმის მაზრის თავადაზნაურთა მორიგი კრება. გაზ. „ივერია“, 1903, 10 აპრილი, № 77;
56. ს. კეკელიძე. ქართული ენის გამოდევნა სვანეთის სამრევლო სკოლებიდან. გაზ. „ივერია“, 1905, 29 მარტი, №39, გვ. 1;
57. ავტორის გარეშე. ნარკვევი. გაზ. „ივერია“, 1903, 7 სექტემბერი, № 273, გვ. 3;
58. თ. ლეჟავა. ვინ იყო ივანე მარგიანი? ჟ. „ჩვენი მწერლობა“, 2006, № 12, გვ. 41-44;
59. თ. ლეჟავა. ივანე მარგიანი. გაზ. „რაეო“, 2006, № 12(145), გვ. 4; 2006, № 13(146), გვ. 16;
60. თ. ლეჟავა. ერთიანი ქართული თვითშეგნება და ივანე მარგიანი. ჟ. „ჩვენი მწერლობა“, 2007, № 5, გვ. 30-33;
61. თ. ლეჟავა. მამა იოანე მარგიანის მოღვაწეობის აქამდე უცნობი დეტალები. „საპატრიარქოს უწყებანი“, 2007, № 15, გვ. 19-20;
62. თ. ლეჟავა. უნებლიე შეცდომა თუ დასანანი მიკერძოება? „ლიტერატურული საქართველო“, 2007, № 42, გვ. 8;
63. სვანი. სვანების მომღერალთა გუნდი, გაზ. „კომუნისტი“, 1928, 26 ოქტომბერი, გვ. 4;
64. Седой. Концерт сванского народного хора, газ. «Рабочая правда», 1928, 28 октября;
65. С. Бугославский, В. Ивинг. Музыка и пляски сванов, газ. «Известия», 1928, 28 ноября.

გამომცემლობა აგორა ვთავაზობთ

მსატერული პროზა

ფლირტი - ელექსირი, ირინა ასათიანი, 2008
ბრძოლის ველის განწყობა, მიშელ უელბეკი, 2006, ფრანგულ-
ლიდან თარგმნა გ. ეკიზაშვილმა
სკორტების შზე, ლორან გოდუ, 2007, ფრანგულიდან თარგმნა
ნინო ახვლედიანმა
პატარა შარტრეზი, პიერ პეჟუ, 2007, ფრანგულიდან თარგმნა
გიორგი ეკიზაშვილმა
ეს რომ მართალი იყოს, მარკ ლევი, 2008 , ფრანგულიდან
თარგმნა გურანდა დათაშვილმა

სსაგშეო ლიტერატურა

ბროკას ქუჩის ზღაპრები, პიერ გრიპარი, 2007, ფრანგულიდან
თარგმნა მია კარსიმშვილმა-რაფაელმა
ჯადოსნური ზღაპრები, ალექსანდრე დიუმა, 2007, ფრანგულ-
იდან თარგმნეს თამარ ხოსრუაშვილმა და ნატა ბალავაძემ
პირადმა მდინარე, ჟან-კლოდ ბურლევა, 2007, ფრანგულიდან
თარგმნა გიორგი ეკიზაშვილმა
ძალღი ძაღლი, დანიელ პენაკი, 2008, ფრანგულიდან თარგმნა
გიორგი ეკიზაშვილმა

პოეზია

ბილიკები, გიორგი ეკიზაშვილი, 2006